

SLUŽBENI GLASNIK NOGOMETNOG SAVEZA FEDERACIJE BIH
NOGOMET U FEDERACIJI BIH



PROPOZICIJE i ODLUKE

O natjecanju nogometnih liga
Nogometnog saveza Federacije BiH
natjecateljska sezona 2022/2023

SADRŽAJ

➤ Odluka o kalendaru natjecanja m:tel Prve lige FBiH.....	4
➤ Odluka o kalendaru natjecanja Druge lige FBiH.....	6
➤ Propozicije natjecanja m:tel Prve lige FBiH.....	8
➤ Propozicije natjecanja Druge lige FBiH.....	31
➤ Propozicije natjecanja završnice Kupa FBiH za seniore.....	55
➤ Odluka o kotizaciji za natjecanje klubova m:tel Prve lige FBiH.....	60
➤ Odluka o kotizaciji za natjecanje klubova Druge lige FBiH.....	61
➤ Pravilnik o dnevnicama, putnim troškovima, taksama, članarinama i drugim naknadama.....	62
➤ Odluka o visini novčanih kazni za klubove, igrače, funkcionere i stručna lica.....	69
➤ Pravilnik o načinu vođenja natjecanja u Drugoj ligi FBiH.....	71
➤ Odluka o sjedištu i natjecateljskim organima Druge lige FBiH.....	75
➤ Odluka o imenovanju tehničkih tajnika natjecateljskih organa Druge lige FBiH.....	77
➤ Odluka o imenovanju natjecateljskih organa Druge lige FBiH.....	78

Broj: 785-I/22

Sarajevo: 20.05.2022.

Izvršni odbor Nogometnog saveza Federacije BiH Na osnovu člana 32. Statuta NS Federacije BiH, na 15. sjednici održanoj 20.05.2022. godine u Sarajevu, a na prijedlog Komisije za natjecanje NS FBiH, donio je s l j e d e ć u:

O D L U K U

o kalendaru natjecanja m:tel Prve lige Federacije BiH za natjecateljsku sezonu 2022/2023

PRVI DIO NATJECATELJSKE SEZONE

<i>mjesec</i>	<i>datum</i>	<i>kolo</i>	<i>dan</i>	<i>satnica</i>
Juli/srpanj	12.07.2022.	Žrijeb natjecateljskih brojeva	Utorak	
Avgust/ kolovoz	13/14.08.2022.	I kolo m:tel Prve lige FBiH	Subota/nedjelja	17:00
	20/21.08.2022.	II kolo m:tel Prve lige FBiH	Subota/nedjelja	17:00
	27/28.08.2022.	III kolo m:tel Prve lige FBiH	Subota/nedjelja	17:00
Septembar/ rujan	03/04.09.2022.	IV kolo m:tel Prve lige FBiH	Subota/nedjelja	16:30
	10/11.09.2022.	V kolo m:tel Prve lige FBiH	Subota/nedjelja	16:30
	14.09.2022.	Prvo kolo završnice Kupa FBiH	SRIJEDA	16:00
	17/18.09.2022.	VI kolo m:tel Prve lige FBiH	Subota/nedjelja	16:00
	24/25.09.2022.	VII kolo m:tel Prve lige FBiH	Subota/nedjelja	15:30
Oktobar/ listopad	01.10.2022.	VIII kolo m:tel Prve lige FBiH	Subota	15:30
	05.10.2022.	Drugo kolo završnice Kupa FBiH	SRIJEDA	15:00
	08/09.10.2022.	IX kolo m:tel Prve lige FBiH	Subota/nedjelja	15:00
	15/16.10.2022.	X kolo m:tel Prve lige FBiH	Subota/nedjelja	15:00
	19.10.2022.	Utakmice 1/16 finala Kupa BiH	Srijeda	
	22/23.10.2022.	XI kolo m:tel Prve lige FBiH	Subota/nedjelja	14:30
	29/30.10.2022.	XII kolo m:tel Prve lige FBiH	Subota/nedjelja	14:30/13:30
Novembar /studen	05/06.11.2022.	XIII kolo m:tel Prve lige FBiH	Subota/nedjelja	13:30
	12/13.11.2022.	XIV kolo m:tel Prve lige FBiH	Subota/nedjelja	13:30
	19/20.11.2022.	XV kolo m:tel Prve lige FBiH	Subota/nedjelja	13:30

DRUGI DIO NATJECATELJSKE SEZONE

Februar/ veljača	18/19.02.2023.	Utakmice 1/8 finala Kupa BiH	Subota/nedjelja	
Mart/ ožujak	01.03.2023.	Utakmice 1/4 finala Kupa BiH	Srijeda	
	04/05.03.2023.	XVI kolo m:tel Prve lige FBiH	Subota/nedjelja	15:00
	11/12.03.2023.	XVII kolo m:tel Prve lige FBiH	Subota/nedjelja	15:00
	15.03.2023.	Revanš utakmice 1/4 finala Kupa BiH	Srijeda	
	18/19.03.2023.	XVIII kolo m:tel Prve lige FBiH	Subota/nedjelja	15:00
	25/26.03.2023.	XIX kolo m:tel Prve lige FBiH	Subota/nedjelja	15:30
April/ travanj	01/02.04.2023.	XX kolo m:tel Prve lige FBiH	Subota/nedjelja	16:00
	05.04.2023.	Utakmice 1/2 finala Kupa BiH	Srijeda	
	08.04.2023.	XXI kolo m:tel Prve lige FBiH	Subota	16:30
	15/16.04.2023.	XXII kolo m:tel Prve lige FBiH	Subota/nedjelja	16:30
	19.04.2023.	Revanš utakmice 1/2 finala Kupa BiH	Srijeda	
	23.04.2023.	XXIII kolo m:tel Prve lige FBiH	Nedjelja	17:00
	29/30.04.2023.	XXIV kolo m:tel Prve lige FBiH	Subota/nedjelja	17:00
Maj/ svibanj	06/07.05.2023.	XXV kolo m:tel Prve lige FBiH	Subota/nedjelja	17:00
	13/14.05.2023.	XXVI kolo m:tel Prve lige FBiH	Subota/nedjelja	17:00
	17.05.2023.	Finale Kupa BiH	Srijeda	
	20/21.05.2023.	XXVII kolo m:tel Prve lige FBiH	Subota/nedjelja	17:30
	24.05.2023.	XXVIII kolo m:tel Prve lige FBiH	Srijeda	17:30
	27.05.2023.	XXIX kolo m:tel Prve lige FBiH	Subota	17:30
Juni/lipanj	03.06.2023.	XXX kolo m:tel Prve lige FBiH	Subota	17:30

PREDSJEDNIK
Dragan Soldo

Broj: 785-II/22
Sarajevo: 20.05.2022.

Izvršni odbor Nogometnog saveza Federacije BiH Na osnovu člana 32. Statuta NS Federacije BiH, na 15. sjednici održanoj 20.05.2022. godine u Sarajevu, a na prijedlog Komisije za natjecanje NS FBiH, donio je s l j e d e ć u:

O D L U K U

o kalendaru natjecanja Druge lige Federacije BiH za natjecateljsku sezonu 2022/2023

PRVI DIO NATJECATELJSKE SEZONE

mjesec	datum	kolo	dan	satnica
Juli/srpanj	13.07.2022.	Žrijeb natjecateljskih brojeva	Srijeda	
Avgust/ kolovoz	13/14.08.2022.	I kolo Druge lige FBiH	Subota/nedjelja	17:00
	20/21.08.2022.	II kolo Druge lige FBiH	Subota/nedjelja	17:00
	27/28.08.2022.	III kolo Druge lige FBiH	Subota/nedjelja	17:00
Septembar/ rujan	03/04.09.2022.	IV kolo Druge lige FBiH	Subota/nedjelja	16:30
	10/11.09.2022.	V kolo Druge lige FBiH	Subota/nedjelja	16:30
	14.09.2022.	Prvo kolo završnice Kupa FBiH	SRIJEDA	16:00
	17/18.09.2022.	VI kolo Druge lige FBiH	Subota/nedjelja	16:00
	24/25.09.2022.	VII kolo Druge lige FBiH	Subota/nedjelja	15:30
Oktobar/ listopad	01.10.2022.	VIII kolo Druge lige FBiH	Subota	15:30
	05.10.2022.	Drugo kolo završnice Kupa FBiH	Srijeda	15:00
	08/09.10.2022.	IX kolo Druge lige FBiH	Subota/nedjelja	15:00
	15/16.10.2022.	X kolo Druge lige FBiH	Subota/nedjelja	15:00
	19.10.2022.	Utakmice 1/16 finala Kupa	Srijeda	
	22/23.10.2022.	XI kolo Druge lige FBiH	Subota/nedjelja	14:30
	29/30.10.2022.	XII kolo Druge lige FBiH	Subota/nedjelja	14:30/13:30
Novembar /studen	05/06.11.2022.	XIII kolo Druge lige FBiH	Subota/nedjelja	13:30
	12/13.11.2022.	XIV kolo Druge lige FBiH	Subota/nedjelja	13:30
	19/20.11.2022.	XV kolo Druge lige FBiH	Subota/nedjelja	13:30

DRUGI DIO NATJECATELJSKE SEZONE

Februar/ veljača	18/19.02.2023.	Utakmice 1/8 finala Kupa BiH	Subota/nedjelja	
Mart/ ožujak	01.03.2023.	Utakmice 1/4 finala Kupa BiH	Srijeda	
	04/05.03.2023.	XVI kolo Druge lige FBiH	Subota/nedjelja	15:00
	11/12.03.2023.	XVII kolo Druge lige FBiH	Subota/nedjelja	15:00
	15.03.2023.	Revanš utakmice 1/4 finala Kupa BiH	Srijeda	
	18/19.03.2023.	XVIII kolo Druge lige FBiH	Subota/nedjelja	15:00
	25/26.03.2023.	XIX kolo Druge lige FBiH	Subota/nedjelja	15:30
April/ travanj	01/02.04.2023.	XX kolo Druge lige FBiH	Subota/nedjelja	16:00
	05.04.2023.	Utakmice 1/2 finala Kupa BiH	Srijeda	
	08.04.2023.	XXI kolo Druge lige FBiH	Subota	16:30
	15/16.04.2023.	XXII kolo Druge lige FBiH	Subota/nedjelja	16:30
	19.04.2023.	Revanš utakmice 1/2 finala Kupa BiH	Srijeda	
	23.04.2023.	XXIII kolo Druge lige FBiH	Nedjelja	17:00
	29/30.04.2023.	XXIV kolo Druge lige FBiH	Subota/nedjelja	17:00
Maj/ svibanj	06/07.05.2023.	XXV kolo Druge lige FBiH	Subota/nedjelja	17:00
	10.05.2023.	XXVI kolo Druge lige FBiH	Srijeda	17:00
	13/14.05.2023.	XXVII kolo Druge lige FBiH	Subota/nedjelja	17:30
	17.05.2023.	Finale kupa BiH	Srijeda	
	21.05.2023.	XXVIII kolo Druge lige FBiH	Nedjelja	17:30
	28.05.2023.	XXIX kolo Druge lige FBiH	Nedjelja	17:30
Juni/lipanj	04.06.2023.	XXX kolo Druge lige FBiH	Nedjelja	17:30
	07.06.2023.	Prva utakmica baraža	Srijeda	17:30
	11.06.2023.	Druga utakmica baraža	Nedjelja	17:30

PREDSJEDNIK
Dragan Soldo



NOGOMETNI SAVEZ FEDERACIJE BOSNE I HERCEGOVINE

PROPOZICIJE
natjecanja m:tel Prve lige Federacije BiH
za natjecateljsku sezonu 2022/2023

lipanj/juni 2022.

Broj: 1073/22

Sarajevo: 29.06.2022.

Izvršni odbor Nogometnog saveza Federacije BiH na osnovu člana 32. Statuta NS Federacije BiH, na 17. sjednici održanoj 29.06.2022. godine u Kupresu, a na prijedlog Komisije za natjecanje NS FBiH, donio je s l j e d e ć e:

PROPOZICIJE
natjecanja m:tel Prve lige Federacije BiH
za natjecateljsku sezonu 2022/2023

I - OPĆE ODREDBE

Član 1.

- 1.01. Ovim Propozicijama utvrđuje se način organiziranja i provođenja natjecanja u m:tel Prvoj ligi Federacije BiH u natjecateljskoj 2022/2023 godini.

II - UČESNICI NATJECANJA

Član 2.

- 2.01. U natjecanju za prvenstvo m:tel Prve lige Federacije Bosne i Hercegovine za natjecateljsku 2022/2023 godinu u m:tel Prvoj ligi Federacije BiH sudjeluje 16 (šesnaest) klubova sa prostora Federacije BiH.

III – RUKOVOĐENJE NATJECANJEM

Član 3.

- 3.01. Natjecanjem m:tel Prve lige Federacije BiH rukovodi Izvršni odbor NS FBiH putem Komisije za natjecanje NS FBiH i ostalih komisija Izvršnog odbora i pravnih tijela NS FBiH.

Član 4.

- 4.01. Organi nadležni za provođenje natjecanja m:tel Prve lige Federacije BiH su:
- a) Komisija za natjecanje NS FBiH – rukovodi natjecanjem, registruje utakmice, donosi prvostepene odluke, rješava žalbe u prvom stepenu, rješava sva pitanja iz natjecateljskog dijela, određuje delegate za utakmice, vrši analizu obavljanja delegatske dužnosti i drugo;
 - b) Komisija za suce i suđenje NS FBiH – rješava žalbe na suđenje, vrši analizu suđenja i rada posmatrača suđenja, određuje suce i posmatrače suđenja na utakmice i drugo;
 - c) Komisija za bezbjednost NS FBiH – vrši kontrolu bezbjednosti na utakmicama m:tel Prve lige FBiH, predlaže utakmice visokog rizika, predlaže mjere sprječavanja negativnih pojava na stadionima i drugo;
 - d) Disciplinska komisija NS FBiH – donosi prvostepene disciplinske odluke;
 - e) Apelaciona komisija NS FBiH – drugostepeni organ koji donosi odluke po žalbama na prvostepene odluke iz natjecateljskog i disciplinskog dijela;
 - f) Prvostepena komisija za licenciranje klubova NS FBiH – odlučuje da li aplikantu može izdati licencu u skladu sa odredbama Pravilnika o licenciranju klubova m:tel Prve lige FBiH i u roku određenom za predaju zahtjeva;

- g) Apelaciona (drugostepena) komisija za licenciranje klubova NS FBiH – odlučuje o žalbama aplikanta za licencu te donosi konačnu i obavezujuću odluku o tome da li može izdati licencu;
 - h) Druge komisije Izvršnog odbora NS FBiH.
- 4.02. Ostale nadležnosti i zadaci komisija i pravnih tijela NS Federacije BiH propisani su Pravilnikom o radu Komisija Izvršnog odbora, pravnih tijela i natjecateljskih organa NS FBiH, Pravilnikom o licenciranju klubova m:tel Prve lige NS FBiH, te ostalim pravilnicima i odlukama Izvršnog odbora NS FBiH i NS/FS BiH.

IV - UVJETI ZA UČESTVOVANJE U NATJECANJU

Član 5.

- 5.01 Za učestvovanje u natjecanju m:tel Prve lige Federacije BiH klubovi su obavezni ispunjavati uvjete iz Pravilnika o licenciranju klubova m:tel Prve lige Federacije BiH.
- 5.02. Za sudjelovanje u natjecanju m:tel Prve lige Federacije BiH, pored ostalih, klubovi moraju ispunjavati slijedeće uvjete:
- 5.03. **IGRALIŠTA:**
- a. Da posjeduju odgovarajuće igralište sa kvalitetnom travnatom podlogom za igru, sa prirodnom podlogom ili umjetnom podlogom sa potrebnim certifikatom i dozvolom Nogometnog saveza Federacije BiH, dimenzija 100-110 metara dužine i 64-75 metara širine. Teren mora biti zatravljen cijelom površinom i potpuno ravan da bi se omogućilo normalno kretanje.
 - b. Teren za igru mora biti odvojen od gledališta žičanom (zatvorenim) ogradom punog profila i odgovarajućeg kvaliteta. Ograda mora biti udaljena najmanje dva (2) metra od uzdužne linije igrališta i tri (3) metra od poprečne linije iza vrata (golova) u visini kaznenog prostora. Minimalna visina ograde je 120 cm, računajući sa nivoa tribina.
 - c. Igralište mora posjedovati zaštitne kabine odgovarajućeg kvaliteta za rezervne igrače i stručno vodstvo ekipa za najmanje 13 osoba (13 fiksiranih sjedalica) kao i odvojenu kabinu za delegata utakmice, a sve zaštićeno od kiše i vjetra. Kabine se postavljaju na uzdužnoj strani igrališta, propisno udaljene od terena za igru, odnosno uzdužne linije (dva do tri metra).
 - d. Na stadionu moraju postojati svlačionice za obje ekipe i posebna svlačionica za suce. Sve svlačionice trebaju imati mokre čvorove- kupatila sa toplom vodom, za igrače sa tri (3) tuš ruže, a kod sudaca jedna (1) tuš ruža. Svaka svlačionica (sudijska posebno) treba imati zaseban WC.
 - e. Stadioni gdje se igraju utakmice m:tel Prve lige Federacije BiH moraju imati tribine sa najmanje 1.500 mjesta za sjedenje, a od toga najmanje 1.000 individualnih sjedišta (sjedalica). Kapacitet može biti ostvaren putem jedne ili više tribina koje su djeljive na zasebne sektore.
Klubovi koji imaju 1.000 individualnih sjedalica smatra se da ispunjavaju uvjete iz Propozicija natjecanja uz obavezu izgradnje dodatnog tribinskog prostora sa najmanje 500 mjesta za stajanje.
 - f. Izlazak na teren i povratak igrača u svlačionicu, stručnih rukovodstava ekipa, delegata i sudaca, mora biti osiguran i odvojen od gledatelja. Prolaz od svlačionica do terena za igru

mora biti fizički odvojen od gledatelja i mehanički zaštićen (tunel za izlazak igrača i službenih osoba od svlačionica do terena).

- g. Na stadionu treba biti posebna prostorija za sastavljanje zapisnika. Na stadionima klubova i za utakmice m:tel Prve lige FBiH u službenom prostoru za zapisnik, klub domaćin treba da obezbijedi:
 - ispravan kompjuter sa štampačem,
 - ispravnu internet konekciju za potrebe COMET informacionog sistema,
 Neispunjavanje uvjeta ove tačke sa sobom povlači disciplinske sankcije.
- h. Klub organizator dužan je obezbijediti jednu kontrolnu sobu za hitno okupljanje krizne grupe na utakmici. Ova kontrolna soba služi za hitno okupljanje: delegata, službenih predstavnika klubova, komesara za bezbjednost domaćina i predstavnika policije u slučaju krizne situacije.
- i. U slučaju krizne situacije formirat će se krizni štab sa delegatom, komesarom za bezbjednost, pripadnicima MUP-a te službenim predstavnicima obje ekipe, koji će ocijeniti ima li elemenata za nastavak ili prekid date utakmice.
- j. Na stadionima m:tel Prve lige Federacije BiH mora biti osigurana VIP loža, u centralnom dijelu glavne tribine, odvojena ogradom od ostalog dijela gledališta, sa najmanje 20 (dvadeset) individualnih sjedalica i sigurnim ulaskom na istu. VIP loža služi za smještaj delegacije gostujuće ekipe te predstavnike saveza.
- k. Uz teren ili na tribinama, za snimatelja utakmice mora biti izrađeno uzvišeno i potpuno zaštićeno od vremenskih neprilika i publike mjesto minimalne visine tri (3) metra, na poziciji središnje crte igrališta kako bi se mogao pokriti cijeli teren za snimanje.
- l. Snimanje utakmica m:tel Prve lige FBiH vršit će neovisna TV agencija koju bira IO NS FBiH. Snimateljima TV agencije klub domaćin je obavezan omogućiti sve uvjete za nesmetano i slobodno snimanje, pod prijetnjom disciplinskih sankcija.
- m. Igralište mora biti primljeno od nadležne Komisije NS FBiH za prijem igrališta i registrirano za odigravanje prvenstvenih utakmica. Zapisnik o prijemu-registraciji igrališta treba da je javno istaknut u prostoriji gdje se sačinjava zapisnik utakmice.
- n. Klubovi koji ne ispunjavaju uvjete iz ovog člana, pod „igralište“ ovih Propozicija, mogu u cilju provođenja natjecanja uzeti pod zakup igralište nekog drugog kluba ili vlasnika potpisivanjem sporazuma o korištenju igrališta, s tim da isti ispunjava uvjete iz člana 5.03. pod „igralište“ ovih Propozicija.

5.04. **OSTALI UVJETI:**

- a. Klub mora ispunjavati uvjete iz Normativa minimuma stručno-pedagoškog rada za mlađe kategorije nogometaša u osnovnim nogometnim organizacijama;
- b. Klub m:tel Prve lige FBiH treba imati organiziranu nogometnu aktivnost za selekcije početnika (U-11), pretpionira (U-13), pionira (U-15), kadeta (U-17) i juniora (U-19).
- c. U cijelom toku natjecateljske sezone u stalnim natjecanjima klub m:tel Prve lige FBiH mora imati uključene najmanje četiri omladinske selekcije što se odnosi na pretpionire (U-13), pionire (U-15), kadete (U-17) i juniore (U-19), od kojih juniori i kadeti moraju u cijelom toku natjecateljske sezone igrati u Omladinskoj ligi BiH grupa „Sjever“, „Centar“, „Zapad“, „Jug“ ili Omladinskoj ligi BiH za juniore koju vodi NS/FS BiH.
- d. Selekcije pionira (U-15) i pretpionira (U-13) kluba člana m:tel Prve lige Federacije BiH za seniore, u toku cijele natjecateljske sezone moraju igrati u omladinskim ligama kantonalnih/županijskih saveza.

- e. Nema obaveze da klub sa selekcijom početnika (U-11) učestvuje u službenim natjecanjima. Za takve timove treba organizovati prikladne mini turnire, omladinske susrete na lokalnom nivou i slično, kako bi se zabavili i imali šansu da stiču iskustva igrajući sa drugim timovima. Klubovi nisu obavezni registrirati igrače do 11 godina.
- f. Klub koji u toku natjecateljske sezone sa nekom od omladinskih selekcija odustane od natjecanja ili shodno odredbama DP NS/FS BiH bude isključen iz natjecanja, snosit će disciplinske sankcije prema odredbama Disciplinskog pravilnika NS/FS BiH.
- g. Klubovi m:tel Prve lige Federacije BiH potrebno je da imaju školu nogometa za uzraste od 7-11 godina, u kojoj bi se djeca neprekidno nogometno educirala.
- h. Kantonalni/županijski savezi dužni su sva službena natjecanja u kojima učestvuju navedene kategorije administrativno voditi putem COMET informacionog sistema.
- i. Provjeru uvjeta iz ovog člana vrši Komisija za natjecanje NS Federacije BiH, o čemu obavještava Izvršni odbor NS FBiH.

V - ORGANIZACIJA NATJECANJA

Član 6.

- 6.01. Prvenstvena natjecanja provode se po dvostrukom bod-sistemu i vremenski utvrđenom kalendaru, sa dvije natjecateljske polusezone, jesen i proljeće.
- 6.02. Kalendar i raspored natjecanja, na prijedlog Komisije za natjecanje NS FBiH, usvaja IO NS FBiH, najkasnije 30 (trideset) dana prije početka jesenjeg, odnosno proljetnog dijela prvenstva, a taj rok može biti pomjeren za 15 dana.
- 6.03. Raspored odigravanja prvenstvenih utakmica prvog dijela određuje se prije početka natjecateljske godine žrijebom uz mogućnost primjene poludirigovanog načina žrijebanja samo za klubove iz istog mjesta gdje igraju svoje prvenstvene utakmice kao domaćini, s tim da ako su zainteresovani mogu podnijeti pismeni zahtjev Komisiji za natjecanje NS FBiH da im se omogući razdvajanje odigravanja prvenstvenih utakmica kao domaćina u odnosu na klub iz istog mjesta, i to najkasnije pet dana od određenog datuma provođenja žrijeba za raspored natjecanja za natjecateljsku godinu.
- 6.04. Odluku o izmjenama kalendara natjecanja, u slučaju proglašenja vanrednog stanja ili stanja nesreće od strane nadležnih organa BiH ili Federacije BiH, donosi Komisija za natjecanje NS Federacije BiH.
- 6.05. Konačnu odluku o svim zahtjevima kao i modalitetu žrijebanja natjecateljskih parova donosi Komisija za natjecanje NS FBiH, s tim da se mora voditi računa da se ne narušava interes i pravo ostalih klubova učesnika natjecanja. Odluka Komisije za natjecanje NS FBiH je konačna.
- 6.06. Komisija za natjecanje NS FBiH može odobriti da žrijebanje natjecateljskih parova, umjesto predstavnika klubova vrši neka istaknuta nogometna osoba.
- 6.07. Raspored utakmica za prvenstvo m:tel Prve lige FBiH određuje se žrijebom natjecateljskih brojeva klubova sudionika i primjenom „Bergerove tablice“.
- 6.08. Natjecanje m:tel Prve lige Federacije BiH se administrativno provodi kroz COMET informacioni sistem.

Član 7.

- 7.01. Tri posljednja kola u natjecanju m:tel Prve lige Federacije BiH igraju se isti dan i u isto vrijeme, u skladu sa Kalendarom natjecanja. Izuzetno, ukoliko određena utakmica nema rezultatski značaj, te ishod iste ne utiče bitno na poredak na tabeli, Komisija za natjecanje NS FBiH može odobriti igranje iste u drugom terminu.

Član 8.

- 8.01. Utakmice se igraju u trajanju 2x45 minuta.
- 8.02. Odmor između dva dijela igre traje minimalno 10, a maksimalno 15 minuta.

Član 9.

- 9.01. Nakon obavljenog žrijeba za raspored natjecanja za prvenstvo m:tel Prve lige Federacije BiH, klubovi učesnici natjecanja su obavezni u roku od 8 (osam) dana dostaviti u pismenoj formi Sekretarijatu za natjecanje NS FBiH slijedeće informacije:
- a. mjesto u kojem će kao domaćin igrati svoje prvenstvene utakmice
 - b. naziv stadiona (stalni i zamjenski)
 - c. vrijeme odigravanja utakmica (subota-nedjelja)
 - d. boju sportske opreme (majica, šorc, štucne) u kojoj će nastupati klub, kao i rezervnu boju sportske opreme
 - e. spisak registrovanih igrača, kao i službenih zvaničnika kluba koji će obavljati dužnosti na prvenstvenim utakmicama

VI - PROMJENA TERMINA ODIGRAVANJA UTAKMICA

Član 10.

- 10.01. Promjena termina odigravanja utakmice može se vršiti isključivo na osnovu podnesenog pismenog zahtjeva zainteresovanog kluba Komisiji za natjecanje NS FBiH, najkasnije osam (8) dana prije rasporedom utvrđenog termina odigravanja utakmice, a koji u sebi sadrži razlog zbog kojeg se traži promjena termina s priloženom dokumentacijom, iz koje se nesumnjivo može utvrditi opravdanost podnesenog zahtjeva.
- Pored navedenih razloga klub može dati i eventualni prijedlog novog termina, koji treba, ukoliko je moguće, biti usaglašen sa protivničkim klubom.
- 10.02. U slučaju kada zahtjev za promjenu termina (iz razloga više sile) nije podnesen shodno odredbi 10.01. ovog člana, odnosno najkasnije 3 (tri) dana prije utvrđenog termina za odigravanje utakmice ili je podnesen od strane gostujuće ekipe, kao i kada se za termin utakmice predlaže radni dan, podnosilac zahtjeva obavezan je dostaviti uz obrazloženje i pismenu saglasnost drugog kluba (protivnika) utakmice, za koju se traži promjena termina.
- 10.03. Odluku o zahtjevu kluba za promjenu termina utakmice iz odredbi 10.01. i 10.02. ovog člana donosi Komisija za natjecanje NS FBiH, s tim da se kod donošenja odluke moraju imati u vidu odredbe člana 16. Pravilnika o nogometnim natjecanjima NS/FS BiH.
- 10.04. Odluka Komisije za natjecanje NS FBiH o podnesenom pismenom zahtjevu za promjenu termina odigravanja utakmice je konačna i ona se dostavlja zainteresiranim klubovima i ostalim učesnicima natjecanja.
- 10.05. Izuzetno, Komisija za natjecanje NS FBiH u slučaju ukazane potrebe ili više sile može i u roku kraćem od tri dana donijeti odluku o promjeni termina utakmica.

- 10.06. Shodno potpisanom ugovoru sa kompanijom m:tel, sponzorom Prve lige FBiH, po zahtjevu TV kuće Arena Sport TV, Komisija za natjecanje NS FBiH će donijeti odluku o promjeni termina utakmice.
- 10.07. Komisija za natjecanje NS FBiH, shodno ukazanoj potrebi, može i u drugim slučajevima donijeti odluku o promjeni termina utakmice.

VII - ODLAGANJE UTAKMICE

Član 11.

- 11.01. Ako se odlukom nadležnog državnog organa (Vijeće ministara BiH, entitetske vlade ili lokalni organi uprave) proglasi Dan žalosti na području gdje se prema rasporedu natjecanja tog dana igraju utakmice m:tel Prve lige Federacije BiH, Komisija za natjecanje NS FBiH može odrediti novi termin odigravanja utakmice, u skladu sa kalendarom natjecanja, pri tome vodeći računa da se obezbijedi regularnost natjecanja.
- 11.02. U slučaju kada zbog Dana žalosti nije izvršeno odlaganje utakmice, obaveza je klubova da prije početka utakmice na terenu za igru odaju počast minutom šutnje ili na drugi prikladan način prema nastradalim zbog čega je proglašen Dan žalosti.
- 11.03. U slučaju kada je Dan žalosti proglašen od strane Vijeća ministara BiH, klub domaćin je obavezan da obezbijedi da na jarbolima stadiona zastave budu spuštene na pola koplja ili jarbola, a igrači na terenu za igru na rukavu dresa mogu nositi obilježje crne trake kao znak žalosti.
- 11.04. Klub domaćin obavezan je da putem razglasa zamoli sve učesnike utakmice da se suzdrže od bilo kakvih postupaka suprotno pijetetu zbog kojeg je proglašen dan žalosti.

Član 12.

- 12.01. Ako se u toku trajanja utakmice, na osnovu javnog saopštenja od strane nadležnog organa iz prethodnog člana, proglasi Dan žalosti, utakmica se neće trajno prekinuti, ali je sudija utakmice dužan da u prvom privremenom prekidu igre zaustavi igru i zatraži od igrača na terenu da minutom šutnje izraze saučešće prema nastradalim ili umrlim osobama.

Član 13.

- 13.01. Kada nadležni organ policije sa područja na kojem se trebaju odigrati rasporedom natjecanja prvenstvene utakmice, obavijesti Komisiju za natjecanje NS FBiH pismenim putem, da bi odigravanje utakmice prema utvrđenim terminima moglo imati ozbiljnih posljedica po bezbjedonosnu situaciju učesnika utakmice, Komisija za natjecanje NS FBiH obavezna je uzeti u razmatranje pismeni zahtjev policijskog organa za odlaganje utakmice, te donijeti odluku u vezi sa odlaganjem utakmice, vodeći računa da se zadovolje kriteriji bezbjedonosnog-sigurnosnog aspekta i zaštite regularnosti natjecanja.
- 13.02. Odlaganje utakmice može trajati najduže do deset dana u odnosu na rasporedom utvrđeni termin. Odluka Komisije za natjecanje NS FBiH je konačna i obavezujuća za sve učesnike utakmice.

Član 14.

- 14.01. U slučaju proglašenja vanrednog stanja ili stanja nesreće od strane nadležnih organa BiH ili Federacije BiH, sve odluke vezane za natjecanje donosi Komisija za natjecanje NS FBiH odnosno Izvršni odbor Nogometnog saveza Federacije BiH u skladu sa Statutom Nogometnog saveza Federacije BiH i ostalim pravilnicima i odlukama.

VIII - ODAVANJE POČASTI MINUTOM ŠUTNJE I IZNOŠENJE TRANSPARENATA HUMANITARNOG SADRŽAJA NA UTAKMICAMA

Član 15.

- 15.01. Odavanje počasti (pijeteta) prema određenim kategorijama lica može se vršiti neposredno prije početka utakmice u objektu stadiona i to u slučajevima: iznenadne smrti (nesreće) igrača, sportskih radnika klubova i pripadnika navijačkih skupina, članova organa i tijela saveza, organa UEFA-e i FIFA-e, stradalih lica u elementarnim i drugim katastrofama, smrti državnih ili entitetskih istaknutih ličnosti, te ako je proglašen Dan žalosti.
- 15.02. Za svaku namjeru odavanja počasti minutom šutnje ili na drugi način, klubovi, organizacije i pojedinci moraju pismeno tražiti odobrenje od Komisije za natjecanje NS FBiH najkasnije 48 sati prije početka utakmice sa detaljnim obrazloženjem i protokolom aktivnosti.
- 15.03. O odluci Komisije za natjecanje NS FBiH podnosioci zahtjeva bit će upoznati najkasnije 8 (osam) sati prije početka utakmice, kao i sva službena lica utakmice (delegat, sudije utakmice), te klubovi.
- 15.04. U slučaju iznenadne smrti ili nesreće lica iz odredbe 15.01. ovog člana, odluku će donijeti delegat utakmice nakon konsultacija sa Sekretarijatom NS FBiH i predsjednikom Komisije za natjecanje NS FBiH.
- 15.05. Za slučajeve iznošenja (isticanja) transparenta čiji sadržaj ima humanitarni karakter: borba protiv rasizma, mržnje, nasilja na stadionima, nacionalizma, pomoći unesrećenim licima u elementarnim i drugim katastrofama, primjenjivat će se odredbe kao i za odavanje počasti.

IX - DUŽNOSTI KLUBOVA

Član 16.

- 16.01. Klub domaćin utakmice je obavezan pripremiti teren za igru, kao i sve ostale prostorije (svlačionice, kancelarije i sl.), da su čiste, zagrijane, sa toplom vodom, opremljene sa svim tehničkim pomagalicama najkasnije 90 (devedeset) minuta prije određenog termina za početak utakmice.
- 16.02. Klub domaćin, odnosno organizator u m:tel Prvoj ligi FBiH obavezan je osigurati najmanje šest (6) sponzorskih „SELECT“ lopti, koje u svemu moraju odgovarati propisima Pravila nogometne igre. U slučaju da se utakmica igra po snijegu- odnosno da je teren pokriven snijegom, lopta mora biti crvene boje.
- 16.03. Utvrđivanje podobnosti terena za igru vrši sudija utakmice u prisustvu oba kapitena ekipa koje nastupaju na utakmici.
- 16.04. Odluku o podobnosti terena za odigravanje utakmice donosi isključivo sudija utakmice u skladu sa Pravilima nogometne igre.

Član 17.

- 17.01. Klubovi su obavezni doći na stadion na kome će se odigrati utakmica najkasnije 90 (devedeset) minuta prije utvrđenog vremena za početak utakmice i nastupiti sa najboljim sastavom ekipa, te prisustvovati radnom sastanku (brifingu) kojim predsjedava delegat utakmice.

Član 18.

- 18.01. Klub domaćin obavezan je da delegatu utakmice stavi na raspolaganje ispravan računar sa priključkom na internet i printer. Klubovi su dužni da najkasnije 60 minuta prije početka utakmice, dostave delegatu na propisanom obrascu, spisak igrača i službenih lica koja će nastupati na utakmici i odgovarajuće akreditacije za iste. Sve osobe, igrači i službena lica sa dostavljenog propisanog obrasca za utakmicu, moraju biti licencirane/akreditovane od strane NS/FS BiH i NS FBiH i registrirane u COMET informacionom sistemu.
- 18.02. Spisak mora biti ovjeren i potpisan od zvaničnog predstavnika kluba. Spisak prijavljenih igrača mora sadržavati podatke igrača prijavljenih u COMET sistem. U slučaju da sistem COMET nije u funkciji vođenje zapisnika sa utakmice se radi ručno, a naknadno će delegat u sistemu COMET napraviti zapisnik.

Član 19.

- 19.01. Klub domaćin je obavezan na svim utakmicama postaviti na jarbole: državnu zastavu Bosne i Hercegovine, zastavu NS/FS BiH, a mogu se postaviti i zastava NS FBiH, Federacije BiH, klupske, zastave županija/kantona, te zastava fair playa. Istaknute zastave trebaju biti istih dimenzija, uredne i čiste.
- 19.02. Postavljanje drugih zastava nije dozvoljeno, a u slučaju njihovog postavljanja, klub će snositi disciplinske sankcije po članu 56. Disciplinskog pravilnika NS/FS BiH.

Član 20.

- 20.01. Svaki stadion mora imati sistem javnog razglasa, koji se može čuti sasvim razgovjetno i koji može nadjačati buku mase izvan stadiona.
- 20.02. Najavljivanje putem sistema javnog razglasa mora biti strogo neutralnog karaktera.
- 20.03. Sistem javnog razglasa ne smije se koristiti za političku propagandu, ne smije podržavati domaći tim niti smije sadržavati nijedan oblik diskriminacije gostujućeg tima.
- 20.04. Zabranjeno je korištenje od strane navijačkih skupina internog razglasa, megafona, sirena i drugih uređaja koji izazivaju buku, nadjačavaju službeni sistem javnog razglasa i ometaju samu utakmicu.

Član 21.

- 21.01. Klub domaćin je obavezan da poduzme sve mjere i radnje u cilju zaštite: članova gostujuće ekipe, sudaca, posmatrača suđenja, delegata utakmice, gostujućih navijača (kod organiziranog dolaska), neposredno prije početka utakmice, u toku, između dva poluvremena i po završetku utakmice, a sve do napuštanja stadiona za odigravanje utakmice, kao i poduzeti sve mjere na stadionu za odigravanje utakmice i oko njega, predviđene ovim Propozicijama natjecanja, Pravilnikom o bezbjednosti na utakmicama saveznog stepena natjecanja NS/FS BiH, kao i ostalim pravilnicima, odlukama, propisima i uputstvima NS/FS BiH i NS FBiH.
- 21.02. Klub domaćin utakmice obavezan je obezbijediti najmanje četiri (4) pripadnika profesionalne zaštitarske agencije, koji će se potpuno profesionalno starati za sigurnost svih aktera utakmice, te odgovarajuću dežurnu redarsku službu s propisno označenim dovoljnim brojem redara/zaštitara zaštitarske organizacije (kijih ne može biti manje od 6), pripadnike policije, liječnika i dežurno sanitetsko vozilo sa osobljem i nosilima, kao i najmanje osam (8) propisno označenih sakupljača lopti adekvatnog uzrasta, ravnomjerno i pravilno raspoređenih oko terena za igru, kao i zadužiti posebno lice za njihov rad.

- 21.03. Klub domaćin obavezan je podnijeti pismenu prijavu i tražiti odobrenje za održavanje javnog skupa utakmice nadležnoj policijskoj upravi Ministarstva unutrašnjih poslova, na čijoj teritoriji se treba odigrati utakmica, navodeći sve relevantne podatke, a posebno: mjesto i naziv stadiona, vrsta utakmice, imena klubova, datum i vrijeme odigravanja utakmice, kao i procjenu mogućeg broja gledalaca, kako domaćih, tako i gostujućih, ako su najavljeni, te podatke o angažovanim ostalim službama, redarska, ljekarska, sa orijentacionim brojem lica, te druga neophodna saznanja u vezi sa organizacijom utakmice.
- 21.04. Pismeni zahtjev za odobrenje odigravanja utakmice podnosi se najkasnije 72 sata prije određenog termina za odigravanje utakmice ili u rokovima kojima je regulisano ovo pitanje nadležnih organa bezbjednosti u mjestu odigravanja utakmice.
- 21.05. Pismeno odobrenje za odigravanje utakmice klub domaćin obavezno dostavlja na uvid delegatu utakmice prije njenog početka, odnosno na brifingu.
- 21.06. Bez pismenog odobrenja nadležne policijske stanice i prisustva pripadnika policije, dežurne ljekarske službe, sanitetskog vozila, sanitetskih nosila, zaštitarske i redarske službe utakmica se neće igrati. Odluku o neodigravanju utakmice donosi delegat utakmice i saopštava je sudiji utakmice i zvaničnim predstavnicima klubova, prije početka utakmice i sve to evidentira u izvještaju delegata utakmice i zapisniku sa utakmice.
- 21.07. Klub domaćin za neispunjavanje ovih obaveza snosi natjecateljske i disciplinske posljedice u skladu sa Pravilnikom o nogometnim natjecanjima NS/FS BiH i Disciplinskim pravilnikom NS/FS BiH.
- 21.08. Klubovi su odgovorni za ponašanje svojih igrača, službenih osoba, članova, navijača i svake druge osobe koja obavlja dužnost na utakmici u ime kluba.
- 21.09. Promocija, objava ili isticanje na bilo koji način, političkih poruka ili bilo koji drugi vid političkog djelovanja unutar ili u neposrednoj blizini stadiona nije dozvoljeno prije početka utakmice, tokom utakmice i po završetku utakmice.
- 21.10. Na stadionima m:tel Prve lige FBiH nije dozvoljeno isticanje transparenata i obilježja neprimjerenog, uvredljivog i nepristojnog sadržaja što podliježe disciplinskoj odgovornosti.
- 21.11. Klubovi učesnici natjecanja dužni su ispoštovati eventualnu odluku nadležnog organa NS FBiH da se iz sigurnosnih razloga zabranjuje organizovani odlazak navijača na gostujuće utakmice njihovih klubova.
- 21.12. Na terenu za igru za vrijeme odigravanja utakmice zabranjen je bilo koji oblik reklamiranja.
- 21.13. Na mrežama, ugaonim zastavicama ili vratima ne može biti izvešen reklamni materijal ili pribor (npr. kamere, mikrofoni i megafoni i sl.). Također je zabranjena reprodukcija logotipa na travnatom dijelu terena za igru (korištenjem lasera i sl.).
- 21.14. Ukoliko se na stadionu za vrijeme odigravanja utakmice koristi sat koji pokazuje odigrano vrijeme utakmice, isti mora biti zaustavljen na kraju regularnog vremena igre svakog dijela igre, tj. nakon isteka 45. i 90. minuta igre.
- 21.15. Klubovi m:tel Prve lige FBiH obavezni su na stadion postaviti reklamne panoe i banere kompanije m:tel kako je to predviđeno potpisanim ugovorom. Kontrolu navedenog vrše delegati utakmica te dokaze o realizaciji dostavljaju u Sekretarijat NS FBiH.
- 21.16. Klubovi m:tel Prve lige FBiH dužni su osigurati elektronski ili manuelni semafor za pokazivanje obavijesti o izmjenama kao i nadoknadi vremena.

Član 22.

- 22.01. Klub domaćin obavezan je neovisnoj snimateljskoj kompaniji, koju ovlasti NS FBiH, omogućiti adekvatne uvjete za snimanje utakmice.

- 22.02. Također, TV kompaniji koja vrši direktni prijenos utakmice, osigurati punu sigurnost za opremu i djelatnike prije, za vrijeme i nakon završetka utakmice, u objektu na stadionu.
- 22.03. Ukoliko se vrši TV prenos određene utakmice, trener je obavezan dati izjavu TV kompaniji koja vrši prenos, na mjestu koje je određeno od strane te kompanije. U suprotnom, klub i trener snose disciplinske sankcije.
- 22.04. Ukoliko se neka utakmica emitira u direktnom prenosu putem društvenih mreža, klub je obavezan tražiti saglasnost TV kuće Arena Sport i Nogometnog saveza Federacije BiH. U suprotnom klub snosi disciplinske posljedice.

Član 23.

- 23.01. Za vrijeme odigravanja prvenstvenih utakmica u stadionu, pored terena za igru, u tehničkom prostoru moraju se nalaziti lica akreditovana od strane NS FBiH ili NS/FS BiH i koja ispunjavaju kriterije u postupku licenciranja za natjecanje m:tel Prve lige Federacije BiH, i to:
1. Službeni predstavnik kluba,
 2. Glavni trener sa PRO ili A UEFA trenerskom licencom registriran u COMET informacijski sistem od strane Centra za edukaciju kadrova NS/FS BiH;
 3. Jedan ili dva pomoćna trenera sa PRO, A ili B UEFA trenerskom licencom registriran u COMET informacijski sistem od strane Centra za edukaciju kadrova NS/FS BiH;
 4. Igrači;
 5. Ljekar kluba na domaćim utakmicama;
 6. Fizioterapeut;
 7. Komesar za bezbjednost na domaćim utakmicama.
- 23.02. Pored gore navedenih lica, svaki klub može dodatno prijaviti i do 5 (pet) ostalih službenih lica (trener vratara, kondicioni trener, drugi fizioterapeut, ljekar i dr.), koja moraju biti akreditovana/licencirana od strane NS FBiH ili NS/FS BiH. Klub organizator treba osigurati do 5 (pet) dodatnih mjesta za ova lica, i to pored tehničkog prostora (na udaljenosti od 5 m). U pogledu ponašanja i odijevanja na ova lica primjenjuju se isti propisi kao i za službena lica unutar tehničkog prostora.
- 23.03. U pogledu odijevanja lica u tehničkom prostoru obavezno se primjenjuju slijedeći standardi:
1. Predstavnik kluba u odijelu (sa kravatom ili ne, uz istaknutu akreditaciju izdatu od NS FBiH)
 2. Komesar bezbjednosti u odijelu (sa kravatom ili ne, uz istaknutu akreditaciju izdatu od NS FBiH)
 3. Glavni trener u odijelu (sa kravatom ili ne), ili treneri kluba;
 4. Dva pomoćna trenera u treneri kluba
 5. Igrači u sportskoj opremi kluba sa markerima
 6. Ljekar kluba, odijelo ili u treneri kluba
 7. Fizioterapeut u treneri kluba
- 23.04. U slučaju nepoštivanja navedenih uslova klub snosi disciplinsku odgovornost.
- 23.05. Klubovi m:tel Prve lige Federacije BiH obavezni su imati minimalno jednog glavnog i jednog pomoćnog trenera u tehničkom prostoru sa odgovarajućom UEFA licencom.
- 23.06. Predstavnik kluba, glavni trener ili pomoćni trener ne mogu biti ista osoba.
- 23.07. Osoba koja je u COMET informacijskom sistemu registrirana kao igrač i kao trener, na istoj utakmici može obavljati samo jednu funkciju (igrač ili trener).

- 23.08. Predstavnik kluba, komesar za bezbjednost, lekar i fizioterapeut obavezni su posjedovati odgovarajuću natjecateljsku akreditaciju koju izdaje NS FBiH.
- 23.09. Glavni treneri i treneri obavezni su posjedovati validnu UEFA licencu te ispuniti sve uslove za registraciju trenera u COMET informacioni sistemu.
- 23.10. Validnost izdatih potrebnih dokumenata mogu kontrolisati samo subjekti koji su ih i izdali, a delegat na utakmici utvrđuje njihovo posjedovanje, odnosno identitet lica.
- 23.11. Osobe sa spiska prijavljenih lica koje nemaju odgovarajuću akreditaciju, ne mogu se nalaziti u tehničkom prostoru, osim zamjenskih igrača.
- 23.12. Na klupi kluba m:tel Prve lige FBiH mogu sjediti glavni trener i treneri samo sa validnom UEFA licencom a koji su registrirani putem COMET informacionog sistema.
- 23.13. UEFA trenerske licence moraju biti validne da bi isti bili registrirani u COMET informacioni sistem od strane Centra za edukaciju kadrova NS/FS BiH.
- 23.14. Natjecateljske akreditacije službenog predstavnika, komesara bezbjednosti, lekara i fizioterapeuta kluba m:tel Prve lige FBiH validne su ako su izdane od strane NS FBiH za natjecateljsku 2022/2023 godinu.
- 23.15. Sva akreditirana/licencirana službena lica moraju biti unesena i evidentirana u COMET informacioni sistem sa adekvatnom fotografijom (treneri, predstavnici kluba, lekari, fizioterapeuti i komesari za bezbjednost), od strane administracije NS FBiH odnosno Centra za edukaciju NS/FS BiH kada su u pitanju treneri.

Član 24.

- 24.01. Za vrijeme odigravanja utakmica bez prisustva gledalaca, pored osoba iz člana 21. i 23. ovih Propozicija, mogu biti prisutni članovi uprava klubova, (maksimalno 20 osoba po klubu uz dostavljeni spisak), akreditovani novinari i fotoreporter, osobe iz administracije kluba-domaćina prema spisku sa imenima.
- 24.02. Članovi uprava klubova i osobe iz administracije kluba-domaćina obavezni su boraviti u VIP loži.

X - NASTUPANJE NA UTAKMICI

Član 25.

- 25.01. Klubovi su dužni nastupiti na svim utakmicama stalnog natjecanja koje su odlukama natjecateljskog organa zakazane, predviđene ili odlukom sudije privremeno prekinute, bez obzira na okolnosti u kojima su se nalazili u vrijeme kada su obavješteni da nastupe, odnosno da nastave igranje utakmice.
- 25.02. Klub koji odbije da nastupi ili neodigra utakmicu iz odredbe 25.01. ovog člana, odgovoran je za učinjeni propust u natjecateljskom i disciplinskom smislu.
- 25.03. Organ koji rukovodi natjecanjem, u svim navedenim slučajevima iz ovog člana, takve utakmice registrovati će po službenoj dužnosti 3:0 (par forfe) u korist protivnika i podnijeti zahtjev disciplinskom organu za utvrđivanje disciplinske odgovornosti.

XI - NAJMANJI BROJ IGRAČA U IGRI

Član 26.

- 26.01. Utakmica ne može da počne po Pravilima nogometne igre ako jedna od ekipa nema najmanje sedam igrača na terenu za igru, od kojih je jedan vratar i kapiten.
- 26.02. Igrači, koji nisu upisani do početka utakmice u zapisnik sa utakmice, ne mogu nastupiti na utakmici.
- 26.03. Ako jedna ekipa za vrijeme igre ostane sa manje od sedam igrača, sudija je dužan da zaustavi igru, a ako u roku od pet minuta klub ne nastupi s minimalnim brojem igrača, sudija je dužan da označi kraj utakmice.

Član 27.

- 27.01. Svaka ekipa u zapisnik sa utakmice prijavljuje maksimalno 20 igrača. Klubovi koji nemaju najmanje 16 igrača u zapisniku sa utakmice snosit će disciplinske sankcije.
- 27.02. U igri učestvuje 11 prijavljenih igrača, a tokom igre mogu se izvršiti do pet zamjena tokom tri prekida na utakmici (izmjene koje se vrše prije početka drugog dijela igre – u poluvremenu – ne računaju se kao prekid).

Član 28.

- 28.01. Ekipa na jednoj utakmici ne mogu igrati u istim ili sličnim bojama dresova. Ekipa su dužne usaglasiti boje opreme 72 sata prije zvaničnog termina odigravanja utakmice, u skladu sa prijavljenim osnovnim bojama.
- 28.02. U protivnom, dresove će promijeniti domaća (prvoimenovana) ekipa. Ukoliko jedna od ekipa ne poštuje prijavljene boje dresova, ista snosi disciplinsku odgovornost.

XII - PRAVO NASTUPA IGRAČA

Član 29.

- 29.01. Na prvenstvenim utakmicama mogu nastupiti igrači koji su stekli pravo igranja prema odredbama Pravilnika o registracijama klubova i igrača i statusu i transferu igrača NS/FS BiH, ukoliko su navršili 17 godina života, kao i igrači koji su navršili 16 godina ali sa obaveznom specijalističkim ljekarskim pregledom koji nadležni registracioni savez unosi u COMET informacioni sistem, na osnovu dokaza o obavljenom specijalističkom ljekarskom pregledu, dostavljenom od strane kluba, sa jasno naznačenim rokom trajanja istog, a kojim se proglašava sposobnim za nastupanje na utakmicama seniorskog uzrasta.
- 29.02. U sastavu prijavljene ekipe – zapisniku sa utakmice moraju se nalaziti najmanje četiri igrača mlađa od 21 godine života od kojih najmanje tri obavezno moraju početi utakmicu. Najmanje tri igrača do 21 godine života obavezni su biti u igri cijelim tokom prvog poluvremena, a najmanje jedan igrač do 21 godine života obavezan je biti u igri cijelim tokom utakmice.
Te igrače mogu zamijeniti drugi igrači, ali klub cijelim tokom prvog poluvremena mora imati najmanje tri igrača do 21 godine, a u preostalom dijelu utakmice mora imati najmanje jednog igrača do 21 godine, što se ne odnosi na izmjenu golmana u slučaju povrede, a u suprotnom klub snosi natjecateljske i disciplinske posljedice.

- 29.03. Ukoliko klub m:tel Prve lige FBiH u početnoj postavi ima više od tri igrača mlađa od 21 godine tog igrača može zamijeniti stariji igrač uz uvjet da u igri cijelim tokom prvog poluvremena moraju biti najmanje tri igrača mlađa od 21 godine.
- 29.04. Pravilo nastupa mlađih igrača od 21 godine odnosi se samo na igrače državljanke BiH.
- 29.05. Za natjecateljsku 2022/2023 godinu, igrači mlađi od 21. godine života smatraju se igrači rođeni 01.01.2001. godine i mlađi.
- 29.06. Pravo nastupa igrača stranih državljanke regulisano je odredbama Pravilnika o registracijama klubova i igrača i statusu i transferu igrača NS/FS BiH. Klub može imati više registrovanih igrača stranih državljanke, s tim što 4 (četiri) igrača strana državljanke mogu biti upisani u zapisnik sa utakmice i imaju pravo nastupa na jednoj utakmici. U suprotnom, klub snosi natjecateljske i disciplinske posljedice.
- 29.07. Shodno odredbama Pravilnika o registracijama klubova i igrača i statusu i transferu igrača NS/FS BiH, u toku natjecateljske sezone klub može po osnovu ustupanja registrirati najviše četiri igrača, s tim što najviše tri mogu nastupiti na jednoj utakmici. U suprotnom, klub snosi natjecateljske i disciplinske posljedice.
- 29.08. Igrač strani državljanin kojem istekne boravišna dozvola nema pravo nastupa, a ako nastupi takav igrač, klub snosi natjecateljske i disciplinske posljedice.
- 29.09. Igrači sa dvojn timer državljanstvom ne smatraju se stranim državljanima.
- 29.10. Igrač koji je registrovan za veliki nogomet i futsal može nastupiti isti dan na dvije utakmice i to isključivo jednu u futsalu i jednu u velikom nogometu.
- 29.11. Igrač koji nije unesen u COMET sistem ne može nastupiti za svoju ekipu na utakmici.
- 29.12. Ukoliko oba kluba naprave prekršaj iz gore navedenih stavova, a za koji se snose natjecateljske posljedice, takva utakmica će biti registrovana kao odigrana, ali se neće uzeti u obzir ostvareni rezultat na istoj.

XIII - IDENTITET IGRAČA

Član 30.

- 30.01. Na prvenstvenim utakmicama mogu nastupiti samo igrači čiji je identitet utvrđen putem fotografije iz COMET informacionog sistema, a u slučaju njenog nedostatka identitet će se utvrditi na osnovu javne isprave: lične karte ili pasoša, odnosno štampane ID COMET kartice. Igraču sa neadekvatnom pohranjenom fotografijom u COMET informacionom sistemu (kada je nemoguće utvrditi identitet), delegat utakmice neće dozvoliti nastup na utakmici.
- 30.02. Identitet se u pravilu utvrđuje prije početka utakmice.
- 30.03. Za igrače koji su zakasn timer na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.

XIV - LJEKARSKI PREGLED I ČLANARINA

Član 31.

- 31.01. Svaki igrač koji nastupa u natjecanju mora u COMET informacioni sistem imati unesen period važenja ljeakarskog pregleda i period za koji je uplaćena članarina. Obavljeni ljeakarski pregled

mora sadržavati obavezujuće elemente koje je propisala Komisija za sportsku medicinu NS FBiH.

- 31.02. Rok važnosti ljekarskog pregleda za igrače koji na dan izvršenog pregleda ima najmanje 17 (sedamnaest) i više godina života traje 6 (šest) mjeseci, a za mlađe igrače 4 (četiri) mjeseca.
- 31.03. Za igrača koji nema upisan važeći ljekarski pregled u COMET informacioni sistem ili važeću potvrdu, delegat utakmice neće dozvoliti nastup na utakmici.
- 31.04. Za sva ostala pitanja u vezi sa ljekarskim pregledom igrača primjenjivat će se odredbe člana 56. Pravilnika o nogometnim natjecanjima NS/FS BiH.

XV – PREDSTAVNIK BEZBJEDNOSTI

Član 32.

- 32.01. Na utakmicama na kojima je potrebno prisustvo predstavnika bezbjednosti, istog određuje Komisija za bezbjednost NS FBiH, a nakon obavljenih konsultacija sa Komisijom za natjecanje NS FBiH i Sekretarijatom NS FBiH.
- 32.02. Uloga i obaveze predstavnika bezbjednosti definisane su Uputstvom koje donosi Komisija za bezbjednost NS FBiH.
- 32.03. Troškove predstavnika bezbjednosti na utakmicama m:tel Prve lige FBiH snosi Nogometni savez Federacije BiH u skladu sa Pravilnikom o dnevnicama, putnim troškovima, taksama, članarinama i drugim naknadama NS FBiH.

XVI - DELEGAT NA UTAKMICI

Član 33.

- 33.01. Delegata na utakmici određuje Komisija za natjecanje NS FBiH, sa usvojene liste delegata za sezonu 2022/2023.
- 33.02. Ukoliko na utakmicu ne dođe delegirani delegat, njegovu dužnost preuzima posmatrač suđenja na toj utakmici.
- 33.03. Delegat zastupa Komisiju za natjecanje NS FBiH i ima vrhovni nadzor na utakmici.
- 33.04. Komisija za natjecanje NS FBiH donosi posebno Uputstvo o vršenju dužnosti delegata.
- 33.05. Delegat i sudije su obavezni dostaviti dopunski izvještaj u roku od 24 sata po odigravanju utakmice, ukoliko je na utakmici došlo do incidenata, prekida utakmice kao i na zahtjev Komisije za natjecanje NS FBiH.

Član 34.

- 34.01. Delegat je obavezan da 90 minuta prije početka utakmice održi radni sastanak (brifing) sa predstavnicima klubova, sudijama utakmice, posmatračem suđenja, komesarom za bezbjednost kluba domaćina i predstavnikom policije.
Kašnjenje na radni sastanak – brifing povlači disciplinsku odgovornost.

XVII - POSMATRAČ SUĐENJA

Član 35.

- 35.01. Posmatrača suđenja određuje Komisija za suce i suđenje NS FBiH, sa liste posmatrača suđenja za sezonu 2022/2023.
- 35.02. Uloga i obaveze posmatrača suđenja su definisane Uputstvom koje donosi Komisija za suce i suđenje NS FBiH.

XVIII - SUCI

Član 36.

- 36.01. Utakmice m:tel Prve lige Federacije BiH mogu voditi samo sudije sa liste sudaca m:tel Prve lige FBiH sa ispitom suca prve kategorije, čije određivanje vrši Komisija za suce i suđenje NS FBiH, u skladu sa odlukom Izvršnog odbora NS FBiH. Utakmice m:tel Prve lige Federacije BiH, na zahtjev Komisije za suce i suđenje NS FBiH, mogu suditi i suci sa liste m:tel Premijer lige BiH.
- 36.02. Izuzetno, sudije sa liste neposredno nižeg stepena natjecanja (Druga liga FBiH) koji se nalaze u talent i mentor programu, mogu suditi utakmice m:tel Prve lige FBiH sa zvanjem suca prve kategorije.
- 36.03. Na utakmicama m:tel Prve lige FBiH mogu se odrediti dodatni 5-ti i 6-ti sudac.

Član 37.

- 37.01. Sudija utakmice je dužan da prije početka utakmice pregleda i odluči da li je teren podoban za igru.
- 37.02. Ako sudija utvrdi u prisustvu dva kapitena ekipa da je teren nepodoban za igru, utakmica se neće igrati, a sudija će sačiniti poseban izvještaj o nepodobnosti terena za igru.
- 37.03. Sudija je dužan da nakon utakmice u svom izvještaju navede podatke koje se odnose na postignute pogotke, zamijenjene, opomenute i isključene igrače, a prema potrebi i druge podatke, ako se radi o prekidu utakmice, neredu, tuči, uključujući eventualne prijave i sl.

Član 38.

- 38.01. Za utakmice m:tel Prve lige Federacije BiH može biti određen i supervizor, a određuje ga predsjednik NS FBiH u saradnji sa dopredsjednikom NS FBiH.

XIX - ZAPISNIK SA UTAKMICE

Član 39.

- 39.01. Delegat sastavlja zapisnik sa utakmice. Zapisnik sa utakmice se popunjava elektronski, u COMET sistemu. Klubovi su dužni prije početka utakmice dostaviti ovjeren i potpisan spisak igrača i službenika svoje ekipe na propisanom obrascu.

- 39.02. Po završetku utakmice zapisnik sa utakmice sastavljen putem COMET sistema, spravjavaju delegat i sudija, nakon čega delegat zaključi izvještaj fair playa, a sudija utakmice svojom šifrom zaključuje zapisnik sa odigrane utakmice.
- 39.03. Delegat i glavni sudija odgovorni su za tačnost podataka u zapisniku.

XX - REGISTRACIJA UTAKMICA

Član 40.

- 40.01. Ako na utakmicu nije uložena žalba, a ne postoje uslovi za registraciju po službenoj dužnosti, utakmicu Komisija za natjecanje NS FBiH registruje postignutim rezultatom.
- 40.02. Ako je prvostepena odluka pravosnažna, ili je donijeta drugostepena odluka koja je konačna, jednom registrovana utakmica ne može biti poništena, izuzev u postupku zaštite zakonitosti Pravilnika o nogometnim natjecanjima NS/FS BiH.
- 40.03. Komisija za natjecanje NS FBiH vrši analizu i registraciju odigranih utakmica na prvom narednom sastanku.
- 40.04. Izuzetno, Komisija za natjecanje NS FBiH registraciju odigranih utakmica može izvršiti putem e-maila, telefona ili faksa. Verifikaciju registrovanih utakmica vrši Komisija za natjecanje NS FBiH na prvoj narednoj sjednici.
- 40.05. Ako je na utakmicu uložena žalba, rok za registraciju utakmice se produžava do konačne odluke.

XXI - ŽALBE

Član 41.

- 41.01. Žalbe se po svim osnovama moraju najaviti 24 sata nakon odigrane utakmice elektronskim putem, telegramski, e-mailom ili faxom koji ima automatski ispis datuma i vremena o najavi žalbe.
- 41.02. Žalba sa pismenim obrazloženjem sa dokazom o uplaćenju taksi mora se dostaviti u NS Federacije BiH u roku od 48 sati po odigranoj utakmici.
- 41.03. Ukoliko rok za ulaganje žalbe ili najava žalbe ističe u nedjelju ili na državni praznik, rok za ulaganje žalbe se produžava za prvi naredni radni dan.
- 41.04. Žalba se dostavlja putem Sekretarijata NS FBiH, Komisiji za natjecanje NS FBiH.
- 41.05. Uz žalbu se dostavlja dokaz o uplaćenju taksi u skladu sa odlukom IO NS FBiH.

Član 42.

- 42.01. Nenajavljene, neblagovremene i žalbe koje nisu uredno taksirane neće biti uzete u razmatranje, već će biti odbačene, a utakmica će se registrovati postignutim rezultatom.
- 42.02. Odluke po uložnim žalbama će biti donijete u roku od osam dana od dana prijema žalbe.
- 42.03. Pri ocjeni pravovremenosti i validnosti najave žalbe i žalbe uzima se u obzir datum poslanog e-maila, poštanski žig preporučenog pisma ili telegrama, datum na faksu kao potvrdu o žalbi te datum na novčanoj uplatnici.

Član 43.

43.01. Žalbe u prvom stepenu rješava Komisija za natjecanje NS FBiH.

Član 44.

44.01. Žalbe u drugom stepenu rješava Apelaciona komisija NS FBiH

44.02. Žalbe na odluke Komisije za natjecanje NS FBiH podnose se Apelacionoj komisiji NS FBiH, u roku od osam (8) dana od dana prijema odluke prvostepenog organa.

44.03. Za utakmice posljednja dva kola rok za podnošenje žalbe drugostepenom organu je tri dana.

44.04. Odluke o podnijetim žalbama na odluke Komisije za natjecanje NS FBiH donose se u razumnom roku, a najkasnije u roku od 15 dana, a o žalbama podnijetim na utakmice posljednja dva kola u roku od tri (3) dana od dana prijema žalbe.

44.06. Žalbe na odluke Disiciplinske komisije NS FBiH podnose se Apelacionoj komisiji NS FBiH, u roku od osam (8) dana od dana prijema odluke prvostepenog organa.

44.07. Protiv odluke Apelacione komisije ne može se uložiti žalba.

Član 45.

45.01. Organ koji donosi odluke može utvrditi i skraćeni žalbeni postupak.

XXII - DISCIPLINSKE SANKCIJE

Član 46.

46.01. O disciplinskim prekršajima klubova, igrača, članova stručnog i tehničkog rukovodstva i funkcionera klubova i službenih lica na utakmici koji učestvuju u natjecanju, odlučuje se na osnovu Disciplinskog pravilnika NS/FS BiH i odluke Izvršnog odbora NS FBiH broj 1067/22 od 29.06.2022. godine.

XXIII - UTVRĐIVANJE PLASMANA

Član 47.

47.01. Plasman klubova na tabeli utvrđuje se prema odredbama člana 43. Pravilnika o nogometnim natjecanjima NS/FS BiH.

47.02. Shodno odlukama IFAB-a gol u gostima se ne računa dvostruko;

47.03. Prvak m:tel Prve lige Federacije BiH na kraju natjecateljske sezone 2022/2023 prelazi u viši rang- m:tel Premijer ligu BiH.

XXIV - POPUNJAVANJE LIGE

Član 48.

48.01. m:tel Prvu ligu Federacije BiH u natjecateljskoj sezoni 2023/2024 popunjavaju dva kluba Druge lige FBiH „Sjever“, „Centar“, „Zapad“ i „Jug“ koji će se dobiti nakon odigranog doigravanja prvoplasiranih timova Druge lige FBiH, koji istovremeno moraju ispunjavati i sve

- ostale uvjete propisane Propozicijama natjecanja, Pravilnikom o licenciranju klubova za učešće u natjecanju m:tel Prve lige NS FBiH i drugim odlukama Izvršnog odbora NS FBiH.
- 48.02. Izuzetno, u doigravanje za ulazak u m:tel Prvu ligu FBiH plasman može ostvariti i sljedeći klub prema plasmanu iz Druge lige Federacije BiH koji je dobio licencu za igranje u m:tel Prvoj ligi FBiH i to samo ako klub prvak Druge lige FBiH nije dobio licencu za natjecanje u m:tel Prvoj ligi FBiH.
- 48.03. m:tel Prvu ligu Federacije BiH u natjecateljskoj sezoni 2023/2024 popunjavaju klubovi iz NS FBiH koji po osnovu plasmana iz prethodne sezone napuštaju m:tel Premijer ligu BiH, ako ispunjavaju uslove u postupku licenciranja klubova za natjecanje u m:tel Prvoj ligi FBiH.
- 48.04. Na kraju natjecateljske sezone 2022/2023, m:tel Prvu ligu Federacije BiH napustit će onoliko klubova koliko je potrebno da bi se m:tel Prva liga FBiH popunila klubovima koji ispadaju iz natjecanja m:tel Premijer lige i klubovima pobjednicima doigravanja za ulazak u m:tel Prvu ligu FBiH, a da bi m:tel Prva liga FBiH u natjecateljskoj sezoni 2023/2024 brojala 16 klubova.
- 48.05. Ukoliko neki od klubova koji je rezultatski obezbijedio učešće u natjecanju m:tel Prve lige FBiH za sezonu 2023/2024 ne dobije licencu za učešće u natjecanju m:tel Prve lige FBiH za sezonu 2023/2024 status prvoligaša zadržava prvi naredni klub koji nije rezultatski ostvario plasman u m:tel Prvoj ligi FBiH a koji je dobio licencu za natjecateljsku sezonu 2023/2024.
- 48.06. Izuzetno, m:tel Prvu ligu Federacije BiH može popuniti i poraženi klub/klubovi iz baraža za ulazak u m:tel Prvu ligu FBiH koji je ostvario bolji rezultat i to samo ako se ukaže mjesto za popunu m:tel Prve lige FBiH do broja 16.
Također izuzetno, m:tel Prvu ligu Federacije BiH može popuniti i prvi naredni klub Druge lige FBiH prema plasmanu a koji je dobio licencu, ako se ukaže mjesto za popunu m:tel Prve lige FBiH do broja 16 i to samo iz one grupe u koju ispada klub m:tel Prve lige FBiH koji nije dobio licencu.
- 48.07. Pri ocjeni bolje ostvarenog rezultata poraženih klubova u obzir se uzima gol razlika. Ukoliko je gol razlika identična u obzir se uzima broj datih i primljenih pogodaka. Ukoliko je i broj datih i primljenih golova identičan u obzir se uzima fair-play tabela, s tim što žuti karton donosi jedan negativan broj, a crveni karton dva negativna boda. Ukoliko je sve identično, plasman u m:tel Prvu ligu FBiH će se odlučiti žrijebom.
- 48.08. Način doigravanja za ulazak u m:tel Prvu ligu Federacije BiH propisani su Propozicijama natjecanja Druge lige FBiH.
- 48.09. Uvjeti za prijem u natjecanje m:tel Prve lige Federacije BiH propisani su Pravilnikom o licenciranju klubova NS FBiH.

XXV - FINANSIJSKE ODREDBE

Član 49.

- 49.01. Prihodi sa prvenstvenih utakmica pripadaju klubu domaćinu.

Član 50.

- 50.01. Službenim licima na utakmici pripada odgovarajuća naknada, koja uključuje taksu, dnevnicu i putne troškove, u skladu sa Pravilnikom o dnevnicama, putnim troškovima, taksama, članarinama i drugim naknadama NS FBiH.
- 50.02. Sve isplate vrše se poslije odigravanja utakmica, najkasnije 24 sata po odigranoj utakmici, obavezno na žiro račune službenih osoba.

- 50.03. Ukoliko klub ne isplati službena lica ili ih djelomično isplati, klubu se ostavlja dodatni rok od 24 sata da izmiri troškove, nakon čega se podnosi prijava za pokretanje disciplinskog postupka protiv kluba.
- 50.04. Klub je dužan validan dokaz o isplati naknada za službena lica, dostaviti delegatu na brifingu prije početka prve naredne utakmice.
- 50.05. Delegat je dužan na brifingu, sat i pol prije početka utakmice, izvršiti provjeru da li je klub isplatio pripadajuće naknade svakom službenom licu pojedinačno što se odnosi na prethodnu utakmicu.

Član 51.

- 51.01. Izvršni odbor NS Federacije BiH prije početka prvenstva donosi odluku o visini troškova natjecanja. Kotizacija za natjecanje se utvrđuje za cijelu natjecateljsku sezonu uz mogućnost da klubovi uplatu izvrše u dvije rate, svaku prije početka natjecateljske polusezone.
- 51.02. Ukoliko klub odustane od natjecanja u toku natjecateljske sezone, obavezan je izvršiti uplatu kotizacije za natjecanje u cijelosti.
- 51.03. Neizvršenje obaveza povlači disciplinske posljedice u skladu sa odredbama Disciplinskog pravilnika NS/FS BiH.

XXVI - NAGRADE

Član 52.

- 52.01. Nogometni savez Federacije BiH prvoplasiranoj ekipi m:tel Prve lige FBiH dodjeljuje pehar u trajno vlasništvo.
- 52.02. Igračima, tehničkom i stručnom rukovodstvu prvoplasiranog kluba dodjeljuje se 35 medalja.

XXVII - ZAVRŠNE ODREDBE

Član 53.

- 53.01. Za sve što nije predviđeno ovim Propozicijama, važe odredbe Pravilnika o nogometnim natjecanjima NS/FS BiH, Pravila nogometne igre i drugih propisa NS FBiH, NS/FS BiH, FIFA-e i UEFA-e.

Član 54.

- 54.01. Propozicije stupaju na snagu danom objavljivanja na web stranici Saveza, a primjenjuju se za natjecateljsku sezonu 2022/2023.

P R E D S J E D N I K

Soldo Dragan

NOGOMETNI SAVEZ FEDERACIJE BiH**KLUBOVIMA PRVE LIGE FEDERACIJE BiH***(Aneks Propozicija natjecanja za natjecateljsku sezonu 2022/2023)***ANEKS – MINIMUM MEDICINSKIH ZAHTJEVA ZA TRETMAN IGRAČA, STRUČNOG ŠTABA TIMA I SUDIJSKOG TIMA**

Ovaj dokument detaljno specificira minimum medicinskih zahtjeva za natjecanjeu m:tel Prvoj ligi Federacije BiH u smislu usluga koje treba osigurati klub domaćin za tretman igrača, stručnog štaba tima i sudijskog tima. Konkretni zahtjevi za svako natjecanje specificirani su u svakom odjeljku.

1. Ambulatna kola

Obavezni zahtjevi važe za:

a) dan igranja utakmice na stadionu odigravanja utakmice m:tel Prve lige FBiH

U natjecanju m:tel Prve lige FBiH klub domaćin je odgovoran za obezbjeđenje ambulantnih kola ALS (za naprednu podršku kod životne ugroženosti) s najmanje jednim članom paramedicinskog osoblja smještenih na pogodnom mjestu kako bi se omogućila hitna medicinska evakuacija s terena bez odlaganja.

Kada su ambulatna kola potrebna na stadionu, savjetuje se ukoliko se ne mogu obezbjediti ambulatna kola javnog zdravstvenog servisa da se koriste privatna ambulatna kola, da bi se osiguralo prisustvo ambulantnih kola na stadionu za potrebni period (3 sata).

Obavezni	Preporučeni
<p>1 x kompletno opremljena ambulantna kola ALS:</p> <ul style="list-style-type: none"> koja bi se koristila samo za tretman igrača, stručnog štaba tima, sudijskog tima i oficire utakmice koja bi bila prisutna 30 minuta prije početka utakmice, za vrijeme trajanja utakmice i do 30 minuta nakon utakmice (ukupno 3 sata) lokaciju treba potvrditi lekarima tima pri dolasku na stadion da se nalaze u području stadiona s kojeg je omogućen najbolji brzi izlazak s područja terena/svlačionica za hitnu medicinsku evakuaciju 	<ul style="list-style-type: none"> da ambulantna kola sadrže kompletno opremljenu torbu za hitnu pomoć i AED defibrilator da ambulantna kola imaju najmanje jednog člana paramedicinskog osoblja

2. Ljekarsko osoblje

Obavezni zahtjevi važe za:

a) dan igranja utakmice u m:tel Prvoj ligi FBiH

Klub domaćin odgovoran je za obezbjeđenje jednog ljekara obučenog za hitnu medicinsku pomoć koji će biti prisutan uz ivicu terena najmanje od trenutka dolaska timova na stadion i do njihovog odlaska. Tu ulogu može vršiti ljekar domaćeg tima, pod uslovom:

- da je ljekar tima obučen i kvalifikovan za hitnu prvu ljekarsku pomoć i tehnike pružanja pomoći;
- da je imenovan neki drugi dužnosnik iz kluba domaćina za olakšavanje hitne medicinske evakuacije sa stadiona bez odlaganja.

Obavezni	Preporučeni
	<p>1 x ljekar za hitnu medicinsku pomoć uz teren za igru:</p> <ul style="list-style-type: none"> • Vršiti ulogu medicinskog koordinatora za stadion izuzev ako je obezbijeđen i specifični medicinski koordinator. • Odgovoran za osiguranje potrebne medicinske opreme uz ivicu terena specificirane u poglavlju 1. • Odgovoran samo za tretman igrača, stručnog štaba tima, sudijskog tima i oficira utakmice.
1 x ekipa za nosila (s nosilima od lesonita i najmanje dva obučena nosača (kvalifikacija u pružanju prve pomoći/iskustvo u nošenju pacijenata na nosilima)).	

P R E D S J E D N I K
KOMISIJE ZA SPORTSKU MEDICINU
Hodžić Faruk sr.

Broj: 1020/22

Sarajevo: 23.06.2022.

KOMISIJA ZA SPORTSKU MEDICINU NS FBiH

Na osnovu člana 21. Pravilnika o radu Komisija Izvršnog odbora i pravnih tijela Nogometnog saveza Federacije Bosne i Hercegovine, Komisija za sportsku medicinu NS FBiH donosi s l j e d e ć u

O D L U K U

o obavezujućim elementima za ljekarski pregled igrača

Član 1.

Ljekarski pregled igrača mora sadržavati sljedeće minimalne obavezujuće elemente:

- a) Internistički pregled ili pedijatrijski pregled (za igrače do 16 godina), koji obavezno treba sadržavati: EKG analizu u skladu sa UEFA propisima i osnovnu laboratorijsku obradu,
- b) Oftalmološki pregled,
- c) Stomatološki pregled,
- d) Ostale testove i analize prema indikaciji.

Član 2.

Ova Odluka stupa na snagu danom objavljivanja u Službenom glasniku NS FBiH.

O b r a z l o ž e n j e

Komisija za sportsku medicinu NS FBiH je razmatrala odredbe poglavlja XIV Propozicija takmičenja Prve lige Federacije BiH (Ljekarski pregled i članarina).

Istim poglavljem predviđa se obaveza da svaki igrač, koji nastupa u nekom od prednje navedenih takmičenja, obavezno mora imati upisan nalaz o izvršenom ljekarskom pregledu koji sadrži ocjenu o zdravstvenoj sposobnosti u COMET informacionom sistemu.

Član 31.02. Propozicija takmičenja predviđa i spisak obavezujućih elemenata a za čije donošenje propisuje nadležnost Komisije za sportsku medicinu NS FBiH.

Shodno prednje navedenom, a kako bi se u potpunosti ispoštovala odredba ovog člana, te precizirala i pojednostavila njegova primjena u praksi, Komisija za sportsku medicinu NS FBiH donijela je odluku kao u dispozitivu.

P R E D S J E D N I K

KOMISIJE ZA SPORTSKU MEDICINU

Hodžić Faruk sr.



NOGOMETNI SAVEZ FEDERACIJE BOSNE I HERCEGOVINE

PROPOZICIJE
natjecanja Druge lige Federacije BiH
za natjecateljsku sezonu 2022/2023

lipanj/juni 2022.

Broj: 1074/22

Sarajevo: 29.06.2022.

Izvršni odbor Nogometnog saveza Federacije BiH na osnovu člana 32. Statuta NS Federacije BiH, na 17. sjednici održanoj 29.06.2022. godine u Kupresu, a na prijedlog Komisije za natjecanje NS FBiH, donio je s l j e d e ć e:

PROPOZICIJE

natjecanja Druge lige Federacije BiH grupa „Sjever“, „Centar“, „Zapad“, i „Jug“ za natjecateljsku sezonu 2022/2023

I - OPĆE ODREDBE

Član 1.

- 1.01. Ovim Propozicijama utvrđuje se način organiziranja i provođenja natjecanja u Drugoj ligi Federacije BiH u natjecateljskoj 2022/2023 godini.

II – RUKOVOĐENJE NATJECANJEM

Član 2.

- 2.01. Natjecanjem u Drugoj ligi Federacije BiH rukovodi Izvršni odbor NS FBiH putem nadležnih komisija odnosno imenovanih povjerenika, u savezima kojima je IO NS FBiH povjerio vođenje lige i ostalih komisija i pravnih tijela Nogometnog saveza Federacije BiH.
- 2.02. Kontrolu rada natjecateljskih organa Druge lige FBiH vrše nadležne komisije i to: Komisija za natjecanje NS FBiH, Komisija za suce i suđenje NS FBiH i Disciplinska komisija NS FBiH u saradnji sa Sekretarijatom natjecanja, koje po potrebi održavaju sastanke sa natjecateljskim organima Druge lige FBiH, vrše analizu natjecanja i suđenja Druge lige FBiH, vrše verifikaciju listi uspješnosti, te učestvuju u organizaciji, edukaciji i provođenju seminara Druge lige FBiH.

Član 3.

- 3.01. Organi nadležni za provođenje natjecanja Druge lige Federacije BiH su:
- Povjerenik za natjecanje – rukovodi natjecanjem, registruje utakmice, donosi prvostepene odluke, rješava žalbe u prvom stepenu, rješava sva pitanja iz natjecateljskog dijela, određuje delegate za utakmice, vrši analizu obavljanja delegatske dužnosti i drugo;
 - Povjerenik za suđenje – rješava žalbe na suđenje, vrši analizu suđenja i izvještaja posmatrača suđenja, određuje suce na utakmice i drugo;
 - Disciplinski sudac – donosi prvostepene disciplinske odluke;
 - Komisija za bezbjednost NS FBiH – vrši kontrolu bezbjednosti na utakmicama Druge lige FBiH, predlaže utakmice visokog rizika, predlaže mjere sprječavanja negativnih pojava na stadionima i drugo;
 - Apelaciona komisija NS FBiH – drugostepeni organ koji donosi odluke po žalbama na prvostepene odluke iz natjecateljskog i disciplinskog dijela;
 - Prvostepena komisija za licenciranje klubova NS FBiH – odlučuje da li aplikantu može izdati licencu u skladu sa odredbama Pravilnika o licenciranju klubova m:tel Prve lige FBiH i u roku određenom za predaju zahtjeva;

- g) Apelaciona (drugostepena) komisija za licenciranje klubova NS FBiH – odlučuje o žalbama aplikanta za licencu te donosi konačnu i obavezujuću odluku o tome da li može izdati licencu;
 - h) Druge komisije Izvršnog odbora NS FBiH.
- 3.02. Ostale nadležnosti i zadaci komisija i pravnih tijela NS FBiH propisani su Pravilnikom o radu Komisija Izvršnog odbora, pravnih tijela i natjecateljskih organa NS FBiH, Pravilnikom o licenciranju klubova m:tel Prve lige NS FBiH, te ostalim pravilnicima i odlukama Izvršnog odbora NS FBiH i NS/FS BiH.
- 3.03. Izvođenje natjecanja u grupama Druge lige FBiH bit će regulisano posebnom Odlukom IO NS FBiH ustupljeno pripadajućim kantonalnim/županijskim nogometnim savezima, koji će natjecanje organizirati u skladu sa ostalim odlukama IO NS FBiH.
- 3.04. Kantonalni/županijski nogometni savezi kojima je povjereno vođenje Druge lige FBiH obavezni su vršiti svu potrebnu korespondenciju sa svim klubovima Druge lige FBiH, te ih blagovremeno obavještavati o svim važećim odlukama i propisima NS FBiH i NS/FS BiH.

III - UČESNICI NATJECANJA

Član 4.

- 4.01. U natjecanju za prvenstvo FBiH, za natjecateljsku 2022/2023 godinu u grupama Druge lige: „Sjever“, „Centar“, „Zapad“ i „Jug“ sudjeluje u svakoj od navedenih grupa do 16 (šesnaest) klubova.

Član 5.

- 5.01 Drugu nogometnu ligu FBiH- grupa „**SJEVER**“ sačinjavaju klubovi NS Tuzlanskog kantona i NS Posavske županije - Orašje.
- 5.02. Drugu nogometnu ligu FBiH- grupa „**CENTAR**“ sačinjavaju klubovi NS Zeničko-dobojskog kantona, FS Kantona Sarajevo i FS Bosansko-podrinjskog kantona.
- 5.03. Drugu nogometnu ligu FBiH- grupa „**ZAPAD**“ sačinjavaju klubovi NS Srednjobosanskog kantona/Kantona Središnja Bosna i NS Unsko-sanskog kantona.
- 5.04. Drugu nogometnu ligu FBiH- grupa „**JUG**“ sačinjavaju klubovi ŽNS Županije Hercegbosanske, ŽNS Zapadnohercegovačkog i NS Hercegovačko-neretvanskog kantona/županije.

IV - USLOVI ZA UČESTVOVANJE U NATJECANJU

Član 6.

- 6.01. Za sudjelovanje u natjecanju Druge lige Federacije BiH, pored ostalih, klubovi moraju ispunjavati sljedeće uvjete:
- 6.02. **IGRALIŠTA:**
- a. Da posjeduju odgovarajuće igralište sa kvalitetnom travnatom podlogom za igru, sa prirodnom podlogom ili umjetnom podlogom sa potrebnim certifikatom i dozvolom Nogometnog saveza Federacije BiH dimenzija 95-110 metara dužine i 60-75 metara širine. Teren mora biti zatravljen cijelom površinom i potpuno ravan da bi se omogućilo normalno kretanje.

- b. Izuzetno, organ koji rukovodi natjecanjem može donijeti privremenu odluku o prijemu terena za igru za određeni vremenski period sa manjim dimenzijama od naznačenih u prethodnoj tački i to u slučajevima kada stadion ispunjava ostale uvjete iz Propozicija natjecanja, a trenutno ne postoji objektivna mogućnost za proširenje terena za igru.
- c. Teren za igru mora biti odvojen od gledališta žičanom (zatvorenom) ogradom punog profila i odgovarajućeg kvaliteta. Ograda mora biti udaljena najmanje dva (2) metra od uzdužne linije igrališta i tri (3) metra od poprečne linije iza vrata (golova) u visini kaznenog prostora. Minimalna visina ograde je 120 cm, računajući sa nivoa tribina.
- d. Igralište mora posjedovati zaštitne kabine odgovarajućeg kvaliteta za rezervne igrače i stručno vodstvo ekipa za najmanje 13 osoba (13 fiksiranih sjedalica) kao i odvojenu kabinu za delegata utakmice, a sve zaštićeno od kiše i vjetra. Kabine se postavljaju na uzdužnoj strani igrališta, propisno udaljene od terena za igru, odnosno uzdužne linije (dva do tri metra).
- e. Na stadionu moraju postojati svlačionice za obje ekipe i posebna svlačionica za suce. Sve svlačionice trebaju imati mokre čvorove- kupatila sa toplom vodom, za igrače sa tri (3) tuš ruže, a kod sudaca jedna (1) tuš ruža. Svaka svlačionica (sudijska posebno) treba imati zaseban WC.
- f. Stadioni gdje se igraju utakmice Druge lige Federacije moraju imati najmanje 500 mjesta za sjedenje na tribinama.
- g. Izlazak na teren i povratak igrača u svlačionicu, stručnih rukovodstava ekipa, delegata i sudaca, mora biti osiguran i odvojen od gledatelja. Prolaz od svlačionica do terena za igru mora biti fizički odvojen od gledatelja i mehanički zaštićen (tunel za izlazak igrača i službenih osoba od svlačionica do terena).
- h. Na stadionu treba biti posebna prostorija za sastavljanje zapisnika. Na stadionima klubova i za utakmice Druge lige FBiH u službenom prostoru za zapisnik, klub domaćin treba da obezbijedi:
 - ispravan kompjuter sa štampačem,
 - ispravnu internet konekciju za potrebe COMET informacionog sistema,
 Neispunjavanje uvjeta ove tačke sa sobom povlači disciplinske posljedice.
- i. Klub organizator dužan je obezbijediti jednu kontrolnu sobu za hitno okupljanje krizne grupe na utakmici. Ova kontrolna soba služi za hitno okupljanje: delegata, službenih predstavnika klubova, komesara za bezbjednost domaćina i predstavnika policije u slučaju krizne situacije.
- j. U slučaju krizne situacije formirat će se krizni štab sa delegatom, komesarom za bezbjednost, pripadnicima MUP-a te službenim predstavnicima obje ekipe, koji će ocijeniti ima li elemenata za nastavak ili prekid date utakmice.
- k. Klub domaćin Druge lige FBiH obavezan je omogućiti snimanje utakmice zainteresiranom klubu-gostu pod prijetnjom disciplinskih sankcija, uz obaveznu najavu od strane gostujućeg kluba povjereniku za natjecanje i klubu domaćinu najkasnije 48 sati prije odigravanja utakmice.
- l. Igralište mora biti primljeno od nadležne Komisije NS FBiH za prijem igrališta i registrirano za odigravanje prvenstvenih utakmica. Zapisnik o prijemu-registraciji igrališta treba da je javno istaknut u prostoriji gdje se sačinjava zapisnik utakmice.
- m. Klubovi koji ne ispunjavaju uvjete iz ovog člana, pod „igralište“ ovih Propozicija, mogu u cilju provođenja natjecanja uzeti pod zakup igralište nekog drugog kluba ili vlasnika, potpisivanjem sporazuma o korištenju igrališta, s tim da isto ispunjava uvjete iz člana 6. pod „igralište“ ovih Propozicija.

- n. Izuzetno, Izvršni odbor Nogometnog saveza Federacije BiH može donijeti odluku privremenog karaktera za igralište koje djelimično ne ispunjava uslove iz ovog člana.
- o. Uz teren ili na tribinama, za snimatelja utakmice mora biti izrađeno uzvišeno i potpuno zaštićeno od vremenskih neprilika i publike mjesto minimalne visine tri (3), na poziciji središnje crte igrališta kako bi se mogao pokriti cijeli teren za snimanje.
- p. Snimanje utakmica regulisano je posebnim uputstvom o snimanju utakmica izdatim od strane NS FBiH.
- r. Klub domaćin može utakmicu Druge lige FBiH emitirati u direktnom prenosu putem TV kanala ili društvenih mreža uz prethodnu saglasnost povjerenika za natjecanje.
- s. Ukoliko klub gost utakmicu Druge lige FBiH emitira u direktnom prenosu putem TV kanala ili društvenih mreža, klub je obavezan tražiti saglasnost povjerenika za natjecanje i kluba domaćina. U suprotnom klub snosi disciplinske posljedice.

6.03. OSTALI UVJETI:

- a. Klub mora ispunjavati uvjete iz Normativa minimuma stručno-pedagoškog rada za mlađe kategorije nogometaša u osnovnim nogometnim organizacijama;
- b. Klub treba organizirati nogometnu aktivnost sa natjecateljskim ekipama pretpionira (U-13), pionira (U-15), kadeta (U-17) i juniora (U-19). Od tih, najmanje dvije (2) trebaju u cijelom toku sezone učestvovati u stalnim natjecanjima u ligama kantonalnih/županijskih saveza ili NS FBiH / NS/FS BiH.
- c. Klubovi Druge lige FBiH da bi ostvarili plasman u m:tel Prvu ligu FBiH, pored ostalih uvjeta (prvoplasirani, infrastruktura, ispunjavanje uvjeta iz Pravilnika o licenciranju klubova i dr.) moraju ispuniti uvjet da su u cijelom toku te na sezone u stalnim natjecanjima imali uključene minimalno tri omladinske selekcije. Od toga obavezno selekcije juniora (U-19) i kadeta (U-17) u Omladinskoj ligi BiH grupa „Centar“, „Jug“, „Sjever“ i „Zapad“ ili Premijer ligi BiH za juniore, a ostale u stalnim ligama kantona/županija.
- d. Klubovi Druge lige FBiH potrebno je da imaju školu nogometa za uzraste od 7-11 godina, u kojoj bi se djeca neprekidno nogometno educirala.
- e. Klub koji u toku natjecateljske sezone sa nekom od omladinskih selekcija odustane od natjecanja ili shodno odredbama Disciplinskog pravilnika NS/FS BiH bude isključen iz natjecanja, snosit će disciplinske sankcije prema odredbama Disciplinskog pravilnika NS/FS BiH.
- f. Kantonalni/županijski savezi dužni su da sva službena natjecanja u kojima učestvuju navedene kategorije administrativno voditi putem COMET informacionog sistema;
- g. Provjeru uvjeta iz ovog člana i vrši Komisija za natjecanje NS FBiH, o čemu obavještava Izvršni odbor NS FBiH.

V - ORGANIZACIJA NATJECANJA

Član 7.

- 7.01 Prvenstveno natjecanje Druge lige FBiH grupa „Centar“, „Sjever“, „Jug“ i „Zapad“ provodi se po dvostrukom bod sistemu i vremenski utvrđenom kalendaru, sa dvije natjecateljske polusezone, jesen i proljeće.

- 7.02. Kalendar i raspored natjecanja, na prijedlog Komisije za natjecanje NS FBiH, usvaja IO NS FBiH, najkasnije 30 (trideset) dana prije početka jesenjeg, odnosno proljetnog dijela prvenstva, a taj rok može biti pomjeren za 15 dana.
- 7.03. Raspored odigravanja prvenstvenih utakmica prvog dijela određuje se prije početka natjecateljske godine žrijebom uz mogućnost primjene poludirigovanog načina žrijebanja samo za klubove iz istog mjesta gdje igraju svoje prvenstvene utakmice kao domaćini, s tim da ako su zainteresovani mogu podnijeti pismeni zahtjev povjereniku za natjecanje da im se omogući razdvajanje odigravanja prvenstvenih utakmica kao domaćina u odnosu na klub iz istog mjesta, i to najkasnije pet dana od određenog datuma provođenja žrijeba za raspored natjecanja za natjecateljsku godinu.
- 7.04. Odluku o izmjenama kalendara natjecanja, u slučaju proglašenja vanrednog stanja ili stanja nesreće od strane nadležnih organa BiH ili Federacije BiH, donosi Komisija za natjecanje NS Federacije BiH.
- 7.05. Konačnu odluku o svim zahtjevima kao i modalitetu žrijebanja natjecateljskih parova donosi povjerenik za natjecanje, s tim da se mora voditi računa da se ne narušava interes i pravo ostalih klubova učesnika natjecanja. Odluka povjerenika za natjecanje je konačna.
- 7.06. Povjerenik za natjecanje može odobriti da žrijebanje natjecateljskih parova umjesto predstavnika klubova vrši neka istaknuta nogometna osoba.
- 7.07. Raspored utakmica za prvenstvo Druge lige FBiH određuje se žrijebom natjecateljskih brojeva klubova sudionika i primjenom „Bergerove tablice“.
- 7.08. Natjecanje Druge lige Federacije BiH se administrativno provodi kroz COMET informacijski sistem.

Član 8.

- 8.01. Tri posljednja kola u natjecanju Druge lige Federacije BiH igraju se isti dan i u isto vrijeme, u skladu sa Kalendarom natjecanja. Izuzetno, ukoliko određena utakmica nema rezultatski značaj, te ishod iste ne utiče bitno na poredak na tabeli, komesar za natjecanje može odobriti igranje iste u drugom terminu.

Član 9.

- 09.01. Utakmice se igraju u trajanju 2x45 minuta.
- 09.02. Odmor između dva dijela igre traje minimalno 10, a maksimalno 15 minuta.

Član 10.

- 10.01. Nakon obavljenog žrijeba za raspored natjecanja za prvenstvo Druge lige Federacije BiH, klubovi učesnici natjecanja su obavezni u roku od 8 (osam) dana dostaviti u pismenoj formi kantonalnom/županijskom nogometnom savezu kojem bude povjereno vođenje natjecanja slijedeće informacije:
 - a. mjesto u kojem će kao domaćin igrati svoje prvenstvene utakmice
 - b. naziv stadiona (stalni i zamjenski)
 - c. vrijeme odigravanja utakmica (subota-nedjelja)
 - d. boju sportske opreme (majica, šorc, štucne) u kojoj će nastupati klub, kao i rezervnu boju sportske opreme
 - e. spisak registrovanih igrača, kao i službenih zvaničnika kluba koji će obavljati dužnosti na prvenstvenim utakmicama

VI - PROMJENA TERMINA ODIGRAVANJA UTAKMICA

Član 11.

- 11.01. Promjena termina odigravanja utakmice može se vršiti isključivo na osnovu podnesenog pismenog zahtjeva zainteresovanog kluba povjereniku za natjecanje Druge lige NS FBiH, najkasnije 8 (osam) dana prije rasporedom utvrđenog termina odigravanja utakmice, a koji u sebi sadrži razlog zbog kojeg se traži promjena termina s priloženom dokumentacijom, iz koje se nesumnjivo može utvrditi opravdanost podnesenog zahtjeva.
- 11.02. Pored navedenih razloga klub može dati i eventualni prijedlog novog termina, koji treba, ukoliko je moguće, biti usaglašen sa protivničkim klubom.
- 11.03. U slučaju kada zahtjev za promjenu termina (iz razloga više sile) nije podnesen shodno odredbi 01. ovog člana, odnosno najkasnije (tri) dana prije utvrđenog termina za odigravanje utakmice ili je podnesen od strane gostujuće ekipe, kao i kada se za termin utakmice predlaže radni dan, podnosilac zahtjeva obavezan je dostaviti uz obrazloženje i pismenu saglasnost drugog kluba (protivnika) utakmice, za koju se traži promjena termina.
- 11.04. Odluku o zahtjevu kluba za promjenu termina utakmice iz odredbi 11.01. i 11.02. ovog člana donosi povjerenik za natjecanje Druge lige NS FBiH, s tim da se kod donošenja odluke moraju imati u vidu odredbe člana 16. Pravilnika o nogometnim natjecanjima NS/FS BiH. Odluka povjerenika za natjecanje o podnesenom pismenom zahtjevu za promjene termina odigravanja utakmice je konačna i ona se dostavlja zainteresiranim klubovima i ostalim učesnicima natjecanja.
- 11.05. Izuzetno, povjerenik za natjecanje Druge lige NS FBiH može i u roku kraćem od tri dana donijeti odluku o promjeni termina utakmica.
- 11.06. Povjerenik za natjecanje, shodno ukazanoj potrebi, može i u drugim slučajevima donijeti odluku o promjeni termina utakmice.

VII - ODLAGANJE UTAKMICE

Član 12.

- 12.01. Ako se odlukom nadležnog državnog organa (Vijeće ministara BiH, entitetske vlade ili lokalni organi uprave) proglasi Dan žalosti na području gdje se prema rasporedu natjecanja tog dana igraju utakmice Druge lige Federacije BiH, natjecateljski organ koji rukovodi natjecanjem, može odrediti novi termin odigravanja utakmice, u skladu sa kalendarom natjecanja, pri tome vodeći računa da se obezbijedi regularnost natjecanja.
- 12.02. U slučaju kada zbog Dana žalosti nije izvršeno odlaganje utakmice, obaveza je klubova da prije početka utakmice na terenu za igru odaju počast minutom šutnje ili na drugi prikladan način prema nastradalim zbog čega je proglašen Dan žalosti.
- 12.03. U slučaju kada je Dan žalosti proglašen od strane Vijeća ministara BiH, klub domaćin je obavezan da na jarbolima stadiona zastave budu spuštene na pola koplja ili jarbola, a igrači na terenu za igru na rukavu dresa mogu nositi obilježje crne trake kao znak žalosti.
- 12.04. Klub domaćin obavezan je da putem razglasa zamoli sve učesnike utakmice da se suzdrže od bilo kakvih postupaka suprotno pijetetu zbog kojeg je proglašen dan žalosti.

Član 13.

- 13.01. Ako se u toku trajanja utakmice, na osnovu javnog saopštenja od strane nadležnog organa iz prethodnog člana, proglasi Dan žalosti, utakmica se neće trajno prekinuti, ali je sudija utakmice dužan da u prvom privremenom prekidu igre zaustavi igru i zatraži od igrača na terenu da minutom šutnje izraze saučešće prema nastradalim ili umrlim osobama.

Član 14.

- 14.01. Kada nadležni organ policije sa područja na kojem se trebaju odigrati rasporedom natjecanja prvenstvene utakmice, obavijesti povjerenika za natjecanje pismenim putem, da bi odigravanje utakmice prema utvrđenim terminima moglo imati ozbiljnih posljedica po bezbjedonosnu situaciju učesnika utakmice, povjerenik za natjecanje obavezan je uzeti u razmatranje pismeni zahtjev policijskog organa za odlaganje utakmice, te donijeti odluku u vezi sa odlaganjem utakmice, vodeći računa da se zadovolje kriteriji bezbjedonosnog-sigurnosnog aspekta i zaštite regularnosti natjecanja.
- 14.02. Odlaganje utakmice može trajati najduže do deset dana u odnosu na rasporedom utvrđeni termin. Odluka povjerenika za natjecanje je konačna i obavezujuća za sve učesnike utakmice.

Član 15.

- 15.01. U slučaju proglašenja vanrednog stanja ili stanja nesreće od strane nadležnih organa BiH ili Federacije BiH, sve odluke vezane za natjecanje donosi Komisija za natjecanje NS FBiH odnosno Izvršni odbor Nogometnog saveza Federacije BiH u skladu sa Statutom Nogometnog saveza Federacije BiH i ostalim pravilnicima i odlukama.

VIII - ODAVANJE POČASTI MINUTOM ŠUTNJE I IZNOŠENJE TRANSPARENATA HUMANITARNOG SADRŽAJA NA UTAKMICAMA

Član 16.

- 16.01. Odavanje počasti (pijeteta) prema određenim kategorijama lica može se vršiti neposredno prije početka utakmice u objektu stadiona i to u slučajevima: iznenadne smrti (nesreće) igrača, sportskih radnika klubova i pripadnika navijačkih skupina, članova organa i tijela saveza organa UEFA-e i FIFA-e, stradalih lica u elementarnim i drugim katastrofama, smrti državnih ili entitetskih istaknutih ličnosti, te ako je proglašen Dan žalosti.
- 16.02. Za svaku namjeru odavanja počasti minutom šutnje ili na drugi način, klubovi, organizacije i pojedinci moraju pismeno tražiti odobrenje od povjerenika za natjecanje najkasnije 48 sati prije početka utakmice sa detaljnim obrazloženjem i protokolom aktivnosti. O odluci povjerenika za natjecanje podnosioci zahtjeva biće upoznati najkasnije 8 (osam) sati prije početka utakmice, kao i sva službena lica utakmice (delegat, sudije utakmice), te klubovi.
- 16.03. U slučaju iznenadne smrti ili nesreće lica iz odredbe 16.01. ovog člana, odluku će donijeti delegat utakmice nakon konsultacija sa tehničkim sekretarom i povjerenikom za natjecanje.
- 16.04. Za slučajeve iznošenja (isticanja) transparenata čiji sadržaj ima humanitarni karakter: borba protiv rasizma, mržnje, nasilja na stadionima, nacionalizma, pomoći unesrećenim licima u elementarnim i drugim katastrofama, primjenjivat će se odredbe kao i za odavanje počasti.

IX - DUŽNOSTI KLUBOVA

Član 17.

- 17.01. Klub domaćin utakmice je obavezan pripremiti teren za igru, kao i sve ostale prostorije (svlačionice, kancelarije i sl.), da su čiste, zagrijane, sa toplom vodom, opremljene sa svim tehničkim pomagalicama najkasnije 90 (devedeset) minuta prije određenog termina za početak utakmice.
- 17.02. Klub-domaćin, odnosno organizator u Drugoj ligi FBiH obavezan je osigurati najmanje tri (3) lopte, koje u svemu moraju odgovarati propisima Pravila nogometne igre. U slučaju da se utakmica igra po snijegu- odnosno da je teren pokriven snijegom, lopta mora biti crvene boje.
- 17.03. Utvrđivanje podobnosti terena za igru vrši sudija utakmice u prisustvu oba kapitena ekipa koje nastupaju na utakmici.
- 17.04. Odluku o podobnosti terena za odigravanje utakmice donosi isključivo sudija utakmice u skladu sa Pravilima nogometne igre.

Član 18.

- 18.01. Klubovi su obavezni doći na stadion na kome će se odigrati utakmica najkasnije 90 (devedeset) minuta prije utvrđenog vremena za početak utakmice i nastupiti sa najboljim sastavom ekipa, te prisustvovati radnom sastanku (brifingu) kojim predsjedava delegat utakmice.

Član 19.

- 19.01. Klub domaćin obavezan je da delegatu utakmice stavi na raspolaganje ispravan računar sa priključkom na internet i printer. Klubovi su dužni da najkasnije 60 minuta prije početka utakmice, dostave delegatu na propisanom obrascu, spisak igrača i službenih lica koja će nastupati na utakmici i odgovarajuće akreditacije za iste.
- 19.02. Spisak mora biti ovjeren i potpisan od zvaničnog predstavnika kluba. Spisak prijavljenih igrača mora sadržavati podatke igrača prijavljenih u COMET sistem. U slučaju da sistem COMET nije u funkciji vođenje zapisnika sa utakmice se radi ručno, a naknadno će delegat u sistemu COMET napraviti zapisnik.

Član 20.

- 20.01. Klub domaćin je obavezan na svim utakmicama postaviti na jarbole: državnu zastavu Bosne i Hercegovine, zastavu NS/FS BiH, a mogu se postaviti i zastava NS FBiH, Federacije BiH, klupske, zastave županija/kantona, te zastava fair playa. Istaknute zastave trebaju biti istih dimenzija, uredne i čiste.
- 20.02. Postavljanje drugih zastava nije dozvoljeno, a u slučaju njihovog postavljanja, klub će snositi disciplinske sankcije shodno Disciplinskom pravilniku NS/FS BiH.

Član 21.

- 21.01. Svaki stadion mora imati sistem javnog razglasa, koji se može čuti sasvim razgovjetno i koji može nadjačati buku mase izvan stadiona.
- 21.02. Najavljivanje putem sistema javnog razglasa mora biti strogo neutralnog karaktera.
- 21.03. Sistem javnog razglasa ne smije se koristiti za političku propagandu, ne smije podržavati domaći tim niti smije sadržavati nijedan oblikom diskriminacije gostujućeg tima.

- 21.04. Zabranjeno je korištenje od strane navijačkih skupina internog razglasa, megafona, sirena i drugih uređaja koji izazivaju buku, nadjačavaju službeni sistem javnog razglasa i ometaju samu utakmicu.

Član 22.

- 22.01. Klub domaćin je obavezan da poduzme sve mjere i radnje u cilju zaštite: članova gostujuće ekipe, sudaca, delegata utakmice, gostujućih navijača (kod organiziranog dolaska), neposredno prije početka utakmice, u toku, između dva poluvremena i po završetku utakmice, a sve do napuštanja stadiona za odigravanje utakmice, kao i poduzeti sve mjere na stadionu za odigravanje utakmice i oko njega, predviđene ovim Propozicijama natjecanja, Pravilnikom o sigurnosti, kao i ostalim pravilnicima, odlukama, propisima i uputstvima NS/FS BiH i NS FBiH.
- 22.02. Klub domaćin utakmice obavezan je obezbijediti najmanje dva (2) pripadnika profesionalne zaštitarske agencije, koji će se potpuno profesionalno starati za sigurnost svih aktera utakmice, te odgovarajuću dežurnu redarsku službu s propisno označenim dovoljnim brojem redara (kojih ne može biti manje od 4), pripadnike policije, liječnika i dežurno sanitetsko vozilo sa osobljem i nosilima, kao i najmanje 6 propisno označenih sakupljača lopti adekvatnog uzrasta, ravnomjerno raspoređenih oko terena za igru, kao i zadužiti posebno lice za njihov rad. Ukoliko se utakmica Druge lige FBiH igra bez prisustva gledalaca, klub nije obavezan angažirati zaštitarsku agenciju.
- 22.03. Klub domaćin obavezan je podnijeti pismenu prijavu i tražiti odobrenje za održavanje javnog skupa utakmice nadležnoj policijskoj upravi MUP-a, na čijoj teritoriji se treba odigrati utakmica, navodeći sve relevantne podatke, a posebno: mjesto i naziv stadiona, vrsta utakmice, imena klubova, datum i vrijeme odigravanja utakmice, kao i procjenu mogućeg broja gledalaca, kako domaćih, tako i gostujućih, ako su najavljeni, te podatke o angažovanim ostalim službama, redarska, ljekarska, sa orijentacionim brojem lica, te druga neophodna saznanja u vezi sa organizacijom utakmice.
- 22.04. Pismeni zahtjev za odobrenje odigravanja utakmice podnosi se najkasnije 72 sata prije određenog termina za odigravanje utakmice ili u rokovima kojima je regulisano ovo pitanje nadležnih organa bezbjednosti u mjestu odigravanja utakmice.
- 22.05. Pismeno odobrenje za odigravanje utakmice klub domaćin obavezno dostavlja na uvid delegatu utakmice prije njenog početka, odnosno na brifingu.
- 22.06. Bez pismenog odobrenja nadležne policijske stanice i prisustva pripadnika policije, dežurne ljekarske službe, sanitetskog vozila, redarske službe utakmica se neće igrati. Odluku o neodigravanju utakmice donosi delegat utakmice i saopštava je sudiji utakmice i zvaničnim predstavnicima klubova, prije početka utakmice i sve to evidentira u izvještaju delegata utakmice i zapisniku sa utakmice.
- 22.07. Klub domaćin za neispunjavanje ovih obaveza snosi natjecateljske i disciplinske posljedice u skladu sa Pravilnikom o nogometnim natjecanjima NS/FS BiH i Disciplinskim pravilnikom NS/FS BiH.
- 22.08. Klubovi su odgovorni za ponašanje svojih igrača, službenih osoba, članova, navijača i svake druge osobe koja obavlja dužnost na utakmici u ime kluba.
- 22.09. Promocija, objava ili isticanje na bilo koji način, političkih poruka ili bilo koji drugi vid političkog djelovanja unutar ili u neposrednoj blizini stadiona nije dozvoljeno prije početka utakmice, tokom utakmice i po završetku utakmice.
- 22.10. Na stadionima Druge lige FBiH nije dozvoljeno isticanje transparenata i obilježja neprimjerenog, uvredljivog i nepristojnog sadržaja što podliježe disciplinskoj odgovornosti.

- 22.11. Klubovi učesnici natjecanja dužni su ispoštovati eventualnu odluku nadležnog organa NS FBiH da se iz sigurnosnih razloga zabranjuje organizovani odlazak navijača na gostujuće utakmice njihovih klubova.
- 22.12. Na terenu za igru za vrijeme odigravanja utakmice zabranjen je bilo koji oblik reklamiranja.
- 22.13. Na mrežama, ugaonim zastavicama ili vratima ne može biti izvješen reklamni materijal ili pribor (npr. kamere, mikrofoni i megafoni i sl.). Također je zabranjena reprodukcija logotipa na travnatom dijelu terena za igru (korištenjem lasera i sl.).
- 22.14. Ukoliko se na stadionu za vrijeme odigravanja utakmice koristi sat koji pokazuje odigrano vrijeme utakmice, isti mora biti zaustavljen na kraju regularnog vremena igre svakog dijela igre, tj. nakon isteka 45. i 90. minuta igre.

Član 23.

- 23.01. Za vrijeme odigravanja prvenstvenih utakmica u stadionu, pored terena za igru, u tehničkom prostoru moraju se nalaziti lica akreditovana od strane NS FBiH ili NS/FS BiH za natjecanje Druge lige Federacije BiH, i to:
 1. Službeni predstavnik kluba,
 2. Glavni trener sa PRO, A ili B UEFA trenerskom licencom registriran u COMET informacioni sistem od strane Centra za edukaciju kadrova NS/FS BiH;
 3. Jedan ili dva pomoćna trenera sa PRO, A, B ili C UEFA trenerskom licencom registriran u COMET informacioni sistem od strane Centra za edukaciju kadrova NS/FS BiH;
 4. Igrači;
 5. Ljekar kluba na domaćim utakmicama;
 6. Fizioterapeut;
 7. Komesar za bezbjednost na domaćim utakmicama.
- 23.02. U pogledu odijevanja lica u tehničkom prostoru obavezno se primjenjuju slijedeći standardi:
 1. Predstavnik kluba u odijelu (sa kravatom ili ne, uz istaknutu akreditaciju izdatu od NS FBiH)
 2. Komesar za bezbjednost (sa kravatom ili ne, uz istaknutu akreditaciju izdatu od NS FBiH)
 3. Glavni trener u odijelu (sa kravatom ili ne), ili treneri kluba
 4. Dva pomoćna trenera u treneri kluba
 5. Igrači u sportskoj opremi sa markerima
 6. Ljekar kluba, odijelo ili trenerka kluba
 7. Fizioterapeut u treneri kluba
- 23.03. U slučaju nepoštivanja navedenih uslova klub snosi disciplinsku odgovornost.
- 23.04. Klubovi Druge lige Federacije BiH na svim domaćim utakmicama obavezni su imati minimalno jednog trenera, službenog predstavnika, jednog ljekara i fizioterapeuta u tehničkom prostoru sa odgovarajućom natjecateljskom akreditacijom kao i jednog komesara za bezbjednost.
- 23.05. U zapisniku gostujuće ekipe klub je obavezan imati minimalno jednog trenera, službenog predstavnika te jednog ljekara ili fizioterapeuta.
- 23.06. Predstavnik kluba, glavni trener ili pomoćni trener ne mogu biti ista osoba.
- 23.07. Osoba koja je u COMET informacionom sistemu registrirana kao igrač i kao trener, na istoj utakmici može obavljati samo jednu funkciju (igrač ili trener).

- 23.08. Predstavnik kluba, komesar za bezbjednost, ljekar i fizioterapeut obavezni su posjedovati odgovarajuću natjecateljsku akreditaciju koju izdaje NS FBiH.
- 23.09. Glavni treneri i treneri obavezni su posjedovati validnu UEFA licencu te ispuniti sve uslove za registraciju trenera u COMET informacioni sistem.
- 23.10. Validnost izdatih potrebnih dokumenata mogu kontrolisati samo subjekti koji su ih i izdali, a delegat na utakmici utvrđuje njihovo posjedovanje, odnosno identitet lica.
- 23.11. Osobe sa spiska prijavljenih lica koje nemaju odgovarajuću akreditaciju, ne mogu se nalaziti u tehničkom prostoru, osim zamjenskih igrača.
- 23.12. Na klupi kluba Druge lige FBiH mogu sjediti glavni trener i treneri samo sa validnom UEFA licencom a koji su registrirani putem COMET informacionog sistema.
- 23.13. UEFA trenerske licence moraju biti validne da bi isti bili registrirani u COMET informacioni sistem.
- 23.14. Sva akreditirana/licencirana službena lica moraju biti unesena i evidentirana u COMET informacioni sistem sa adekvatnom fotografijom (treneri, predstavnici kluba, ljekari, fizioterapeuti i komesari bezbjednosti) od strane administracije NS FBiH, odnosno Centra za edukaciju kadrova NS/FS BiH kada su u pitanju treneri.

Član 24.

- 24.01. Za vrijeme odigravanja utakmica bez prisustva gledalaca, pored osoba iz člana 22. i 23. ovih Propozicija, mogu biti prisutni članovi uprava klubova, (maksimalno 20 osoba po klubu uz dostavljeni spisak), akreditovani novinari i fotoreporter, osobe iz administracije kluba-domaćina.
- 24.02. Članovi uprava klubova i osobe iz administracije kluba-domaćina obavezni su boraviti u VIP loži.

X - NASTUPANJE NA UTAKMICI

Član 25.

- 25.01. Klubovi su dužni nastupiti na svim utakmicama stalnog natjecanja koje su odlukama natjecateljskog organa zakazane, predviđene ili odlukom sudije privremeno prekinute, bez obzira na okolnosti u kojima su se nalazili u vrijeme kada su obavješteni da nastupe, odnosno da nastave igranje utakmice.
- 25.02. Klub koji odbije da nastupi ili neodigra utakmicu iz odredbe 01. ovog člana , odgovoran je za učinjeni propust u natjecateljskom i disciplinskom smislu.
- 25.03. Organ koji rukovodi natjecanjem, u svim navedenim slučajevima iz ovog člana, takve utakmice registrovati će po službenoj dužnosti 3:0 (par forfe) u korist protivnika i podnijeti zahtjev disciplinskom organu za utvrđivanje disciplinske odgovornosti.

XI - NAJMANJI BROJ IGRAČA U IGRI

Član 26.

- 26.01. Utakmica ne može da počne po Pravilima nogometne igre ako jedna od ekipa nema najmanje sedam igrača na terenu za igru, od kojih je jedan vratar i kapiten.

- 26.02. Igrači, koji nisu upisani do početka utakmice u zapisnik sa utakmice, ne mogu nastupiti na utakmici.
- 26.03. Ako jedna ekipa za vrijeme igre ostane sa manje od sedam igrača, sudija je dužan da zaustavi igru, a ako u roku od pet minuta klub ne nastupi s minimalnim brojem igrača, sudija je dužan da označi kraj utakmice.

Član 27.

- 27.01. Svaka ekipa u zapisnik sa utakmice prijavljuje maksimalno 20 igrača. Klubovi koji nemaju najmanje 14 igrača u zapisniku sa utakmice snosit će disciplinske sankcije.
- 27.02. U igri učestvuje 11 prijavljenih igrača, a tokom igre može se izvršiti do pet zamjena tokom tri prekida na utakmici (izmjene koje se vrše prije početka drugog dijela igre – u poluvremenu – ne računaju se kao prekidi).

Član 28.

- 28.01. Ekipe na jednoj utakmici ne mogu igrati u istim ili sličnim bojama dresova. Ekipe su dužne usaglasiti boje opreme 72 sata prije zvaničnog termina odigravanja utakmice, u skladu sa prijavljenim osnovnim bojama.
- 28.02. U protivnom, dresove će promijeniti domaća (prvoimenovana) ekipa. Ukoliko jedna od ekipa ne poštuje prijavljene boje dresova, ista snosi disciplinsku odgovornost.

XII - PRAVO NASTUPA IGRAČA

Član 29.

- 29.01. Na prvenstvenim utakmicama mogu nastupiti igrači koji su stekli pravo igranja prema odredbama Pravilnika registracijama klubova i igrača i statusu i transferu igrača NS/FS BiH, ukoliko su navršili 17 godina života, kao i igrači koji su navršili 16 godina, ali sa obaveznim specijalističkim ljekarskim pregledom koji nadležni registracioni savez unosi u COMET informacioni sistem, na osnovu dokaza o obavljenom specijalističkom ljekarskom pregledu, dostavljenom od strane kluba, sa jasno naznačenim rokom trajanja istog, a kojim se pro proglašava sposobnim za nastupanje na utakmicama seniorskog uzrasta.
- 29.02. U sastavu prijavljene ekipe – zapisniku sa utakmice mora se nalaziti najmanje 6 (šest) igrača mlađa od 21 godine života od kojih najmanje 3 (tri) obavezno moraju početi i biti u igri cijelim tokom utakmice.
- 29.03. U slučaju nepoštivanja prethodnog stava klub snosi natjecateljske i disciplinske posljedice.
- 29.04. Igračima mlađim od 21 godine smatraju se samo igrači državljani Bosne i Hercegovine.
- 29.05. Za natjecateljsku 2022/2023 godinu, igrači mlađi od 21. godine života smatraju se igrači rođeni 01.01.2001. godine i mlađi.
- 29.06. Pravo nastupa igrača stranih državljana regulisano je odredbama Pravilnika registracijama klubova i igrača i statusu i transferu igrača NS/FS BiH. Klub može imati više registrovanih igrača stranih državljana, s tim što 4 (četiri) igrača strana državljana mogu biti upisani u zapisnik sa utakmice i imaju pravo nastupa na jednoj utakmici. U suprotnom, klub snosi natjecateljske i disciplinske posljedice.
- 29.07. Shodno odredbama Pravilnika registracijama klubova i igrača i statusu i transferu igrača NS/FS BiH, u toku natjecateljske sezone klub može po osnovu ustupanja registrirati

najviše četiri igrača, s tim što najviše tri mogu nastupiti na jednoj utakmici. U suprotnom, klub snosi natjecateljske i disciplinske posljedice.

- 29.08. Igrač strani državljanin kojem istekne radna i boravišna dozvola nema pravo nastupa, a ako nastupi takav igrač, klub snosi natjecateljske i disciplinske posljedice.
- 29.09. Igrači sa dvojnim državljanstvom ne smatraju se stranim državljanima.
- 29.10. Igrač koji je registrovan za veliki nogomet i futsal može nastupiti isti dan na dvije utakmice i to isključivo jednu u futsalu i jednu u velikom nogometu.
- 29.11. Igrač koji nije unesen u COMET sistem ne može nastupiti za svoju ekipu na utakmici.
- 29.12. Ukoliko oba kluba naprave prekršaj iz gore navedenih stavova, a za koji se snose natjecateljske posljedice, takva utakmica će biti registrovana kao odigrana, ali se neće uzeti u obzir ostvareni rezultat na istoj.

XIII - IDENTITET IGRAČA

Član 30.

- 30.01. Na prvenstvenim utakmicama mogu nastupiti samo igrači čiji je identitet utvrđen putem fotografije iz COMET informacionog sistema, a u slučaju njenog nedostatka identitet će se utvrditi na osnovu javne isprave: lične karte ili pasoša, odnosno štampane ID COMET kartice. Igraču sa neadekvatnom pohranjenom fotografijom u COMET informacionom sistemu (kada je nemoguće utvrditi identitet), delegat utakmice neće dozvoliti nastup na utakmici.
- 30.02. Identitet se u pravilu utvrđuje prije početka utakmice.
- 30.03. Za igrače koji su zakasnili na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.

XIV - LJEKARSKI PREGLED I ČLANARINA

Član 31.

- 31.01. Svaki igrač koji nastupa u natjecanju mora u COMET informacioni sistem imati unesen period važenja ljekarskog pregleda i period za koji je uplaćena članarina. Obavljeni ljekarski pregled mora sadržavati obavezujuće elemente koje je propisala Komisija za sportsku medicinu NS FBiH.
- 31.02. Rok važnosti ljekarskog pregleda za igrače koji na dan izvršenog pregleda ima najmanje 17 (sedamnaest) i više godina života traje 6 (šest) mjeseci, a za mlađe igrače 4 (četiri) mjeseca.
- 31.03. Obavljeni ljekarski pregled mora sadržavati obavezujuće elemente koje je propisala Komisija za sportsku medicinu NS FBiH.
- 31.04. Za igrača koji nema upisan važeći ljekarski pregled u COMET informacioni sistem ili važeću potvrdu, delegat utakmice neće dozvoliti nastup na utakmici.
- 31.05. Za sva ostala pitanja u vezi sa ljekarskim pregledom igrača primjenjivat će se odredbe člana 56. Pravilnika o nogometnim natjecanjima NS/FS BiH.

XV – PREDSTAVNIK BEZBJEDNOSTI

Član 32.

- 32.01. Na utakmicama na kojima je potrebno prisustvo predstavnika bezbjednosti, istog određuje Komisija za bezbjednost NS FBiH, a nakon obavljenih konsultacija sa Komisijom za natjecanje NS FBiH i Sekretarijatom NS FBiH.
- 32.02. Uloga i obaveze predstavnika bezbjednosti definisane su Uputstvom koje donosi Komisija za bezbjednost NS FBiH.
- 32.03. Troškove predstavnika bezbjednosti na utakmicama Druge lige FBiH snosi Nogometni savez Federacije BiH u skladu sa Pravilnikom o dnevnicama, putnim troškovima, taksama, članarinama i drugim naknadama NS FBiH.

XVII - DELEGAT NA UTAKMICI

Član 33.

- 33.01. Delegata na utakmici određuje povjerenik za natjecanje Druge lige FBiH, sa usvojene liste delegata za sezonu 2022/2023.
- 33.02. Delegat zastupa natjecateljski organ i ima vrhovni nadzor na utakmici.
- 33.03. Komisija za natjecanje NS FBiH donosi posebno Uputstvo o vršenju dužnosti delegata.
- 33.04. Delegat i sudije su obavezni dostaviti dopunski izvještaj u roku od 24 sata po odigravanju utakmice, ukoliko je na utakmici došlo do incidenata, prekida utakmice kao i na zahtjev povjerenika za natjecanje Druge lige FBiH.

Član 34.

- 34.01. Delegat je obavezan da 90 minuta prije početka utakmice održi radni sastanak (brifing) sa predstavnicima klubova, sudijama utakmice, komesarom za bezbjednost kluba domaćina i predstavnikom policije. Kašnjenje na radni sastanak – brifing povlači disciplinsku odgovornost.

XVIII - SUCI

Član 35.

- 35.01. Utakmice Druge lige Federacije BiH mogu voditi samo suci sa liste sudaca Druge lige FBiH, čije određivanje vrši povjerenik za suce i suđenje Druge lige NS FBiH, u skladu sa odlukom Izvršnog odbora NS FBiH.
- 35.02. Utakmice, Druge lige FBiH, na zahtjev povjerenika za suce i suđenje, mogu suditi i suci sa liste sudaca m:tel Prve lige Federacije BiH.

Član 36.

- 36.01. Sudac utakmice je dužan da prije početka utakmice pregleda i odluči da li je teren pogodan za igru.
- 36.02. Ako sudija utvrdi u prisustvu dva kapitena ekipa da je teren nepododan za igru, utakmica se neće igrati, a sudija će sačiniti poseban izvještaj o nepodobnosti terena za igru.

- 36.03. Sudac je dužan da nakon utakmice u svom izvještaju navede podatke koje se odnose na postignute pogotke, zamijenjene, opomenute i isključene igrače, a prema potrebi i druge podatke, ako se radi o prekidu utakmice, neredu, tuči, uključujući eventualne prijave i sl.

Član 37.

- 37.01. Za utakmice Druge lige Federacije BiH može biti određen i supervizor, a određuje ga predsjednik NS FBiH u saradnji sa dopredsjednikom NS FBiH.

XIX - ZAPISNIK SA UTAKMICE

Član 38.

- 38.01. Delegat sastavlja zapisnik sa utakmice. Zapisnik sa utakmice se popunjava elektronski, u COMET sistemu. Klubovi su dužni prije početka utakmice dostaviti ovjeren i potpisan spisak igrača i službenika svoje ekipe na propisanom obrascu.
- 38.02. Po završetku utakmice zapisnik sa utakmice sastavljen putem Comet sistema, spravjavaju delegat i sudac, nakon čega delegat zaključuje izvještaj fair playa, a sudija utakmice svojom šifrom zaključuje zapisnik sa odigrane utakmice.
- 38.03. Delegat i glavni sudac odgovorni su za tačnost podataka u zapisniku.

XX - REGISTRACIJA UTAKMICA

Član 39.

- 39.01. Ako na utakmicu nije uložena žalba, a ne postoje uslovi za registraciju po službenoj dužnosti, utakmicu povjerenik za natjecanje Druge lige NS FBiH registruje postignutim rezultatom.
- 39.02. Ako je prvostepena odluka pravosnažna, ili je donijeta drugostepena odluka koja je konačna, jednom registrovana utakmica ne može biti poništena, izuzev u postupku zaštite zakonitosti Pravilnika o nogometnim natjecanjima NS/FS BiH.
- 39.03. Povjerenik za natjecanje vrši analizu i registraciju odigranih utakmica na prvom narednom sastanku, a termin održavanja istog utvrđuju u dogovoru povjerenik za natjecanje i tajnik lige.
- 39.04. Izuzetno, povjerenik za natjecanje registraciju odigranih utakmica može izvršiti putem e-maila, telefona ili faksa.
- 39.05. Ako je na utakmicu uložena žalba, rok za registraciju utakmice se produžava do konačne odluke.

XXI - ŽALBE

Član 40.

- 40.01. Žalbe se po svim osnovama moraju najaviti 24 sata nakon odigrane utakmice elektronskim putem, telegramski, e-mailom ili faxom koji ima automatski ispis datuma i vremena o najavi žalbe.

- 40.02. Žalba sa pismenim obrazloženjem sa dokazom o uplaćenju taksi mora se dostaviti u sjedište lige u roku od 48 sati po odigranoj utakmici.
- 40.03. Ukoliko rok za ulaganje žalbe ističe u nedjelju ili na državni praznik, rok za ulaganje žalbe se produžava za prvi naredni radni dan.
- 40.04. Žalba se dostavlja putem tajništva, povjereniku za natjecanje.
- 40.05. Uz žalbu se dostavlja dokaz o uplaćenju taksi u skladu sa odlukom IO NS FBiH.

Član 41.

- 41.01. Nenajavljene, neblagovremene i žalbe koje nisu uredno taksirane neće biti uzete u razmatranje, već će biti odbačene a utakmica će se registrovati postignutim rezultatom.
- 41.02. Odluke po uložnim žalbama će biti donijete u roku od osam dana od dana prijema žalbe.
- 41.03. Pri ocjeni pravovremenosti i validnosti najave žalbe i žalbe uzima se u obzir datum poslanog e-maila, poštanski žig preporučenog pisma ili teleograma, datum na faksu kao potvrdu o žalbi te datum na novčanoj uplatnici.

Član 42.

- 42.01. Žalbe u prvom stepenu rješava povjerenik za natjecanje Druge lige FBiH.

Član 43.

- 43.01. Žalbe u drugom stepenu rješava Apelaciona komisija NS FBiH
- 43.02. Žalbe na odluke povjerenika za natjecanje NS FBiH podnose se Apelacionoj komisiji NS FBiH, u roku od osam (8) dana od dana prijema odluke prvostepenog organa.
- 43.03. Za utakmice posljednja dva kola rok za podnošenje žalbe drugostepenom organu je tri dana.
- 43.04. Odluke o podnijetim žalbama na odluke povjerenika za natjecanje NS FBiH donose se u razumnom roku, a najkasnije u roku od 15 dana, a o žalbama podnijetim na utakmice posljednja dva kola u roku od tri (3) dana od dana prijema žalbe.
- 43.05. Žalbe na odluke disciplinskog suca NS FBiH podnose se Apelacionoj komisiji NS FBiH, u roku od osam (8) dana od dana prijema odluke prvostepenog organa.
- 43.06. Protiv odluke Apelacione komisije ne može se uložiti žalba.

Član 44.

- 44.01. Organ koji donosi odluke može utvrditi i skraćeni žalbeni postupak.

XXII - DISCIPLINSKE SANKCIJE

Član 45.

- 45.01. O disciplinskim prekršajima klubova, igrača, članova stručnog i tehničkog rukovodstva i funkcionera klubova i službenih lica na utakmici koji učestvuju u natjecanju, odlučuje se na osnovu Disciplinskog pravilnika NS/FS BiH i odluke Izvršnog odbora NS FBiH broj 1067/22 od 29.06.2022. godine.

XXIII - UTVRĐIVANJE PLASMANA

Član 46.

- 46.01. Plasman klubova na tabeli utvrđuje se prema odredbama člana 43. Pravilnika o nogometnim natjecanjima NS/FS BiH.
- 46.02. Shodno odlukama IFAB-a gol u gostima se ne računa dvostruko;
- 46.03. m:tel Prvu ligu Federacije BiH u natjecateljskoj sezoni 2023/2024 popunjavaju dva kluba Druge lige FBiH „Sjever“, „Centar“, „Zapad“ i „Jug“ koji će se dobiti nakon odigranog doigravanja prvoplasiranih timova Druge lige FBiH, koji istovremeno moraju ispunjavati i sve ostale uvjete propisane Propozicijama natjecanja, Pravilnikom o licenciranju klubova za učešće u natjecanju m:tel Prve lige NS FBiH i drugim odlukama Izvršnog odbora NS FBiH.
- 46.04. Izuzetno, u doigravanje za ulazak u m:tel Prvu ligu FBiH plasman može ostvariti i sljedeći klub prema plasmanu iz Druge lige Federacije BiH koji je dobio licencu za igranje u m:tel Prvoj ligi FBiH i to samo ako klub prvak Druge lige FBiH nije dobio licencu za natjecanje u m:tel Prvoj ligi FBiH.
- 46.05. Ukoliko neki od klubova koji je rezultatski obezbijedio učešće u natjecanju m:tel Prve lige FBiH za sezonu 2023/2024 ne dobije licencu za učešće u natjecanju m:tel Prve lige FBiH za sezonu 2023/2024 status prvoligaša zadržava prvi naredni klub koji nije rezultatski ostvario plasman u m:tel Prvoj ligi FBiH a koji je dobio licencu za natjecateljsku sezonu 2023/2024.
- 46.06. Izuzetno, m:tel Prvu ligu Federacije BiH može popuniti i poraženi klub/klubovi iz baraža za ulazak u m:tel Prvu ligu FBiH koji je ostvario bolji rezultat i to samo ako se ukaže mjesto za popunu m:tel Prve lige FBiH do broja 16.
Također izuzetno, m:tel Prvu ligu Federacije BiH može popuniti i prvi naredni klub Druge lige FBiH prema plasmanu a koji je dobio licencu, ako se ukaže mjesto za popunu m:tel Prve lige FBiH do broja 16 i to samo iz one grupe u koju ispada klub m:tel Prve lige FBiH koji nije dobio licencu.
- 46.07. Pri ocjeni bolje ostvarenog rezultata poraženih klubova u obzir se uzima gol razlika. Ukoliko je gol razlika identična u obzir se uzima broj datih i primljenih pogodaka. Ukoliko je i broj datih i primljenih golova identičan u obzir se uzima fair-play tabela, s tim što žuti karton donosi jedan negativan broj, a crveni karton dva negativna boda. Ukoliko je sve identično, plasman u m:tel Prvu ligu FBiH će se odlučiti žrijebom.
- 46.08. Uslovi za prijem u natjecanje m:tel Prve lige Federacije BiH propisani su Pravilnikom o licenciranju klubova m:tel Prve lige NS FBiH.

Član 47.

- 47.01. Doigravanje za ulazak u m:tel Prvu ligu Federacije BiH igrat će se po dvostrukom Kup sistemu (dvije utakmice domaćin - gost) nakon izvršenog žrijeba, a pobjednici u ukupnom rezultatu ostvarit će plasman u m:tel Prvu ligu Federacije BiH;
- 47.02. Ukoliko rezultat nakon dvije utakmice bude neodlučen, pristupit će se izvođenju udaraca sa bijele tačke shodno Pravilima nogometne igre;
- 47.03. Shodno odlukama IFAB-a gol u gostima se ne računa dvostruko;
- 47.04. Klub domaćin utakmice doigravanja za ulazak u m:tel Prvu ligu FBiH je obavezan pripremiti teren za igru, kao i sve ostale prostorije (svlačionice, kancelarije i sl.), da su čiste, zagrijane, sa toplom vodom, opremljene sa svim tehničkim pomagalicama najkasnije 90 (devedeset) minuta prije određenog termina za početak utakmice;

- 47.05. Klub domaćin obavezan je osigurati najmanje šest (6) lopti, koje u svemu moraju odgovarati propisima Pravila nogometne igre;
- 47.06. Klub domaćin utakmice obavezan je obezbijediti najmanje četiri (4) pripadnika profesionalne zaštitarske agencije, koji će se profesionalno starati za sigurnost svih aktera utakmice, te odgovarajuću dežurnu redarsku službu s propisno označenim dovoljnim brojem redara, pripadnike policije, liječnika i dežurno sanitetsko vozilo sa osobljem i nosilima;
- 47.07. Disciplinske mjere, izrečene od strane disciplinskog organa Druge lige FBiH u toku natjecateljske sezone uračunavaju se i važeće su u doigravanju za plasman u m:tel Prvu ligu FBiH;
- 47.08. Snimanje utakmica doigravanja za ulazak u m:tel Prvu ligu vršit će neovisna TV agencija (ZAP agencija). Snimateljima TV agencije klub domaćin je obavezan omogućiti sve uslove za nesmetano i slobodno snimanje. Klubovi domaćini obavezni izvršiti uplatu snimanja utakmica na račun ZAP agencije;
- 47.09. Za utakmice doigravanja za ulazak u m:tel Prvu ligu Federacije BiH delegiraju se delegati, suci, suci asistenti i posmatrači suđenja sa liste m:tel Prve lige Federacije BiH za sezonu 2022/2023. Delegiranje delegata vrši Komisija za natjecanje NS FBiH, a delegiranje sudaca, sudaca asistenata i posmatrača suđenja Komisija za suce i suđenje NS FBiH. Klub domaćin obavezan je izvršiti isplatu službenim licima shodno odredbama Pravilnika o dnevnicama, putnim troškovima, članarinama i drugim naknadama.

XXIV - POPUNJAVANJE LIGE

Član 48.

- 48.01. Druga liga FBiH grupa „Sjever“, „Centar“, „Zapad“ i „Jug“ popunjava se prvacima kantonalnih/županijskih nogometnih liga ili međužupanijskih liga ako je to odobrio Izvršni odbor NS FBiH.
- 48.02. Na kraju natjecateljske sezone 2022/2023, Drugu ligu Federacije BiH napustit će onoliko klubova koliko je potrebno da bi se ove lige popunile prvacima kantonalnih/županijskih liga ili međužupanijskih liga i osigurao prostor za klubove koji napuštaju m:tel Prvu ligu Federacije BiH a da bi te lige brojale do 16 klubova.

XXV - FINANSIJSKE ODREDBE

Član 49.

- 49.01. Prihodi sa prvenstvenih utakmica pripadaju klubu domaćinu.

Član 50.

- 50.01. Službenim licima na utakmici pripada odgovarajuća naknada, koja uključuje taksu, dnevnicu i putne troškove, u skladu sa odlukom Izvršnog odbora NS FBiH.
- 50.02. Sve isplate vrše se poslije odigravanja utakmica, najkasnije 24 sata po odigranoj utakmici, obavezno na žiro račune službenih osoba.
- 50.03. Ukoliko klub ne isplati službena lica ili ih djelomično isplati, klubu se ostavlja dodatni rok od 24 sata da izmiri troškove, nakon čega nastupa suspenzija do izmirenja obaveza u cijelosti, te klub podliježe novčanoj kazni za neizvršavanje obaveza.

- 50.04. Klub je dužan validan dokaz o isplati naknada za službena lica, dostaviti delegatu na brifingu prije početka prve naredne utakmice.
- 50.05. Delegat je dužan na brifingu, sat i pol prije početka utakmice, izvršiti provjeru da li je klub isplatio pripadajuće naknade svakom službenom licu pojedinačno što se odnosi na prethodnu utakmicu.

Član 51.

- 51.01 Izvršni odbor NS F BiH prije početka prvenstva donosi odluku o visini troškova natjecanja. Kotizacija za natjecanje se utvrđuje za cijelu natjecateljsku sezonu uz mogućnost da klubovi uplatu izvrše u dvije rate, svaku prije početka natjecateljske polusezone.
- 51.02. Ukoliko klub odustane od natjecanja u toku natjecateljske sezone, obavezan je izvršiti uplatu kotizacije za natjecanje u cijelosti.
- 51.03. Neizvršenje obaveza povlači disciplinske posljedice u skladu sa odredbama Disciplinskog pravilnika NS/FS BiH.

XXVI – NAGRADE

Član 52.

- 52.01. Prvaku Druge lige Federacije BiH dodjeljuje se pehar u trajno vlasništvo od strane saveza koji je tehnički vodio ligu.
- 52.02. Igračima, tehničkom i stručnom rukovodstvu prvoplasiranog kluba dodjeljuje se 35 medalja.

XXVII - ZAVRŠNE ODREDBE

Član 53.

- 53.01. Za sve što nije predviđeno ovim Propozicijama, važe odredbe Pravilnika o nogometnim natjecanjima NS/FS BiH, Pravila nogometne igre i drugih propisa NS FBiH, NS/FS BiH, FIFA-e i UEFA-e.

Član 54.

- 54.01. Propozicije stupaju na snagu danom objavljivanja na web stranici Saveza, a primjenjuju se za natjecateljsku sezonu 2022/2023.

P R E D S J E D N I K
Soldo Dragan

Broj: 1012/22

Sarajevo: 23.06.2022.

Komisija za natjecanje Nogometnog saveza Federacije BiH, na sjednici održanoj 23.06.2022. godine donosi s l j e d e ć e:

U P U T S T V O **o snimanju utakmica Druge lige FBiH**

I CILJ UTVRĐIVANJA UPUTSTVA O SNIMANJU

U cilju postizanja potpune regularnosti natjecanja u organizaciji Nogometnog saveza Federacije BiH i omogućavanja uvida od strane natjecateljskih organa u kvalitetan video-zapis cijelog toka utakmica i svih momenata od važnosti za natjecanje, Komisija za natjecanje je donijela uputstvo o načinu snimanja utakmica Druge lige FBiH te ostale radnje vezano za snimanje i dostavljanje video-zapisa utakmica nadležnom organu i savezu.

II EVIDENTIRANJE I UPOZNAVANJE SNIMATELJA O UPUTSTVU

Službeni predstavnik kluba domaćina dužan je najkasnije 30 minuta prije utakmice izvršiti neposrednu prijavu pravovremenog dolaska snimatelja kod delegata utakmice, sa evidentiranjem osobnih podataka snimatelja.

Klub domaćin obavezan je snimatelju svake utakmice uručiti uputstvo NS FBiH o načinu snimanja utakmica.

Službeni predstavnik kluba domaćina i snimatelj obavezni su neposredno upoznati delegata o vrsti kamere, vrsti DVD-a, postojanju postolja za kameru, dovoljnom broju DVD-ova kako bi bio snimljen cijeli tok utakmice i ostalo vezano za utakmicu prema ovom uputstvu.

Delegat će usmeno upozoriti snimatelja na obaveze i uputstvo o snimanju.

III POZICIJA ZA SNIMANJE

Klub domaćin obavezan je obezbijediti mjesto za snimanje utakmica na uzvišenom mjestu minimalne visine 3,0 metra, na poziciji središnje crte igrališta kako bi se kvalitetno snimala cijela površina terena za igru i cijeli tok utakmice.

Pozicija za snimanje mora biti bezbjedna i ispravna sačinjena od čvrstog materijala, natkrivena i zaštićena od kiše, vjetra i ostalih nepogoda.

Snimatelj za vrijeme snimanja utakmice ne smije biti ometan od strane gledalaca, predstavnika klubova i drugih.

IV NAČIN SNIMANJA UTAKMICA

Snimatelj utakmice obavezan je na kvalitetan način snimiti:

- a) Cijeli tok prvog dijela igre i izlazak igrača i službenih lica sa terena za igru u svlačionice, sve do ulaska u iste;
- b) Cijeli tok drugog dijela igre i izlazak igrača i službenih lica sa terena za igru u svlačionice, sve do ulaska u iste nakon završetka utakmice;
- c) Na kvalitetan način snimiti svaki prekid i mogući incident, uz obavezu da snimi i zumira tačno mjesto dešavanja sporne situacije ili incidenta i sva dešavanja u tom slučaju;
- d) Nije dozvoljeno prekidanje snimanja za vrijeme utakmice, odnosno kako je to navedeno u tačkama: a), b) i c);
- e) Ispravno snimiti sva dešavanja ili moguće incidente u vezi sa službenim licima utakmice;
- f) Svaki mogući incident ili sporni momenat potrebno je snimiti sa zumiranjem.

V VRSTA KAMERE I VIDEO DISKA (VIDEO-MATERIJALA)

Utakmica mora biti snimana sa stabilnog postolja kako bi se postigla stabilnost i kvalitet snimka utakmice.

Utakmica mora biti snimana sa kvalitetnom digitalnom kamerom koja zadovoljava potrebe snimanja na udaljenosti dimenzija nogometnog igrališta i na otvorenom prostoru uz moguće vremenske nepogode za vrijeme utakmice (kiša, snijeg, vjetar itd).

Utakmice je potrebno snimati digitalnom tehnikom uz korištenje digitalnog video diska (DVD)

Snimak utakmice se uručuje delegatu na DVD-u.

Za snimanje nije dozvoljena upotreba prethodno korištenih ili neispravnih DVD-ova.

VI UPOZNAVANJE SNIMATELJA O UPUTSTVU

Klub domaćin dužan je svakom snimatelju utakmice pravovremeno uručiti ovo uputstvo o snimanju, a snimatelj se obavezuje na striktnu primjenu uputstva o načinu snimanja utakmice.

VII DOSTAVLJANJE VIDEO MATERIJALA DELEGATU UTAKMICE

Službeni predstavnik kluba domaćina obavezan je odmah nakon završetka utakmice, originalni snimak u zapečaćenoj koverti uručiti delegatu utakmice.

Delegat utakmice službenim putem, DVD u zapečaćenoj koverti i ostavljenom roku dostavlja u NS Federacije BiH.

VIII PROPUSTI U SNIMANJU I DOSTAVLJANJU VIDEO-MATERIJALA

Klub koji je prema propisima obavezan, a ne snimi utakmicu, ili koji gostujućem klubu ne dozvoli snimanje utakmice, klub koji snimi ali u propisanom roku ne dostavi nadležnom organu saveza ispravan video-materijal sa utakmice ili ga dostavi u neispravnom ili neupotrebljivom stanju ili na način koji je suprotan ovom uputstvu o snimanju, snosit će sankcije u skladu sa Disciplinskim pravilnikom NS/FS BiH i odlukom IO NS FBiH.

PREDSJEDNIK
KOMISIJE ZA NATJECANJE
Mišković Dubravko vr.

NOGOMETNI SAVEZ FEDERACIJE BiH

KLUBOVIMA DRUGE LIGE FEDERACIJE BiH

(Aneks Propozicija takmičenja za takmičarsku 2022/2023)

ANEKS – MINIMUM MEDICINSKIH ZAHTJEVA ZA TRETMAN IGRAČA, STRUČNOG ŠTABA TIMA I SUDIJSKOG TIMA

Ovaj dokument detaljno specificira minimum medicinskih zahtjeva za takmičenje u Drugoj ligi Federacije BiH u smislu usluga koje treba osigurati klub domaćin za tretman igrača, stručnog štaba tima i sudijskog tima. Konkretni zahtjevi za svako takmičenje specificirani su u svakom odjeljku.

1. Ljekarsko osoblje

Zahtjevi važe za dan igranja utakmice u Drugoj ligi FBiH

Klub domaćin odgovoran je za obezbjeđenje jednog ljekara obučenog za hitnu medicinsku pomoć koji će biti prisutan uz ivicu terena najmanje od trenutka dolaska timova na stadion i do njihovog odlaska. Tu ulogu može vršiti ljekar domaćeg tima, pod uslovom:

- da je ljekar tima obučen i kvalifikovan za hitnu prvu ljekarsku pomoć i tehnike pružanja pomoći;
- da je imenovan neki drugi dužnosnik iz kluba domaćina za olakšavanje hitne medicinske evakuacije sa stadiona bez odlaganja.

1 x ljekar za hitnu medicinsku pomoć uz teren za igru:

- Vršiti ulogu medicinskog koordinatora za stadion izuzev ako je obezbijeđen i specifični medicinski koordinator.
- Odgovoran za osiguranje potrebne medicinske opreme uz ivicu terena specificirane.
- Odgovoran samo za tretman igrača, stručnog štaba tima, sudijskog tima i oficira utakmice.

1 x ekipa za nosila (s nosilima od lesonita i najmanje dva obučena nosača (kvalifikacija u pružanju prve pomoći/iskustvo u nošenju pacijenata na nosilima).

**P R E D S J E D N I K
KOMISIJE ZA SPORTSKU MEDICINU**

Hodžić Faruk sr.

Broj: 1020/22
Sarajevo: 23.06.2022

KOMISIJA ZA SPORTSKU MEDICINU NS FBiH

Na osnovu člana 21. Pravilnika o radu Komisija Izvršnog odbora i pravnih tijela Nogometnog saveza Federacije Bosne i Hercegovine, Komisija za sportsku medicinu NS FBiH donosi s l j e d e ć u

O D L U K U
o obavezujućim elementima za ljekarski pregled igrača

Član 1.

Ljekarski pregled igrača mora sadržavati sljedeće minimalne obavezujuće elemente:

- a) Internistički pregled ili pedijatrijski pregled (za igrače do 16 godina), koji obavezno treba sadržavati: EKG analizu u skladu sa UEFA propisima i osnovnu laboratorijsku obradu,
- b) Oftalmološki pregled,
- c) Stomatološki pregled,
- d) Ostale testove i analize prema indikaciji.

Član 2.

Ova Odluka stupa na snagu danom objavljivanja u Službenom glasniku NS FBiH.

O b r a z l o ž e n j e

Komisija za sportsku medicinu NS FBiH je razmatrao odredbe poglavlja XIV Propozicija takmičenja Druge lige Federacije BiH (ljekarski pregled i članarina).

Istim poglavljem predviđa se obaveza da svaki igrač, koji nastupa u nekom od prednje navedenih takmičenja, obavezno mora imati upisan nalaz o izvršenom ljekarskom pregledu koji sadrži ocjenu o zdravstvenoj sposobnosti u COMET informacionom sistemu.

Član 31.03. Propozicija takmičenja predviđa i spisak obavezujućih elemenata a za čije donošenje propisuje nadležnost Komisije za sportsku medicinu NS FBiH.

Shodno prednje navedenom, a kako bi se u potpunosti ispoštovala odredba ovog člana, te precizirala i pojednostavila njegova primjena u praksi, Komisija za sportsku medicinu NS FBiH donijela je odluku kao u dispozitivu.

P R E D S J E D N I K
KOMISIJE ZA SPORTSKU MEDICINU

Hodžić Faruk sr.



NOGOMETNI SAVEZ FEDERACIJE BOSNE I HERCEGOVINE

PROPOZICIJE
natjecanja završnice
nogometnog Kupa Federacije BiH za seniore
za natjecateljsku sezonu 2022/2023

lipanj/juni 2022.

Broj: 1075/22

Sarajevo: 29.06.2022.

Izvršni odbor Nogometnog saveza Federacije BiH na osnovu člana 32. Statuta NS Federacije BiH, na 17. sjednici održanoj 29.06.2022. godine u Kupresu, a na prijedlog Komisije za natjecanje NS FBiH, donio je s l j e d e ć e:

PROPOZICIJE
natjecanja završnice
nogometnog Kupa Federacije BiH za seniore
za natjecateljsku 2022/2023 godinu

I - OPĆE ODREDBE

Član 1.

- 1.01. Ovim Propozicijama utvrđuje se način rukovođenja i organiziranja završnog dijela nogometnog Kupa BiH za natjecateljsku 2022/2023 godinu, broj sudionika, plasman klubova, organizacija utakmica, žalbeni postupak, financijske odredbe i dr.

II - SUDIONICI NATJECANJA

Član 2.

- 2.01. U završnici Kupa Federacije BiH igraju se dva kola.
- 2.02. U prvom kolu učestvuje 16 najuspješnijih klubova iz Kup natjecanja kantonalnih/županijskih nogometnih saveza (klubovi općinske, kantonalne/županijske lige i Druge lige FBiH), izuzev klubova koji u sezoni 2022/2023 nastupaju u m:tel Prvoj ligi Federacije BiH, jer su automatski ostvarili plasman u drugo kolo završnice Kupa FBiH.
- 2.03. U drugom kolu završnice Kupa FBiH učestvuje 24 kluba. Od toga 16 klubova članova m:tel Prve lige Federacije BiH u sezoni 2022/2023, te osam najuspješnijih klubova iz prvog kola Kupa FBiH.
Klubovi m:tel Prve lige Federacije BiH obavezni su se natjecati u završnici Kupa FBiH.

Član 3.

- 3.01. Svaki kantonalni/županijski savez obavezuje se da organizira i provede Kup natjecanje na nivou kantona/županija uz učešće svih klubova članova Druge lige FBiH, kantonalnih/županijskih liga i općinskih nogometnih liga uz pravovremeno utvrđivanje kalendara natjecanja.
- 3.02. Kantonalni/županijski nogometni savezi obavezni su u natjecanje Kupa k/ž saveza uključiti klubove koji su na kraju natjecateljske sezone 2021/2022 ispali iz natjecanja m:tel Prve lige FBiH.

Član 4.

- 4.01. Svi kantonalni/županijski nogometni savezi imaju predstavnika u završnici Kupa Federacije BiH.

Član 5.

- 5.01. Šest kantonalnih/županijskih nogometnih saveza koji su u natjecateljskoj sezoni 2021/2022 imali najveći broj registriranih seniorskih klubova koji su završili natjecateljsku sezonu 2021/2022 (nisu odustali niti su isključeni iz natjecanja) u zvaničnim i priznatim ligama u BiH, u završnicu Kupa FBiH daju po dva predstavnika.

Član 6.

- 6.01. Četiri kantonalna/županijska nogometna saveza koji su u natjecateljskoj sezoni 2021/2022 imali manji broj registriranih seniorskih klubova koji su završili natjecateljsku sezonu 2021/2022 (nisu odustali niti isključeni iz natjecanja) u skladu sa odredbama prethodnog stava u završnicu Kupa FBiH daju po jednog predstavnika.

Član 7.

- 7.01. Broj klubova koji su završili natjecateljsku sezonu 2021/2022 u kantonalnim/županijskim nogometnim savezima utvrđuje Komisija za natjecanje NS FBiH na osnovu svih relevantnih pokazatelja.

Član 8.

- 8.01. Najuspješniji klubovi nakon provedenog Kup natjecanja na nivou k/ž saveza (16 klubova) a shodno članu 5. i 6. ovih Propozicija igrat će prvo kolo završnice Kup natjecanja.

Član 9.

- 9.01. Poludirigovanim žrijebom se određuju parovi utakmica prvog kola završnice Kupa FBiH a vodeći računa o regionalnoj udaljenosti klubova i smanjenju troškova putovanja.
- 9.02. U prvom kolu završnice Kupa FBiH igra se jedna utakmica, a domaćin će biti odlučan žrijebom, s tim da će klub nižeg ranga natjecanja imati prednost domaćeg terena.
- 9.03. Osam najuspješnijih klubova nakon prvog kola plasirat će se u drugo kolo završnice Kupa Federacije BiH.

Član 10.

- 10.01. U drugom kolu završnice Kupa Federacije BiH igra 16 klubova učesnika m:tel Prve lige FBiH u natjecateljskoj sezoni 2022/2023 i osam pobjednika utakmica prvog kola.
- 10.02. U drugom kolu završnice Kupa FBiH igra se jedna utakmica, a domaćin će biti odlučan žrijebom, s tim da će klub nižeg ranga natjecanja imati prednost domaćeg terena.

Član 11.

- 11.01. U završnici Kupa Bosne i Hercegovine učestvuju 32 kluba a od toga 12 klubova iz NS Federacije BiH, osam klubova iz FS RS i 12 klubova učesnika m:tel Premijer lige BiH.
- 11.02. Sistem odigravanja završnice Kupa BiH donosi Izvršni odbor NS/FS BiH.

III - RUKOVOĐENJE I ORGANIZACIJA

Član 12.

- 12.01. Natjecanjem završnog dijela nogometnog Kupa Federacije BiH rukovodi Izvršni odbor NS FBiH, putem Komisije za natjecanje NS FBiH.

- 12.02. Utmkice prvog i drugog kola nogometnog Kupa Federacije BiH igraju se po jednostrukom kup sistemu (igra se jedna utakmica).

Član 13.

- 13.01. Natjecanje u završnici Kupa Federacije BiH administrativno se vodi kroz COMET informacijski sistem.
- 13.02. Zapisnik sa utakmica sastavlja se na način kao u prvenstvenim utakmicama m:tel Prve i Druge lige FBiH.

IV - SLUŽBENE OSOBE

Član 14.

- 14.01. Za obavljanje funkcije službenih osoba na utakmicama završnog dijela nogometnog Kupa Federacije BiH delegiraju se delegati, suci i posmatrači suđenja sa lista m:tel Prve lige Federacije BiH a u slučaju ukazane potrebe mogu biti delegirani i suci sa liste Druge lige FBiH sa zvanjem suca prve kategorije.
- 14.02. Vezano za delegiranje i obavljanje funkcija službenih osoba primjenjuju se odredbe Pravilnika o nogometnim natjecanjima NS/FS BiH i Propozicija natjecanja m:tel Prve lige Federacije BiH.

V - ORGANIZACIJA UTAKMICA

Član 15.

- 15.01. Organizacija utakmica se vrši prema odredbama Pravilnika o nogometnim natjecanjima NS/FS BiH i Propozicijama natjecanja za prvenstvo nogometnih liga i Kupa u Federaciji BiH za natjecateljsku 2022/2023 godinu.
- 15.02. Organizaciju utakmica vrši klub domaćin.

Član 16.

- 16.01. Klub domaćin je obavezan na svim utakmicama postaviti na jarbole: državnu zastavu Bosne i Hercegovine, zastavu NS/FS BiH, a mogu se postaviti i zastava NS FBiH, Federacije BiH, klupske, zastave županija/kantona, te zastava fair playa. Istaknute zastave trebaju biti istih dimenzija, uredne i čiste.

VI - PRAVO NASTUPA

Član 17.

- 17.01. Pravo nastupa na utakmicama završnog dijela nogometnog Kupa Federacije BiH imaju igrači koji ispunjavaju uvjete za nastup, a koji su propisani Pravilnikom o registracijama klubova i igrača i statusu i transferu igrača NS/FS BiH i Propozicijama natjecanja m:tel Prve lige FBiH što se odnosi na nastup igrača mlađih od 21 godine.

VII - UTVRĐIVANJE PLASMANA

Član 18.

- 18.01. Plasman se utvrđuje na osnovu rezultata utakmica završnice Kupa na nivou Federacije BiH. U slučaju da se utakmica nakon 90 minuta završi neodlučnim rezultatom, odmah će se pristupiti izvođenju jedanaesteraca za dobijanje pobjednika, u skladu sa Pravilima nogometne igre.

Član 19.

- 19.01. Žalba na odigranu utakmicu može se najaviti u roku 24 sata, a obrazloženje žalbe sa dokazom o uplaćenju taksi u roku od 48 sati po odigranoj utakmici.
- 19.02. Žalba na odluku prvostepenog organa može se uložiti u roku od tri dana po prijemu prvostupanske odluke.
- 19.03. Neblagovremeno najavljene, neobrazložene, netaksirane ili nedovoljno taksirane žalbe neće se uzimati u postupak.

VIII - FINANCIJSKE ODREDBE

Član 20.

- 20.01. Troškovi organizacije utakmica i svih službenih lica snosi klub domaćin. Troškovi službenim osoba se isplaćuju prema rangu natjecanja u kojem se klub domaćin natječe i prema Pravilniku o dnevnicama, putnim troškovima, taksama, članarinama i drugim naknadama.
- 20.02. Ukoliko je domaćin utakmice klub m:tel Prve lige FBiH, utakmicu će za klub snimati ovlaštena agencija i troškove snimanja snosi klub, a ukoliko je domaćin klub nižeg ranga, utakmicu snima klub domaćin te ispravan DVD i uručuje delegatu utakmice.

IX - ZAVRŠNE ODREDBE

Član 21.

- 21.01. Za sva ostala pitanja koja nisu predviđena ovim Propozicijama primjenjivat će se propisi NS/FS BiH i NS FBiH.
- 21.02. Ove Propozicije stupaju na snagu danom donošenja, a primjenjuju se za natjecateljsku 2022/2023 godinu.

P R E D S J E D N I K

Soldo Dragan

Broj: 1065-I/22
Sarajevo: 29.06.2022.

Izvršni odbor Nogometnog saveza Federacije BiH na osnovu člana 32. Statuta NS Federacije BiH, na 17. sjednici održanoj 29.06.2022. godine u Kupresu, donio je s l j e d e ć u:

O D L U K U
o kotizaciji za natjecanje
klubova m:tel Prve lige Federacije BiH
za takmičarsku sezonu 2022/2023

Član 1.

Ovom odlukom utvrđuje se iznos kotizacije za natjecanje klubova m:tel Prve lige Federacije Bosne i Hercegovine za jednu natjecateljsku sezonu, kao i rokovi uplate utvrđenog iznosa.

Član 2.

Kotizacija za klubove m:tel Prve lige Federacije BiH iznosi 10.000 (desethiljada) KM.

Član 3.

Sredstvima iz kotizacije finansira se rad organa, koji u procesu natjecanja razmatraju pitanja natjecanja i donose odluke u vezi sa natjecanjem, kao i izvršavanje administrativno-tehničkih poslova.

Član 4.

Uplata kotizacije može se izvršiti u dva jednaka dijela, s tim što se prvi dio uplaćuje najkasnije petnaest (15) dana prije početka prvog, a drugi dio najkasnije petnaest (15) dana prije početka drugog dijela prvenstva.

Član 5.

Uplata kotizacije se vrši na žiro-račun NS Federacije BiH broj:
338-900-22059210-48 kod Unikredit banke ili
140-102-00027143-35 kod ASA banke.

Član 6.

Klub koji ne izvrši obaveze u roku iz člana 4. ove odluke, ne može nastupiti u natjecanju m:tel Prve lige Federacije BiH.

Član 7.

Odluka stupa na snagu danom donošenja, a primjenjuje se za natjecateljsku sezonu 2022/2023.

PREDSJEDNIK
Soldo Dragan

1065-II/22

Sarajevo: 29.06.2022.

Izvršni odbor Nogometnog saveza Federacije BiH na osnovu člana 32. Statuta NS Federacije BiH, na 17. sjednici održanoj 29.06.2022. godine u Kupresu, donio je s l j e d e ć u:

O D L U K U
o kotizaciji za natjecanje klubova
Druge lige Federacije BiH
za natjecateljsku sezonu 2022/2023

Član 1.

Ovom odlukom utvrđuje se iznos kotizacije za natjecanje klubova Druge lige Federacije BiH za jednu natjecateljsku sezonu, kao i rokovi uplate utvrđenog iznosa.

Član 2.

Kotizacija za klubove Druge lige Federacije BiH iznosi 4.000 (četirihiljade) KM.

Član 3.

Sredstvima iz kotizacije finansira se rad organa koji u procesu natjecanja razmatraju pitanja natjecanja i donose odluke u vezi sa natjecanjem, kao i izvršavanje administrativno-tehničkih poslova.

Član 4.

Uplata kotizacije može se izvršiti u dva jednaka dijela, s tim što se prvi dio uplaćuje najkasnije petnaest (15) dana prije početka prvog, a drugi dio najkasnije petnaest (15) dana prije početka drugog dijela prvenstva.

Uplata kotizacije vrši se na žiro-račune kantonalnih/županijskih saveza u sjedištima grupa Druge lige FBiH.

Član 5.

Kantonalni/županijski savezi obavezni su u roku od sedam dana po početku prvenstva uplatiti pripadajući dio kotizacije NS FBiH u visini od dvadesetpet (25) procenata i to na žiro-račune NS FBiH:

338-900-22059210-48 kod Unikredit banke ili

140-102-00027143-35 kod ASA banke.

Član 6.

Klubovi koji ne izvrše obaveze u roku, iz člana 4. ove odluke, ne mogu nastupiti u natjecanju Druge lige NS Federacije BiH.

Član 7.

Odluka stupa na snagu danom donošenja, a primjenjuje se za natjecateljsku sezonu 2022/2023.

PREDSJEDNIK

Soldo Dragan

Broj: 1066/22

Sarajevo: 29.06.2022.

Izvršni odbor Nogometnog saveza Federacije BiH na osnovu člana 32. Statuta NS Federacije BiH, na 17. sjednici održanoj 29.06.2022. godine u Kupresu, donio je s l j e d e ć u:

P R A V I L N I K
o dnevnicama, putnim troškovima,
taksama, članarinama i drugim naknadama

I - OPĆE ODREDBE

Član 1.

- 1.01. Ovom odlukom utvrđuje se pravo i iznosi troškova službenih lica na utakmicama, učešća u radu organa po nalogu Nogometnog saveza Federacije BiH, kao i iznosi taksi i drugih naknada u NS Federacije BiH.

Član 2.

- 2.01. Za obavljanje dužnosti na sjednici organa NS FBiH, osobi-članu organa pripada naknada u iznosu od 60 KM, dnevnicu u iznosu od 25 KM, a putni troškovi se isplaćuju prema cijeni korištenja prevoza. Kod korištenja ličnog vozila uračunava se 15% od cijene benzina po pređenom kilometru.
- 2.02. Ukoliko se sjednice članova pravnih tijela i komisija Izvršnog odbora NS FBiH održavaju online, osobi-članu organa po održanoj online sjednici pripada naknada u iznosu od 30 KM. Za održavanje online sjednica članovi organa nemaju pravo na dnevnicu.

II – NAKNADE ZA SLUŽBENA LICA

Član 3.

- 3.01. Sucima, delegatu i posmatraču kada obavljaju dužnost po nalogu NS Federacije BiH, na utakmicama **Prve lige Federacije BiH** pripada naknada u neto iznosu kako slijedi:
- delegatu 400 KM
 - posmatraču suđenja 400 KM
 - glavnom sucu 500 KM
 - sucu asistentu 350 KM
 - četvrtom sucu 200 KM
 - dodatnom sucu asistentu 150 KM
- 3.02. Službene osobe nemaju pravo na troškove noćenja.

Član 4.

- 4.01. Sucima i delegatu kada obavljaju dužnost po nalogu NS Federacije BiH, na utakmicama **Druge lige Federacije BiH** pripada naknada u neto iznosu kako slijedi:
- delegatu 150 KM
 - glavnom sucu 150 KM
 - sucu asistentu 120 KM

- 4.02. Ukolika službena osoba na utakmicu putuje preko 250 kilometara (u jednom pravcu) od mjesta boravka, službenom licu se na gore navedene iznose obračunava dodatnih 50 KM.
- 4.03. Službene osobe nemaju pravo na troškove noćenja.

Član 5.

- 5.01. Sucima, delegatu i posmatraču kada obavljaju dužnost po nalogu NS Federacije BiH, na utakmicama **doigravanja za ulazak u m:tel Prvu ligu Federacije BiH** pripada naknada u neto iznosu kako slijedi:

• delegatu	400 KM
• posmatraču suđenja	400 KM
• glavnom sucu	500 KM
• sucu asistentu	350 KM
• četvrtom sucu	200 KM
• dodatnom sucu asistentu	150 KM

- 5.02. Službene osobe nemaju pravo na troškove noćenja.

Član 6.

- 6.01. Na utakmicama **završnice seniorskog Kupa Federacije BiH** troškovi službenih osoba se isplaćuju prema rangu takmičenja u kojem se klub domaćin takmiči, što se odnosi na klub m:tel Prve i Druge lige FBiH.

- 6.02. Za rang Druge lige FBiH naknada taksa posmatrača suđenja identična je taksi delegata, a taksa četvrtog sudije iznosi 100 KM.

- 6.03. Ukoliko se u završnici Kupa Federacije BiH takmiči klub nižeg ranga od Druge lige Federacije BiH, službenim licima pripada naknada u neto iznosu kako slijedi:

• delegatu	120 KM
• posmatraču suđenja	120 KM
• glavnom sucu	150 KM
• sucu asistentu	100 KM
• četvrtom sucu	70 KM

- 6.04. Službene osobe nemaju pravo na troškove noćenja.

Član 7.

- 7.01. Sucima i delegatu kada obavljaju dužnost po nalogu NS Federacije BiH, na utakmicama **Prve ženske lige Federacije BiH** pripada naknada u neto iznosu kako slijedi:

• delegatu	60 KM
• glavnom sucu	60 KM
• sucu asistentu	50 KM

- 7.02. Ukoliko službena osoba na utakmicu putuje do 30 kilometara (u jednom pravcu) od mjesta boravka ima pravo na putne troškove u iznosu od 10 KM.

- 7.03. Ukoliko službena osoba na utakmicu putuje preko 30 kilometara a manje od 50 kilometara (u jednom pravcu) od mjesta boravka ima pravo na putne troškove u iznosu od 20 KM.

- 7.04. Ukoliko službena osoba na utakmicu putuje više od 50 kilometara (u jednom pravcu) od mjesta boravka ima pravo na putne troškove u iznosu od 30 KM.

- 7.05. Ukoliko službena osoba na utakmicu putuje više od 100 kilometara (u jednom pravcu) od mjesta boravka ima pravo na putne troškove u iznosu od 40 KM.

- 7.06. Ukoliko službena osoba na utakmicu putuje više od 150 kilometara (u jednom pravcu) od mjesta boravka ima pravo na putne troškove u iznosu od 50 KM.
- 7.07. Ukoliko je na utakmicu Prve ženske lige FBiH određen posmatrač suđenja, istom pripada taksa u visini takse delegata utakmice.
- 7.08. Službene osobe nemaju pravo na troškove noćenja.

Član 8.

- 8.01. Sucima i delegatu kada obavljaju dužnost po nalogu NS Federacije BiH, na utakmicama **Omladinskih takmičenja Federacije BiH** pripada naknada u koju su uračunati putni troškovi u neto iznosu kako slijedi:
- 8.02. Omladinska liga BiH (za dvije utakmice, juniori i kadeti)
- delegatu 80 KM
 - glavnom sucu 80 KM
 - sucu asistentu 80 KM
- 8.03. Za jednu utakmicu Omladinske lige BiH (kadeti ili juniori) naknada službenim licima iznosi 60 KM.
- 8.04. Ukoliko službena osoba na utakmicu putuje preko 20 kilometara (u jednom pravcu) od mjesta boravka ima pravo na putne troškove u iznosu od 20 KM.
- 8.05. Završnica juniorskog Kupa FBiH i završnice juniorskog prvenstva FBiH
- delegatu 90 KM
 - glavnom sucu 80 KM
 - sucu asistentu 70 KM
- 8.06. Završnica prvenstva za kadete
- delegatu 70 KM
 - glavnom sucu 80 KM
 - sucu asistentu 60 KM
 - četvrtom sucu 30 KM

Član 9.

- 9.01. Navedene iznose naknada za službena lica (suci/delegat/posmatrač) klub je obavezan uplatiti svakoj službenoj osobi pojedinačno, najkasnije 24 sata po odigranoj utakmici obavezno na žiro račun. Ukoliko klub ne isplati službena lica ili ih djelimično isplati, klubu se ostavlja rok od dodatna 24 sata da izmiri troškove, nakon čega se podnosi prijava za pokretanje disciplinskog postupka.
- 9.02. Validnu kopiju dokaza uplate službenim licima (suci/delegat/posmatrač) klub je obavezan dostaviti delegatu na brifingu prije početka naredne utakmice, što će delegat precizno utvrditi prije utakmice. Ukoliko klub ne dokaže delegatu da je izvršio uplatu obaveze iz prethodne utakmice (taksa, dnevnica, putni trošak).

Član 10.

- 10.01. U slučaju da utakmica m:tel Prve i Druge lige Federacije BiH za seniore nije odigrana klub m:tel Prve i Druge lige NS FBiH obavezan je službenim licima isplatiti sljedeće naknade:
- Delegatu utakmice- naknadu u punom iznosu.
 - Posmatraču suđenja na utakmici- putni trošak i dnevnicu shodno članu 2. ovog Pravilnika.
 - Sudiji, sudiji asistentu, četvrtom sudiji, dodatnom sudiji- putni trošak i dnevnicu shodno članu 2. ovog Pravilnika.

- 10.02. Putni troškovi službenim licima isplaćuju se za korištenje osobnog vozila i to 15 posto od cijene benzina po pređenom kilometru, a ukoliko službenu dužnost na jednoj utakmici obavlja više sudija iz istog mjesta, k/ž saveza ili pravca isplaćuju se dodatni troškovi od po 5 posto cijene benzina za svaku dodatnu osobu po pređenom kilometru.
- 10.03. U slučaju kada utakmica nije odigrana iz razloga više sile ili je prekinuta iz razloga više sile ili krivicom jednog ili oba tima, klub m:tel Prve i Druge lige NS FBiH obavezan je službenim licima isplatiti naknade u punom iznosu propisane ovim Pravilnikom.
- 10.04. U slučaju kada je odigravanje neodigrane ili prekinute utakmice iz prethodno navedenih razloga, shodno Pravilniku i odluci nadležnog organa određeno u roku 24 sata, klub domaćin obavezan je službenim licima osigurati dodatnu taksu u iznosu od 100 KM.
- 10.05. U slučaju kada se neodigrana ili prekinuta utakmica odlukom nadležnog organa ne zakaže u terminu nakon 24 sata od prvobitnog termina neodigrane ili prekinute utakmice, klub m:tel Prve i Druge lige NS FBiH obavezan je službenim licima isplatiti naknade u punom iznosu kako je to propisano ovim Pravilnikom.

Član 11.

- 11.01. U slučaju kada nije odigrana prvenstvena ili kup utakmica u okviru natjecanja za žene, klub domaćin obavezan je službenim licima isplatiti sljedeće naknade:
- Delegatu utakmice- naknadu u punom iznosu.
 - Sudijama - dnevnicu u visini od 25 KM i putni trošak prema članu 7. ovog Pravilnika.
- 11.02. U slučaju kada se prekinuta utakmica odlukom nadležnog organa zakaže u novom terminu a službenu dužnost obavljaju ista službena lica, klub je obavezan službenim licima isplatiti 50 posto od iznosa naknade i putni trošak u cijelosti.

Član 12.

- 12.01. U slučaju kada nije odigrana prvenstvena utakmica (kadeti i juniori) ili kup utakmica u okviru omladinskih natjecanja, klub domaćin obavezan je službenim licima isplatiti sljedeće naknade:
- a. Delegatu utakmice- naknadu u punom iznosu.
 - b. Sudijama - dnevnicu u visini od 25 KM i putni trošak prema članu 12. ovog Pravilnika.
- 12.02. U slučaju kada se prekinuta utakmica odlukom nadležnog organa zakaže u novom terminu, klub je obavezan službenim licima isplatiti naknade za tu utakmicu prema članu 10. ovog Pravilnika.

Član 13.

- 13.01. Utvrđuje se godišnja članarina za službena lica m:tel Prve lige FBiH (sudije, delegati, posmatrači suđenja) u iznosu od 200 KM, koju uplaćuju na žiro-račun NS FBiH u dva jednaka dijela i to najkasnije prije početka seminara prvog i drugog dijela sezone.

Član 14.

- 14.01. Službena lica za utakmice m:tel Prve lige FBiH i završnice Kupa FBiH obavezuju se da na žiro-račun NS FBiH u roku od tri dana od utakmice, uplate 10% od ukupnog iznosa naknade za svaku utakmicu m:tel Prve lige FBiH ili završnice Kupa FBiH.
- 14.02. Službena lica za utakmice Druge lige FBiH obavezuju se da na žiro-račun kantonalnog/županijskog nogometnog saveza kojem je NS FBiH povjerio vođenje Druge lige FBiH u roku od tri dana od utakmice, uplate 5% ukupnog iznosa naknade za svaku utakmicu Druge lige FBiH.

III – NAKNADE ZA KLUBOVE

Član 15.

15.01. Uz zahtjev i žalbe koje rješavaju organi Nogometnog saveza Federacije BiH uplaćuju se sljedeće takse:

- 15.02. **a)** žalba u prvom stepenu
 - pojedinci.....200 KM
 - klubovi.....400 KM

- b)** žalba u drugom stepenu
 - pojedinci.....400 KM
 - klubovi.....800 KM

- 15.03. **a)** Uz zahtjev za zaštitu zakonitosti kao i ostale zahtjeve koje rješava Izvršni odbor NS FBiH u skladu sa važećim propisima uplaćuje se sljedeća taksa:
 - pojedinci.....400 KM
 - klubovi.....800 KM

b) Uz zahtjev kluba m:tel Prve i Druge lige FBiH za superviziju utakmice, na račun NS FBiH klub je obavezan uplatiti 400 KM.
 Supervizoru na utakmici m:tel Prve ili Druge lige FBiH pripada naknada u neto iznosu 300 KM.

c) Uz zahtjev kluba Ženske ili Futsal lige FBiH za superviziju utakmice, na račun NS FBiH klub je obavezan uplatiti 300 KM.
 Supervizoru na utakmici Ženske ili Futsal lige FBiH pripada naknada u neto iznosu 200 KM.

- 15.04. **a)** Uz zahtjev za naplatu finansijskih potraživanja u sporovima između igrača i klubova koje rješava Disciplinska komisija NS FBiH, uplaćuje se sljedeća taksa u iznosu od 400 KM.

Član 16.

16.01. Utvrđuju se sljedeći iznosi godišnje članarine za registraciju trenera klubova u takmičenjima Nogometnog saveza Federacije BiH (m:tel Prva liga FBiH, Druga liga FBiH, Ženska liga FBiH, Futsal liga FBiH, Omladinska liga):

- Registracija trenera sa UEFA PRO licencom..... 100 KM
- Registracija trenera sa UEFA A licencom.....80 KM
- Registracija trenera sa UEFA B licencom.....70 KM
- Registracija trenera vratara sa UEFA B GK licencom.....70 KM
- Registracija trenera sa UEFA C licencom.....60 KM
- Registracija trenerice sa C nacionalnim certifikatom.....50 KM
- Registracija futsal trenera sa UEFA B FUTSAL licencom.....60 KM
- Registracija trenera sa nacionalnim futsal certifikatom.....50 KM

Član 17.

17.01. Utvrđuju se sljedeći iznosi godišnje članarine za izdavanje natjecateljske akreditacije za službene osobe klubova u natjecanjima Nogometnog saveza Federacije BiH:

- za klubove m:tel Prve lige FBiH.....80 KM
- za klubove Druge lige FBiH.....60 KM
- za klubove Ženske lige FBiH.....50 KM
- za klubove Prve futsal lige FBiH.....70 KM
- za klubove Druge futsal lige FBiH.....50 KM
- za klubove Omladinske lige FBiH.....50 KM

Član 18.

- 18.01. Članarina suca i suca asistenta za sticanje zvanja suca druge kategorije iznosi 300 KM.
- 18.02. Članarina suca i suca asistenta za sticanje zvanja suca prve kategorije iznosi 400 KM, od čega NS Federacije BiH pripada 200 KM, a Nogometnom/fudbalskom savezu BiH 200 KM.
- 18.03. Troškove članarina sudaca i sudaca asistenata za sticanje zvanja druge i prve kategorije snose suci. Suci mogu biti oslobođeni plaćanja članarine ukoliko navedeni iznos bude uplaćen iz sredstava UEFA sudačke konvencije.
- 18.04. Za obavljanje ispita, testiranja i predavanja, osobi pripada taksa u iznosu od 30 KM po održanom satu (u jednom danu najviše tri sata).
- 18.05. Predavaču pripada taksa u iznosu od 30 KM za pripremu predavanja, ukoliko ima više od jednog sata predavanja.
- 18.06. Članu komisije za obavljanje dužnosti na uslovnoj utakmici za izlazak na praktični dio ispita za sticanje zvanja suca druge kategorije pripada naknada od 100 KM.
- 18.07. Članu komisije za obavljanje dužnosti na utakmici praktičnog dijela ispita za sticanje zvanja suca druge kategorije pripada naknada od 150 KM.
- 18.08. Članu komisije za obavljanje dužnosti na utakmici za izlazak na praktični dio ispita za sticanje zvanja suca druge kategorije kao i na utakmici praktičnog dijela ispita za sticanje zvanja suca druge kategorije, kada praktični dio ispita za zvanje suca druge kategorije polaže ženski sudija, naknada članu komisije iznosi 100 KM.
- 18.09. Za troškove izrade diplome entitetskog suca ili instruktora na žiro-račun NS FBiH uplaćuje se 100 KM.

IV – NAKNADE ZA KOMISIJE

Član 19.

- 19.01. Utvrđuje se iznos naknade članova Komisije za bezbjednost i stadione NS FBiH za obavljanje službene dužnosti na utakmicama m:tel Prve i Druge lige NS FBiH a po nalogu NS FBiH.
 - a) Za obavljanje službene dužnosti na utakmici m:tel Prve lige NS FBiH utvrđuje se naknada u iznosu od 250 KM.
 - b) Za obavljanje službene dužnosti na utakmici Druge lige NS FBiH utvrđuje se naknada u iznosu od 150 KM.
 - c) Za obavljanje službene dužnosti na utakmici Ženske, Futsal ili Omladinske lige NS FBiH utvrđuje se naknada u iznosu od 150 KM.
- 19.02. Ukoliko član Komisije za bezbjednost i stadione NS FBiH na utakmicu putuje više od 100 kilometara (u jednom pravcu) od mjesta boravka na gore navedene iznose obračunava dodatnih 50 KM.

Član 20.

- 20.01. Taksa za pregled i prijem terena kluba m:tel Prve lige Federacije BiH i kluba koji se plasira u m:tel Prvu ligu Federacije BiH iznosi 400 KM.
Taksa za pregled i prijem terena klubova Druge lige Federacije BiH iznosi 400 KM.
Taksa za pregled i prijem terena klubova Omladinske lige BiH kao i dvorane za odigravanje utakmica futsala iznosi 300 KM.

- 20.02. Članovima komisije pripada dnevnic, putni troškovi i taksa u iznosu od 60 KM po jednom terenu koje isplaćuje NS FBiH.
- 20.03. Klub je obavezan Komisiji staviti na uvid dokaz o uplaćenju taksi. Komisija za pregled i prijem terena, koju kao privremeni organ određuje generalni sekretar saveza.

V – ZAVRŠNE ODREDBE

Član 21.

- 21.01. Godišnja pretplata na Službeni glasnik NS FBiH „NOGOMET U FEDERACIJI BiH“ iznosi 200 KM za m:tel Prvu ligu FBiH i 100 KM za Omladinsku ligu, Žensku ligu i Futsal ligu.

Član 22.

- 22.01. Uplata svih taksi i drugih naknada iz ovog Pravilnika, izuzev članova 3., 4., 5., 6., 7., 8. ovog Pravilnika, vrši se na žiro-račun NS Federacije BiH broj:
UNIKREDIT BANKA 338-900-22059210-48
ASA BANKA 140-102-00027143-35.

Član 23.

- 23.01. Pravilnik stupa na snagu danom donošenja, a primjenjuje se danom objave u Službenom glasniku „NOGOMET U FEDERACIJI BiH“.

Član 24.

- 24.01. Stupanjem na snagu ovog Pravilnika prestaju da važe odluke i propisi kojima su bila regulisana ova pitanja.

PREDSJEDNIK
Soldo Dragan

Broj: 1067/22

Sarajevo: 29.06.2022.

Izvršni odbor Nogometnog saveza Federacije BiH na osnovu člana 32. Statuta NS Federacije BiH, na 17. sjednici održanoj 29.06.2022. godine u Kupresu, donio je s l j e d e ć u:

O D L U K U
o visini novčanih kazni za klubove, igrače,
funkcionere i stručna lica
za natjecateljsku sezonu 2022/2023

Član 1.

Ovom odlukom utvrđuju se iznosi novčanih kazni za klubove, igrače, funkcionere i stručna lica u natjecanjima kojima rukovodi Nogometni savez Federacije BiH.

Član 2.

Visina novčanih kazni koje izriče Disciplinska komisija Nogometnog saveza Federacije BiH iznosi:

- a)** za žuti karton igrača m:tel Prve lige FBiH kazna iznosi 50 KM,
- b)** za crveni karton igrača m:tel Prve lige FBiH kazna iznosi 100 KM,
za igrače koji nisu isključeni, a koji su prijavljeni od strane službenih osoba kazna iznosi od 300 do 1.000 KM,
za igrače koji su isključeni, disciplinski organ može donijeti odluku o izricanju novčane kazne,
- c)** za službena lica klubova (treneri i drugi) koji na utakmicama u toku jedne natjecateljske sezone dobiju tri žuta kartona primjenjivat će se automatska kazna zabrane vršenja funkcije shodno članu 17. Disciplinskog pravilnika NS/FS BiH,
- d)** za crveni karton koji u toku natjecateljske sezone dobiju službena lica klubova (treneri i drugi) primjenjivat će se odredbe Disciplinskog pravilnika NS/FS BiH te odredbe iz tačke a) i b) člana 2. ove odluke,
- e)** po prijavi službenih lica i za udaljenje službenih osoba i funkcionera kluba kazna iznosi od 300 do 1.000 KM,
- f)** za igrače i službene osobe kluba koji u sredstvima javnog informisanja (mediji, društvene mreže i sl.) vrijeđaju ili omalovažavaju instituciju Saveza ili pojedine članove tih institucija, te na uvredljiv način komentarišu sudije i suđenje kao i rad službenih lica na način koji šteti ugledu ili ličnom integritetu službenih lica kazna iznosi od 300 do 2.000 KM,
- g)** za nesportsko ili nasilno ponašanje navijača za m:tel Prvu ligu FBiH kazna iznosi od 1.000 do 5.000 KM,
- h)** za unošenje čvrstih predmeta na stadion, za ubacivanje čvrstih predmeta na teren ili među navijače kazna iznosi od 1.000 do 3.000 KM,
- i)** za korištenje pirotehničkih sredstava na stadionu, za ubacivanje petardi ili drugih zapaljivih predmeta na teren ili među navijače kazna iznosi od 500 do 5.000 KM,
- j)** za onemogućavanje snimanja utakmice predstavnicima ovlaštene TV kuće kazna iznosi od 1.000 do 5.000 KM,
- k)** za nedolazak ili zakašnjenje na utakmicu, nedostavljanje ili neblagovremeno dostavljanje izvještaja, podataka, izjava i drugo, pružanje lažnih izvještaja, podataka i izjava ili

dovođenja u zabludu, po službenoj dužnosti ili po zahtjevu NS FBiH od strane službenih osoba- kazna delegatu, posmatraču ili sudiji iznosi od 200 do 1.000 KM,

- l)** za neblagovremenu isplatu naknada službenim licima ili dostavljanje lažnih podataka o isplati ili dovođenja u zabludu organa Saveza s tim u vezi, kazna iznosi od 300 do 1.000 KM.

Za sve ostalo što nije predviđeno ovom odlukom, primjenjuje se DP NS/FS BiH,

- m)** Klub Druge lige NS FBiH grupa „Sjever“, „Centar“, „Zapad“ i „Jug“ koji ne organizuje utakmicu u skladu sa propisima nadležnog nogometnog rukovodstva, ne odredi redare ili ih odredi u nedovoljnom broju i drugo, a u smislu Disciplinskog pravilnika NS/FS BiH će biti kažnjen novčanom kaznom od 300 KM do 1.000 KM, a u težem ili ponovljenom slučaju novčanom kaznom od 1.000 KM do 2.000 KM,

- n)** Klub Druge lige NS FBiH grupa „Sjever“, „Centar“, „Zapad“ i „Jug“ koji je prema propisima obavezan, a ne snimi utakmicu u skladu sa uputstvom o snimanju utakmica Druge lige FBiH ili koji ne dozvoli gostujućem klubu snimanje utakmice, klub koji u propisanom roku nadležnom organu ne dostavi video-materijal sa utakmice ili ga dostavi u neispravnom ili neupotrebljivom stanju će biti kažnjen novčanom kaznom od 500 KM do 2.500 KM,

Član 3.

Visina izrečenih novčanih kazni za klubove, igrače, stručna lica i funkcionere na nivou Druge lige FBiH iznosi 70 % naprijed navedenih iznosa u članu 2. ove odluke, izuzev tačke **l), m) i n)**, s tim što novčana kazna za žuti karton na nivou Druge lige FBiH iznosi 25 KM.

Član 4.

Za omladinska natjecanja, kao i za natjecanja u futsalu i ženskom nogometu navedeni iznosi iz člana 2. ove odluke se umanjuju za 50%, izuzev što novčana kazna za javnu opomenu na utakmicama omladinske lige (žuti karton) iznosi 10 KM, a sve ostalo propisano je Propozicijama natjecanja Omladinske lige BiH.

Član 5.

Kazne po izrečenim odlukama nadležnog disciplinskog organa klubovi m:tel Prve lige FBiH, Omladinske lige BiH, Futsal lige i Ženske lige uplaćuju na žiro-račun NS Federacije BiH, a klubovi Druge lige FBiH kantonalnom/županijskom savezu u kojem je sjedište lige za natjecateljski period za koji je izrečena kazna.

Član 6.

Ova Odluka stupa na snagu danom donošenja, a primjenjuje se za natjecateljsku sezonu 2022/2023.

Član 7.

Stupanjem na snagu ove Odluke prestaju da važe odluke i propisi kojima su bila regulisana ova pitanja.

PREDSJEDNIK

Soldo Dragan

Broj: 1068/22

Sarajevo: 29.06.2022.

Izvršni odbor Nogometnog saveza Federacije BiH na osnovu člana 32. Statuta NS Federacije BiH, na 17. sjednici održanoj 29.06.2022. godine u Kupresu, donio je s l j e d e ć i:

P R A V I L N I K
o načinu vođenja natjecanja
u Drugoj ligi Federacije BiH

Član 1.

- 1.01. Ovim Pravilnikom utvrđuje se jednoobrazan način izvođenja natjecanja u grupama Druge lige Federacije BiH čije sjedište NS FBiH na vremenski period utvrđen posebnom odlukom ustupa kantonalnim/županijskim savezima, kao i uređenje međusobnih finansijskih i drugih odnosa između NS FBiH te kantonalnih/županijskih saveza koji učestvuju u natjecanju određene grupe Druge lige FBiH.

Član 2.

- 2.01. NS FBiH povjerava vođenje natjecanja određenim kantonalnim/županijskim savezima radi ravnomjernog vođenja natjecanja, a svake godine se vrši rotiranje sjedišta svake grupe Druge lige FBiH, kao i natjecateljskih organa svake grupe Druge lige FBiH.

Član 3.

- 3.01. Od ukupne kotizacije za 16 klubova u iznosu od =64.000 KM podmiruju se troškovi vođenja natjecanja u iznosu od =20.000 KM i taksa NS FBiH 25% od =16.000 KM.
- 3.02. Ostatak sredstava od kotizacije u iznosu od =28.000 KM dijeli se na kantonalne/županijske saveze, proporcionalno broju klubova koji se natjeću u toj grupi Druge lige FBiH.
- 3.03. Navedeni iznosi vrijede za cijelu natjecateljsku sezonu.
- 3.04. Ukoliko neka liga starta sa manjim brojem klubova od utvrđenog broja klubova za svaku grupu Druge lige FBiH, proporcionalno se umanjuju pripadajući iznosi raspodjele prema broju klubova.
- 3.05. Ukoliko neki klub odustane od natjecanja, umanjuju se predviđeni iznosi iz prethodnih stavova ovog člana Pravilnika kantonalnom/županijskom savezu iz kojeg je klub koji je odustao od natjecanja.

Član 4.

- 4.01. Prva polovica iznosa iz prethodnog člana uplaćuje se na žiro-račune NS FBiH i drugih k/ž saveza čiji klubovi participiraju u natjecanju te grupe Druge lige NS FBiH najkasnije sedam dana nakon početka prvog dijela sezone, a druga polovica najkasnije sedam dana nakon početka drugog dijela tekuće sezone.
- 4.02. Kantonalni/županijski savez u kojem je sjedište lige, putem imenovanih natjecateljskih organa, dužan je da se primjenom važećih propisa NS FBiH i NS/FS BiH stara o rokovima i uplatama kotizacije od strane klubova koji sudjeluju u natjecanju i vrši dosljednu primjenu važećih propisa.

Član 5.

- 5.01. Svi klubovi koji sudjeluju u natjecanju, kotizaciju su obavezni uplatiti na žiro-račun Saveza u kojem je sjedište određene grupe Druge lige FBiH.
- 5.02. Naknade za javne opomene, isključenja i ostale disciplinske mjere izrečene od nadležnog disciplinskog organa uplaćuju se na žiro-račune saveza koji vode ili su vodili natjecanje kada su te kazne izrečene.

Član 6.

- 6.01. Svi ostali prihodi od vođenja natjecanja pripadaju kantonalnom/županijskom savezu koji vodi natjecanje. Ostali mogući troškovi oko vođenja takmičenja koji nisu predvidivi, a nisu predmet obračuna po prethodnim tačkama, spadaju na trošak kantonalnog/županijskog saveza koji vodi natjecanje.

Član 7.

- 7.01. Savez koji vodi natjecanje za natjecateljsku sezonu daje povjerenika za natjecanje i tehničkog tajnika, a ostala dva saveza daju povjerenika za suđenje i disciplinskog suca, sve naizmjenično, što se odnosi na grupu Druge lige FBiH u kojoj sudjeluju klubovi iz tri kantonalna/županijska saveza.
- 7.02. Savez koji vodi natjecanje za natjecateljsku sezonu daje povjerenika za natjecanje i tehničkog tajnika, a drugi savez daje povjerenika za suđenje i disciplinskog suca, sve naizmjenično, što se odnosi na grupe Druge lige FBiH u kojoj sudjeluju klubovi iz dva kantonalna/županijska saveza.

Član 8.

- 8.01. Povjerenik za suđenje vrši delegiranje sudaca za utakmice Druge lige FBiH u saradnji sa Komisijom za suce i suđenje NS FBiH.
- 8.02. Za delegiranje sudaca sa višeg ranga, m:tel Prve lige Federacije BiH, povjerenik za suđenje dužan je službenim putem zatražiti od Komisije za sudije i suđenje NS FBiH koja će izvršiti delegiranje, dok je prilikom delegiranja sudija asistentata sa liste m:tel Prve lige FBiH na utakmice Druge lige FBiH potrebno obavijestiti Komisiju putem Sekretarijata NS FBiH.
- 8.03. Analizu suđenja svake grupe Druge lige FBiH vrši komesar/povjerenik za suđenje na osnovu detaljne analize izvještaja o kontroli suđenja i pregledom video zapisa sa utakmica.
- 8.04. Tehnički tajnik lige prisustvuje analizi suđenja, vodi zapisnik te je isti uredno i u roku od 72 sata nakon svake sjednice dužan sačiniti i dostaviti Komisiji za suce i suđenje NS FBiH putem Sekretarijata NS FBiH.
- 8.05. Povjerenik za suđenje Druge lige FBiH analize suđenja i delegiranja vrši u kantonalnom/županijskom savezu u kojem je sjedište Druge lige FBiH.
- 8.06. Periodične analize suđenja vrše se zajedno sa Komisijom za suce i suđenje NS FBiH. Komisija za suce i suđenje NS FBiH vrši analizu na način što će izvršiti pregled video-zapisa „spornih situacija“ koje pripremi povjerenik za suđenje u saradnji sa tehničkim tajnikom, a na prijedlog natjecateljskih organa, drugih sudionika u natjecanju po mišljenju Komisije ili Sekretarijata NS FBiH. Komisija za suce i suđenje zapisnički će izvršiti verifikiranje svih ocjena nakon svake analize, uz analizu i vođenje posebne evidencije svih korigiranih ocjena od strane povjerenika.
- 8.07. Konačne ocjene i liste uspješnosti sudaca Druge lige FBiH, po prijedlogu povjerenika a na osnovu svih relevantnih parametara, utvrdit će Komisija za suce i suđenje NS FBiH.

- 8.08. Za obavljanje poslova i zadataka povjerenik za suđenje Druge lige FBiH odgovoran je Izvršnom odboru NS FBiH, a kontrolu rada vršit će Komisija za suce i suđenje NS FBiH.

Član 9.

- 9.01. Povjerenik za natjecanje vrši delegiranje delegata za utakmice Druge lige FBiH u saradnji sa Komisijom za natjecanje NS FBiH.
- 9.02. Analizu rada delegata vrši povjerenik za natjecanje, a na osnovu detaljne analize zapisnika sa utakmice i delegatskog izvještaja.
- 9.03. Tehnički tajnik lige prisustvuje analizi rada delegata, vodi zapisnik te je isti uredno i u roku od 72 sata nakon svake sjednice dužan sačiniti i dostaviti Komisiji za natjecanje NS FBiH putem Sekretarijata NS FBiH.
- 9.04. Povjerenik za natjecanje će periodične analize natjecanja i obavljanja dužnosti delegata vršiti zajedno sa Komisijom za natjecanje u NS FBiH.
- 9.05. Analizu izvještaja kontrole suđenja sa svake utakmice vrši povjerenik za suđenje, kao stručno lice, što će povjerenik za natjecanje obavezno uzeti u obzir prilikom vrjednovanja obavljanja delegatske dužnosti i prijedloga liste uspješnosti.
- 9.06. Konačne liste uspješnosti delegata Druge lige FBiH, po prijedlogu povjerenika a na osnovu svih relevantnih parametara, utvrdit će Komisija za natjecanje NS FBiH.
- 9.07. Za obavljanje poslova i zadataka povjerenik za natjecanje Druge lige FBiH odgovoran je Izvršnom odboru NS FBiH, a kontrolu rada vršit će Komisija za natjecanje NS FBiH.

Član 10.

- 10.01. Disciplinski sudac Druge lige FBiH donosi odluke o izricanju disciplinskih mjera u prvom stepenu, a pripremu materijala za sjednicu kao i pisanje odluka priprema tehnički tajnik Druge lige FBiH.
- 10.02. Za obavljanje poslova i zadataka disciplinski sudac Druge lige FBiH odgovoran je Izvršnom odboru NS FBiH, a kontrolu rada vršit će Disciplinska komisija NS FBiH.

Član 11.

- 11.01. Tehnički tajnik Druge lige FBiH u savjetodavnom svojstvu prisustvuje sjednicama povjerenika za natjecanje, povjerenika za suđenje i disciplinskog suca, te opslužuje rad natjecateljskih organa i obavlja sve administrativne poslove.
- 11.02. Tehnički tajnik Druge lige FBiH zadužen je za pripremu svih materijala za sjednice natjecateljskih organa, pisanje odluka, zapisnika i dopisa te dostavljanje odluka i dopisa svim klubovima iz natjecanja.
- 11.03. Tehnički tajnik Druge lige FBiH vrši svu korespodenciju između kantonalnog/županijskog saveza u kojem je sjedište lige, natjecateljskih organa i NS Federacije BiH.
- 11.04. Tehnički tajnik Druge lige FBiH vrši svu korespodenciju između klubova, natjecateljskih organa i NS Federacije BiH.
- 11.05. Tehnički sekretar/tajnik Druge lige FBiH obavezan je takmičarske organe i sve klubove Druge lige FBiH pravovremeno i na propisan način obavještavati o svim odlukama i propisima NS FBiH i NS/FS BiH, kao i o svim pojedinostima vezano za takmičenje (Odluke i dopise IO Izvršnog odbora, komisija i Sekretarijata NS FBiH, tabele, delegiranja, odluke i dopise takmičarskih organa, pregled javnih opomena, suspenzije igrača, obračun putnih troškova i drugo).

- 11.06. Troškove dolaska povjerenika na zajedničke sastanke i analize sa komisijama NS FBiH snosi kantonalni/županijski savez kojem je od NS FBiH povjereno sjedište grupe Druge lige FBiH.
- 11.07. Natjecateljske organe imenuje Izvršni odbor NS FBiH, u skladu sa važećim kriterijima za imenovanje natjecateljskih organa iz Pravilnika o radu komisija Izvršnog odbora, pravnih tijela i natjecateljskih organa NS FBiH.
- 11.08. Savez kojem je odlukom IO NS FBiH povjereno vođenje Druge lige FBiH pripadaju svi prihodi od seminara, a na čiji teret spadaju i svi rashodi uz obavezu isplate predavača na seminarima.

Član 12.

- 12.01. Natjecateljski organi dužni su u skladu sa propisanim nadležnostima i važećim propisima pravovremeno donijeti odluke o suspendiranju klubova koji nisu izmirili svoje prethodne finansijske obaveze i propisno ih primijeniti.
- 12.02. Kantonalnim/županijskim savezima koji iz prethodnog perioda imaju neizmirena dugovanja prema NS FBiH ili drugim kantonalnim/županijskim savezima po osnovu vođenja natjecanja i drugo, neće biti povjereno vođenje Druge lige FBiH sve do izmirenja obaveza u cijelosti.
- 12.03. Kantonalnim/županijskim savezima koji ne organiziraju zvanična ligaška prvenstvena takmičenja pretpionira (U-13) i pionira (U-15) neće biti povjereno vođenje Druge lige FBiH.

Član 13.

- 13.01. Za rješavanje svih sporova vezano za vođenje natjecanja u Drugoj ligi FBiH nadležan je Izvršni odbor NS FBiH.
- 13.02. Odluka stupa na snagu danom donošenja, a stupanjem na snagu ove odluke prestaju da važe propisi kojima su ova pitanja bila prethodno regulisana.

PREDSJEDNIK
Soldo Dragan

Broj: 1069/22
Sarajevo: 29.06.2022.

Izvršni odbor Nogometnog saveza Federacije BiH na osnovu člana 32. Statuta NS Federacije BiH, na 17. sjednici održanoj 29.06.2022. godine u Kupresu, donio je s l j e d e ć u:

O D L U K U
o sjedištu i natjecateljskim organima
grupa Druge lige NS Federacije BiH
u natjecateljskoj sezoni 2022/2023

Član 1.

Ovom odlukom Izvršni odbor Nogometnog saveza Federacije BiH određuje sjedišta i natjecateljske organe grupa Druge lige FBiH: „Sjever“, „Centar“, „Zapad“ i „Jug“ u natjecateljskoj sezoni 2022/2023.

Član 2.

Natjecateljski organi grupa Druge lige Nogometnog saveza Federacije BiH su:

- povjerenik za natjecanje;
- povjerenik za suđenje;
- disciplinski sudac;
- tehnički tajnik.

Član 3.

Sjedište Druge lige Federacije BiH grupa „SJEVER“ u natjecateljskoj sezoni **2022/2023** je u **NS Posavske županije- Orašje**.

- Povjerenik za natjecanje je iz **NS Posavske županije- Orašje**
- Povjerenik za suđenje je iz **NS Tuzlanskog kantona**.
- Disciplinski sudac je iz **NS Tuzlanskog kantona**.
- Tehnički tajnik je iz **NS Posavske županije- Orašje**.

Član 4.

Sjedište Druge lige Federacije BiH grupa „CENTAR“ u natjecateljskoj sezoni **2022/2023** je u **FS Kantona Sarajevo**.

- Povjerenik za natjecanje je iz **FS Kantona Sarajevo**.
- Povjerenik za suđenje je iz **NS Zeničko-dobojskog kantona**.
- Disciplinski sudac je iz **FS Bosansko-podrinjskog kantona**.
- Tehnički tajnik je iz **FS Kantona Sarajevo**.

Član 5.

Sjedište Druge lige Federacije BiH grupa „JUG“ u natjecateljskoj sezoni **2022/2023** je u **NS Hercegovačko-neretvanske županije/kantona**.

- Povjerenik za natjecanje je iz **NS Hercegovačko-neretvanske županije/kantona**.
- Povjerenik za suđenje je iz **ŽNS Zapadnohercegovačke županije**.
- Disciplinski sudac je iz **ŽNS Hercegbosanske županije**.
- Tehnički tajnik je iz **NS Hercegovačko-neretvanske županije/kantona**.

Član 6.

Sjedište Druge lige Federacije BiH grupa „ZAPAD“ u natjecateljskoj **2022/2023** godini je u **NS Srednjobosanskog kantona/Kantona Središnja Bosna**.

- Povjerenik za natjecanje je iz **NS Srednjobosanskog kantona/Kantona Središnja Bosna**.
- Povjerenik za suđenje je iz **NS Unsko-sanskog kantona**.
- Disciplinski sudac je iz **NS Unsko-sanskog kantona**.
- Tehnički tajnik je iz **NS Srednjobosanskog kantona/Kantona Središnja Bosna**.

Član 7.

Sjedište grupe Druge lige FBiH ne može od strane NS FBiH biti povjereno k/ž savezu koji u toj natjecateljskoj sezoni nema klub u natjecanju Druge lige FBiH.

Sjedište grupe Druge lige FBiH ne može biti povjereno k/ž savezu koji nije izmirio sve ranije obaveze prema NS FBiH po osnovu utvrđenog dijela kotizacije ili ostale finansijske obaveze iz prethodnih perioda.

Sjedište grupe Druge lige FBiH ne može biti povjereno k/ž savezu koji ne organizira zvanična prvenstvena natjecanja pretpionira (U-13) i pionira (U-15).

Član 8.

Odluka stupa na snagu danom donošenja i obavlja se u službenom glasniku NS FBiH.

PREDSJEDNIK
Soldo Dragan

Broj: 1070/22

Sarajevo: 29.06.2022.

Izvršni odbor Nogometnog saveza Federacije BiH na osnovu člana 32. Statuta NS Federacije BiH, na 17. sjednici održanoj 29.06.2022. godine u Kupresu, donio je s l j e d e ć u:

O D L U K U
o imenovanju tehničkih tajnika
natjecateljskih organa grupa Druge lige NS FBiH
u natjecateljskoj sezoni 2022/2023

Član 1.

Ovom odlukom vrši se imenovanje tehničkih tajnika grupa Druge lige NS FBiH i vremenski period na koji se vrši imenovanje.

Član 2.

Za tehničkog tajnika natjecateljskih organa Druge lige FBiH grupa „Sjever“, za sezonu 2022/2023 godine, imenovan je: **Mišković Nenad**.

Za tehničkog tajnika natjecateljskih organa Druge lige FBiH grupa „Centar“, za sezonu 2022/2023 godine, imenovan je: **Alečković Emir**.

Za tehničkog tajnika natjecateljskih organa Druge lige FBiH grupa „Jug“, za sezonu 2022/2023 godine, imenovan je: **Glibo Oliver**.

Za tehničkog tajnika natjecateljskih organa Druge lige FBiH grupa „Zapad“, za sezonu 2022/2023 godine, imenovana je: **Đulabić Adisa**.

Član 3.

Tajnicima iz tačke 2. za izvršenje obaveza pripada mjesečna naknada u iznosu od 300 KM u mjesecima izvođenja natjecanja (avgust, septembar, oktobar, novembar i decembar 2022. godine, te februar, mart, april, maj i juni 2023. godine), a iz sredstava koji NS FBiH ustupa na ime troškova izvođenja natjecanja za svaku grupu Druge lige posebno.

Član 4.

Za obavljanje poslova i zadataka koji proizilaze iz organizacije izvođenja natjecanja Druge lige Federacije BiH imenovani su odgovorni Izvršnom odboru NS Federacije BiH. Kontrolu rada organa vršiće generalni sekretar i Sekretarijat za natjecanje NS FBiH, a posebna zaduženja tehničkih tajnika propisana su odlukom Izvršnog odbora NS FBiH o načinu vođenja natjecanja u Drugoj ligi FBiH.

Član 5.

Odluka stupa na snagu danom donošenja.

PREDSJEDNIK

Soldo Dragan

Broj: 1071/22

Sarajevo: 29.06.2022.

Izvršni odbor Nogometnog saveza Federacije BiH na osnovu člana 32. Statuta NS Federacije BiH, na 17. sjednici održanoj 29.06.2022. godine u Kupresu, donio je s l j e d e ć u:

O D L U K U
o imenovanju natjecateljskih organa
grupa Druge lige NS FBiH
za natjecateljsku sezonu 2022/2023

Član 1.

Ovom odlukom određuju se natjecateljski organi Druge lige Federacije BiH grupa: „Centar“, „Sjever“, „Jug“ i „Zapad“ koje čine povjerenik za natjecanje, povjerenik za suđenje i disciplinski sudac, vrši se imenovanje i utvrđuje vremenski period na koji su imenovani.

Član 2.

Druga liga FBiH „CENTAR“

Za povjerenika za natjecanje za natjecateljsku sezonu 2022/2023, imenovan je: **Trbonja Mirza**.
Za povjerenika za suđenje za natjecateljsku sezonu 2022/2023, imenovan je: **Bačinović Osman**.
Za disciplinskog sudiju za natjecateljsku sezonu 2022/2023, imenovan je: **Sijerčić Amir**.

Druga liga FBiH „SJEVER“

Za povjerenika za natjecanje za natjecateljsku sezonu 2022/2023, imenovan je: **Zovkić Slavko**.
Za povjerenika za suđenje za natjecateljsku sezonu 2022/2023, imenovan je: **Ibranović Ahmet**.
Za disciplinskog sudiju za natjecateljsku sezonu 2022/2023, imenovan je: **Čeliković Jasmin**.

Druga liga FBiH „JUG“

Za povjerenika za natjecanje za natjecateljsku sezonu 2022/2023, imenovan je: **Škoro Mustafa**.
Za povjerenika za suđenje za natjecateljsku sezonu 2022/2023, imenovan je: **Paradžik Goran**.
Za disciplinskog sudiju za natjecateljsku sezonu 2022/2023, imenovan je: **Šarić Mirko**.

Druga liga FBiH „ZAPAD“

Za povjerenika za natjecanje za natjecateljsku sezonu 2022/2023, imenovan je: **Frljić Ljuban**.
Za povjerenika za suđenje za natjecateljsku sezonu 2022/2023, imenovan je: **Dupanović Adnan**.
Za disciplinskog sudiju za natjecateljsku sezonu 2022/2023, imenovan je: **Huskić Sinan**.

Član 3.

Nadležnost i obaveze natjecateljskih organa Druge lige FBiH grupa „Centar“, „Sjever“, „Jug“ i „Zapad“ propisane su odlukom Izvršnog odbora NS FBiH o načinu vođenja natjecanja u Drugoj ligi FBiH.

Član 4.

Za obavljanje poslova i zadataka koji proizilaze iz organizacije izvođenja natjecanja imenovani su odgovorni Izvršnom odboru NS Federacije BiH, a kontrolu rada organa vršiće nadležna komisija NS FBiH i Sekretarijat za natjecanje NS Federacije BiH, shodno odlukama IO NS FBiH.

Član 5.

Odluka stupa na snagu danom donošenja.

PREDSJEDNIK

Soldo Dragan